

**Robert Nagle
joinim
Yunaited
Pati**

PES 2

**Gavman
rausim
ol kwik
mani
bisnis**

PES 3

**Rot i op
long
Nipa na
Tari**

PES 7

**10 pes
Indipendens
saplimen**

Ol pren kantri bai helpim PNG

YAKAM KELO i raitim

PAPUA Niugini bai kisim bikpela helpim i kam long ol poroman kantri long sait bilong mani na bisnis we inap strongim tru nesanel baset bilong neks yia 2000.

Insa it long wanpela poroman grup ol i kolim Friends of PNG o ol pren bilong PNG, ol dispela kantri i wanbel long sapotim na helpim PNG long ol hevi kantri i bungim tude long sait bilong mani na bisnis.

Praim Minista Sir Mekere Morauta i tokaut aste olsem dispela sapot em i kamap gut tru insait long bikpela bung bilong Esia Pasifik Ekonomik Konfrens (APEC) we ol kantri long Esia na Pasifik rijon i kamap long en. Dispela bung em PNG i memba long en na ol bikpela na strongpela kantri


olsem Japan, Amerika, Australia, Nu Silan, Taiwan, Saina na planti arapela moa i memba tu na ol i kamap.

Sir Mekere i tok bai Praim Minista bilong Australia John Howard i kam long PNG long Oktoba neks mun na long dispela taim bai em i ken tokaut long wanem kain helpim bai Australia wantaim ol dispela pren kantri bai givim long PNG. Australia i go pas long ol dispela pren grup na wanem kain sapot na helpim ol dispela kantri bai givim bai i kam wantaim taim Australia Praim Minista John Howard i kam na tokaut.

Sir Mekere i tokaut olsem taim PNG i kisim dispela luksave o sapot pinis, bai ol wok redi bilong Intanesenel Monetori Fan (IMF) na Wol Beng tu i kamap na dispela olgeta inap mekim PNG i kamapim gutpela baset bilong yia 2000.

Praim Minista i tok bai Australia i givim helpim mani long PNG tasol em ino laik tokaut long namba bilong mani yet inap Australia Praim Minista yet i kamap na tokaut long en. Em i bin tokaut tu olsem ol hevi bilong mani na bisnis long kantri tude bai i go daun taim ol dispela helpim i kam long neks mun.

Minista bilong Foren Afeas Sir Michael Somare husat tu i bin go long dispela APEC miting i tokaut olsem dispela APEC bung i kisim planti gutpela helpim i kam long PNG. Insa it long ol toktok PNG i mekim wantaim ol pren kantri, planti sapot bai kam aninit long wok bisnis. Na ol dispela wok bisnis bai helpim PNG long planti taim i kam bihain we PNG yet inap pulim mani long ol dispela wok bisnis na kirapim ekonomi bilong kantri.



Stadi long bris

• Wara Mongi long Finsafen i nogat gutpela bris long ka i ron. Ol manmeri i save karim kago na mekim nating long dispela rop bris. Woks Minista Mao Zeming na Morobe Gavana Luther Wenge i sanap stadi long bris.

Skate na Taku kotim nesanel gavman

PETER MAIME i raitim

OLPELA Gavana bilong Nesanel Kapitel Distrik, Philip Taku na Oposisen Lida, Bill Skate i kisim nesanel gavman i go long kot long saspending gavman bilong ol.

Nesanel gavman i bin saspending Nesanel Kapitel Distrik Komisn bihain long wanpela wok painim aut i tok olsem i gat planti paul pasin long mani na wok bilong komisn.

Mista Taku na Mista Skate i tok, i nogat wanpela trupela wok painim aut i bin kamap long Nesanel Kapitel Distrik Komisn na nesanel gavman i rong long saspending gavman bilong ol.

Ol tu i tok nesanel gavman wan tu i saspending gavman bilong Nesanel Kapitel Distrik na i no kisim stori long sait bilong ol long wanem samting i rong long komisn olsem ripot i tok.

Bipo ol i saspending Nesanel Kapitel Distrik Komisn, i bin gat wanpela komiti nesanel gavman yet i bin kamapim long mekim dispela panim aut long ol wok bilong komisn.

Long Tunde long dispela wik, Mista Taku na Mista Skate i joinim Nesanel Kapitel Distrik Komisn aninit long nem bilong ol long kotim nesanel gavman tasol Nesanel Kot i tok nogat long dispela samting.

Jas Kubulan Los i tok Mista Taku na Skate i no inap yusim nem bilong Nesanel Kapitel Distrik Komisn long kotim nesanel gavman. Mista Skate olsem Memba bilong Nesanel Kapitel Distrik i bin wanpela komisina bilong gavman bilong Mista Taku bipo.

Dispela disisen bilong Nesanel Kot i bin kamap bihain long tupela loya wantaim i bin tok pait long kot.

Loya makim Jamie Graham, Andrew Corren i tokim kot olsem Mista Taku na Mista Skate i nogat pawa long yusim nem bilong komisn. Olgeta pawa bilong ol i pinis taim nesanel gavman i saspending gavman bilong ol.

KULCHA YUMI-FM 5.00 PM MON TO FRI

MUTRUS



PROUDLY SPONSORING LOCAL PNG MUSIC

GOVERNMENT WARNING SMOKING IS DANGEROUS TO HEALTH

PLIS RIPOT

Lae, Morobe:

Wanpela man Morobe i stap nau long Lae haus sik bihainim pait namel long ol Morobe na Sepik setelmen lain klostu long Yunitek kempus long Lae.

Ol plis ripot i tok belhevi na pait i wok long kamap namel long tupela grup bihainim dai bilong wanpela man long setelmen long las mun.

Plis bos long Lae Awan Sete long dispela wik i bin bungim ol lida bilong tupela grup long traim stretlong pait long dispela wik Mande ol bin kukim foapela tredstoa na 13 haus. Wanpela man i kisim bagarap long en.

Mista Sete i tok long bung wantaim ol lida bilong tupela birua grup, ol bin tokim ol long noken kisim lo i go long han bilong ol.

Goroka, Isten Hailans:

Ol kriminel wok, birua long bagarapim meri, holim gan na wokim stil pasin i wok long kamap bikpela gen long Goroka, ol plis ripot i tok.

Long las wik, ol raskol i bin wokim holap long wanpela meri na kisim fowil ka bilong em.

Meri ya i bilong Simbu na em i maritim wanpela waitman. Ol bin paitim na lusim em na kisim ka bilong en we bihain, ol i lusim long Watabung, 20 kilomita longwe long Goroka taun.

Ol raskol i bin stilim narapela tripela ka las wik. Na ol i painim tasol wanpela long ol dispela ka.

Long wankain taim tu, wanpela raskol i bin bagarapim wanpela yangpela meri Baiyer taim em i wasim ol klos i stap. Taim boipren i laik helpim meri ya, raskol i laik sutim man ya wantaim naip na dispela i pretim man. Bihain long en, raskol i bin go bek na bagarapim meri ya.

Samting ya i bin kamap long not Goroka. Plis i bin holim pasim dispela man wantaim helpim bilong ol ples lain.

Meri ya i bin kisim bagarap long pes, nek na rasol ya i bin brukim ol klos bilong em.

Goroka, Isten Hailans:

Tripela raskol lain i stap nau longhan bilong plis na narapela i stap long Goroka beis haus sik bihainim upela holap pasin long Goroka las wik. Ol plis i bin sutim dai narapela wanlain bilong ol.

Provinsal Plis Komanda Edward Kinamon i ripitit gen toktok we em bin wokim pastaim na dispela em long ol plis bai i no inap long lusim nating ol man nogut husat i save bagarapim gutpela sindaun bilong ol arapela manmeri na pikinini wantaim gan.

Mista Kinamon i tok ol plis bai go het na sutim ol raskol bihainim kain situesen ol i stap long en.

Mista Kinamon i tok long dispela yia, plis i bin sutim dai moa long 15 raskolman long Goroka.

Plis i tok tripela raskol husat i kisim bagarap long plis i hap long siksipela raskol grup husat i bin wokim holap na kisim ambalens bilong Goroka beis haus sik las Fraide.

Bihainim dispela, plis i ripotim olsem ol raskol ya i bin holim ap ol lain i baim kopi klostu long Goroka maket na stilim K6000 kes mani long ol.

Plis i bin ronim ol na holim tripela bilong ol taim narapela tripela i ronawe wantaim ol mani na gan.

Long narapela trabel, plis i bin sutim na kamapim bagarap long wanpela raskol bihain long lain bilong em i wokim holap long wanpela Rotman's deliveri ka.

Man i kisim bagarap long bel bilong em i bilong Daulo Distrik.

Robert Nagle joinim Yunaitet Pati

YAKAM KELO i raitim

YUNAITET Pati i kisim narapela memba gen i go joinim kem bilong em long dispela wik. Memba bilong Mul Baiyer Robert Nagle i kalap lusim Pangu Pati na i tokaut klia olsem em i joinim Yunaitet Pati.

dispela i apim namba bilong Yunaitet Pati i go antap long 6 bihain tasol long memba bilong Kainantu Baki Reipa i bin joinim olsem long las mun taim em i winim bai ileksen na go bek long palamen. Ol memba bilong Yunaitet Pati em Gabia Gagarimabu, Herowa Agiwa, Bevan Tambi, Luther Wenge, Baki Reipa na nau Robert Nagle.

Insait long wanpela pas bilong Robert Nagle i tokaut olsem bikpela toktok i kamap long ol sapota long ilektoret bilong


em long em i mas lusim Pangu na go joinim Yunaitet Pati. Dispela em long mekim em i gat sans long kam gen long ileksen taim na tu bringim ol bikpela sevis ol pipel i laikim long ilektoret.

Pepa bilong Mista Nagle i tok ol pipel i laikim em i mas lusim Pangu bikos long lukluk Pangu i sanap long en tude we i hat na i no gutpela olsem na em i mas joinim Yunaitet Pati we i sanap poroman wantaim Sir Mekere gavman.

Mista Nagle i bin kamap memba bilong palamen aninit long tiket bilong Pangu Pati long 1992. Em i bin sanap strong wantaim Pangu taim planti arapela memba i bruk na go nabaut. Olsem na dispela senis em i mekim bai kamapim kirap nogut long planti memba bilong palamen.

Mista Nagle i tok em i nogat bel nogut o kros long lida na ol memba bilong Pangu.

Em i lusim Pangu bikos long bikpela laik tru bilong ol pipel bilong em long ilektoret.



• Robert Nagle

Abaijah winim gen vot i nogat bilip

WANPIS meri Gavana, Dem Josephine Abaijah i winim namba tri vot i nogat bilip long em long dispela wik.

Memba bilong Samarai Murua Titus Philemon i kamapim dispela vot i nogat bilip long sia bilong Milen Be Gavana tasol De Josephine Abaijah i winim ileksen wanaim 12-pela vot na Mista Philemon wantaim 4-pela vot tasol. Milen Be provinsal gavman i gat 21 memba long asembli tasol 5-pela provinsal memba i no bin kamap long vot.

Gavana Abaijah i tokaut pastaim long vot i nogat bilip i kamap olsem em i bilip i nogat wanpela gutpela as tru long kamapim dispela vot egensim em olsem Gavana bilong Milen Be provins.

Mi bilip olsem ol dispela lida husat i wok long pasim tok long rausim mi long opis bilong Gavana i gat gridi tingting bilong kisim pawa, kisim gutpela pe na biknem long bikpela opis, em i tok.

Ol lain long Mosbi i tokim mi olsem ol dispela lida bilong Milen Be provins i olsem ol kusai man we ol mani man na ol lain i gat bikpela pawa i wok long kontrolim ol, Gavana Abaijah i tok.

Mista Philemon na Ruel Developmen Minista William Ebenosi i bin sutim tok long Gavana i no mekim ol gutpela disisen na i abrus long givim mani long mekim kamap ol bikpela projek insait long provins.

Tasol Dem Josephine na lida bilong Gavman Bisnis na Presiden bilong Maramatana Lokol Level Gavman, Jules Deboi i tokaut olsem olgeta samting olsem ol projek em hat long mekim i kamap bikos i nogat mani.

Gavana Abaijah i askim bilong wanem as tru na nesanel gavman i wokim long givim hevi long em na ol pipel bilong Milen Be provins, wanem samting tru em i mekim asua long en.

Gavana Abaijah i tok em i sori tru long lukim olsem nesanel gavman i laik kamapim hevi long em na ol pipel bilong Milen Be provins bikos em i bin memba bilong opela gavman bilong Bill Skate.

Praim Minista Sir Mekere Morauta em bilong Papua na Milen Be provins em wanpela provins long Papua rijon. Olsem



• Josephine Abajah

na bilong wanem as bai em (Mekere) i krungutim mipela na larim ol pipel bilong Milen Be i kisim hevi, em i askim.

Kaunsil presiden Mista Deboi i tokim Minista William Ebenosi olsem, yu em Minista na em i wok bilong yu long pait long hevi bilong mipela long provins. Yu i no ken kam long hia na pretim ol pipel bilong yu gen.

Yu stap long gavman na yu gat rait long mekim wanem samting yu ken mekim long helpim ol pipel bilong yu. Tasol sapos yu wantaim Praim Minista i no laik helpim ol pipel, dispela em disisen bilong yu, Mista Deboi i tok.

Gavana Abaijah i tokaut olsem em i bin givim sia bilong Gavana i go long Titus Philemon long Julai 31 tasol memba bilong Samarai Murua i no laik.

Mi givim em 10 minit long tingting na tokaut. Taim mi kam bek bihain long 10-pela minit, em i no laikim long kisim Gavana. Nau em i wok long pait strong long rausim mi long kamapim vot i nogat bilip, em i tok.

Mi askim ol pipel bilong Milen Be provins olsem yupela i laikim dispela kain lida long makim yupela long lokol, provinsal na nesanel gavman o nogat?.

Gavana Abaijah em wanpela meri tasol long kamap Gavana insait long kantri.

Lukluk bek long sios

KEVIN BANA i raitim

KATOLIK, Luteran na Angliken Sios i kisim tok salens i kam long wanpela Angliken Evanjelis tisa, Dick Kolai bilong Kerina Evanjelis Koles insait long Jimi veli, Westen Hailens Provins.

Evanjelis Kolai i salensim ol dispela tripela bikpela sios long lukluk i go het long yia 2000 na i go.

"Tude planti wokmanmeri bilong sios i wok strong tru long kisim bikpela mak na namba long ol kainkain stadi bilong ol long Tioloji Digri, Masta Digri, na Dokta Digri. Dispela ol save em i no mak tru bilong wok Gutnius. Nogat. Dispela em i save tasol. Na larim Bikpela Papa God i bos na givim stia tru long ol kainkain save ya long wok Gutnius bilong en," Evanjelis Kolai i tok.

Em i tok ol bikpela lain sios i no sanap strong olsem gutpela piksa tru bilong lida bilong sios na Gutnius bilong bikpela Jisas, na olgeta taim ol yet i wok long rausim ol Kristen memba bilong ol i go aut long laik bilong ol.

"Dispela em i bikpela asua tru," Evanjelis Kolai i tok.

Evanjelis Kolai em i namba foa Angliken sumatin long go long Martin Luta Seminar na kisim moa skul long Tok bilong God na tu long redim em yet long raitim Betsala Digri pepa bilong en insait long tupela yia.

Em wantaim meri bilong en, Ms Juliet na ol i gat tripela pikinini i kam long Simbai, insait long Madang Provins.

Memba helpim long bris projek

FRANCO NEBAS i raitim

MEMBA bilong Nawae Kennedy Wenge i givim K10,000 long Tunde i go long Woks Dipatmen Lae long helpim pinisim wanpela bris projek long ilektoret bilong em.

Dispela bris projek em ol wok man bilong woks dipatmen Lae long seksen bilong Lokol Level Gavman i go pas long en.

Dispela bris projek i kisim ol tripela wik long mekim we bai sevim pipel bilong Baidong ples i go long Kasanombe na go long Lae.

Ostrelia Gavman (AusAID) i bin go pas long fandim prosek wantaim ol samting bilong wokim bris.

Mista Wenge i tok bikpela amamas tru long Ostrelia Gavman long mekim

kamap dispela prosek we em i tok planti pipel bilong em i bin lus pinis long dispela hap.

Em i tok ilektoret bilong em, em wanpela hap we sevis i go long ol pipel i save hat tru long wanem long bikpela maunten, wara na bus i save mekim wokabaut hat tru.

AusAID i bin fandim dispela prosek we kos i olsem K52,000. Bikpela hap bilong dispela mani we i olsem K34,000 i go long baim helikopta long karim samting bilong wokim bris i go.

Provinsal woks menesa long Lae i tok amamas tu i go long Mista Wenge long luksave long dispela seksen bilong Woks Lokol Level Gavman long mekim wok.

Em i tok, "Dispela seksen bilong mipela i stap tasol i nogat man i luksave na save yusim we yu memba bilong Nawae, yu

namba wan man long yusim sevis bilong mipela."

Mista Wenge tok, "Dispela prosek em i kisim tripela wik tasol long pinis we i soim tru olsem i gat saveman i stap na yumi no save yusim ol."

Em i tok, "Long sampela prosek wankain olsem dispela i save kisim yia long pinisim we moa mani save wes. Nau yumi lukim tru olsem save man o wok man bilong gavman i stap tasol yumi i no save yusim ol."

Wok bilong bris bai pinis long Septemba 25, na opisel opening long Septemba 27, 1999.

Mista Wenge bai givim arapela K20,000 gen i go long woks dipatmen (Lokol Gavman) long helpim long arapela prosek sampela taim bihain long dispela yia.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group Editor in Chief:
Anna Solomon.
Advertising Manager:
Mike Kanin.
Editor of Wantok:
Yakam Kelo.

Papers distributed by air throughout PNG. Available by air mail subscription within Papua New Guinea and overseas
Email address:
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Katolik Bisop egensim tru pasin bilong bagarapim meri

OLGETA de i gat trabel i kamap long ol meri insait long dispela kantri. Olgeta de, ol meri long dispela kantri i save bungim pret na birua, Bisop Stephen Reichert, Presiden bilong Katolik Bisops Konferens long PNG na Solomon Ailan i mekim dispela toktok.

Bisop Reichert i tok ol lain husat i save mekim dispela kain trabel, kamapim pret na ol pasin nogut i gat famili bilong ol. Na ol i memba bilong sosaiti long dispela kantri husat i save kolim ol yet ol Kristen. Wanem samting i krangki long edukesen bilong ol pikinini insait long famili na komyuniti we i mekim na ol i save brukim ol domotori na haus slip bilong ol meri na i go insait long holim ol na bagarapim ol, Bisop Reichert i askim.

Bagarap ol bikhet man i mekim long ol Katolik sista long wiken i soim hevi ol meri i stap long en insait long kantri. Mipela i egensim tru dispela birua i kamap long ol sista na askim ol manmeri long komyuniti long kisim ol dispela bikhet man i kamap long lo. Wari na prea bilong mipela i go long ol lain i kisim bagarap, Bisop Reichert i tok.

Em i tok wantaim bikipela wari, dispela kain hevi i save kamap planti taim tasol nogat ripot i save go long nius o long ol plisman.

Bisop Reichert i mekim dispela toktok bihain long ol man nogut i bin

brukim haus slip bilong ol Katolik Sista long Goroka na i go insait na bagarapim wanpela Sista na kamapim birua long ol arapela. Dispela hevi i bin kamap long las wik wiken.

Tasol plis long Goroka i tok ol i save long ol dispela lain man na ol bai kisim ol liklik taim bihain.

Bisop Reichert i tok dispela bel hevi i no sut tasol long ol kain hevi olsem we i bin kamap na ripot i kamap long ol. Tasol dispela bel hevi i mas kamap klia long soim sindaun bilong yumi, pasinbilong yumi, pasin bilong yumi long ol pikinini bilong yumi, pasin bilong skulim ol pikinini na long pasin yumi ken mekim long ol lain i save mekim trabel long ol meri.

Mipela long Katolik Bisop i askim ol manmeri long komyuniti long prea long ol dispela lain i bungim hevi long dispela bikhet pasin, bai ol i ken pilim strong na sapot bilong God Papa, Bisop Reichert i tok.

Mipela askim komyuniti long soim kirap nogut na kros long ol hevi bilong raskol pasin olsem dispela. Dispela em hevi bilong plis fos, hevi bilong politiks, hevi bilong lotu na hevi bilong famili. Olsem na mipela i singaut long tenis bilong lukautim na banisim gut ol meri insait long sosaiti olsem yumi save mekim long lukautim gut ol mama, susa na meri bilong yumi, Bisop Reichert i tok.

Kwik mani gat 3 mun long pasim bisnis

ROSALYN ALBANIEL i raitim

NUPELA gavman bilong Mekere na Pundari i egensim tok orait bilong olupela gavman long larim ol Kwik Mani bisnis insait long kantri long go het moa.

Long las wik Sentral Beng i bin givim strongpela tok olsem ol dispela lain i gat tripela mun long pasim ol bisnis bilong ol. Sapos ol i sakim tok bai i gat kot.

Singaut bilong ol i sut i go long foapela kampani:

- Coral Pacific International Limited;
- U-Vistract Finance Corporation Limited;
- Millennium Corporation Limited; na
- Nekong International Investment Limited, husat i bin

kisim tok orait long olupela Minista bilong Tresuri na Deputi Praim Minista, Iairo Lasaro, na gavman bilong em long Julai long go het wantaim bisnis bilong ol.

Tasol ol lain long Sentral Beng i tok las wik olsem, dispela hap tok i sut to i go long ol lair husat i wok long ronim ol wankain bisnis tu we ol i no kolim nem bilong ol tu.

Tok i stap pinis olsem Praim Minista, Sir Mekere Mourata, na nupela gavman bilong em ino luksave long ol dispela kain bisnis. Tok tu i stap pinis olsem ol i noken kisim moa mani long publik bilong wanem ol i tok em i rong.

Benny Popoitai, wanpela wokman bilong Sentral Beng, i tokim ol nius lain olsem insait long dispela tripela mun, ol dispela bisnis man i gat 14 de long stretim ol pepa wok bilong ol

long pasim ol dispela bisnis na givim long Sentral Beng.

Mista Popoitai i tok olsem ol dispela ol kwik mani bisnis i gat tripela mun tu long baim ol investa bilong ol. Nau yet ol i singaut long ol dispela bisnis long opim wanpela akaunt wantaim ol biknem beng long holim ol mani we i wok long kisim na we ol i mas tilim aut inap long taim ol i pas.

Bikos gavman i no luksave long ol dispela beng ol bai sasim ol dispela lain husat i sakim tok na i no bihainim maus bilong ol aninit long Mama Lo bilong ol Beng.

Ol toksave we Sentral Beng i putim i go aut bai ron i go inap taim ol i makim i pinis. Dispela bai mekim klia olsem ol i no giaman. Ol i tok strong tu olsem ol publik ino ken putim mani moa long ol dispela ol kwik mani bisnis.

Gavman laik sekim ol praivet bisnis bilong NCDC

MENESA bilong Nesenel Kapitel Distrik Komisn (NCDC) Maxton Jamie Graham i askim ol wokman bilong NCDC long tokaut sapos ol i save kisim kontrak o mekim praivet bisnis wantaim Komisn.

Mista Graham i askim ol wokman na ol Komisn bilong NCDC long tokaut long bisnis bilong ol sapos ol i save mekim praivet bisnis wantaim NCDC na tu wok olsem wokman bilong NCDC na kisim potnait pe.

Mista Graham i mekim dispela long traime painimaut long planti bikipela mani bilong NCDC i save go long we na long wanem kain bisnis na kontrak, na husat em ol papa bilong ol dispela praivet bisnis.

I gat bikipela wok painimaut nau i kamap long menesmen bilong NCDC we gavman i saspensim edministresen bilong Gavana Philip Taku na ol eksekutiv bilong em.

Minista bilong Proinsal na Lokol Gavman Afeas Andrew Kumbakor i mekim dispela saspensim long NCDC menesmen bikos gavman i ting i gat bikipela paul na hait pasin i stap insait long menesmen bilong

NCDC we bikipela mani tru i paul long en.

Long las wik Menesa Jamie Graham i rausim sekyuriti sevis bilong Yama Sekyuriti Kampani wantaim NCDC bikos em i ting bisnis operesen bilong ol ino bihainim lo bilong Fainens Menesmen Ekt. I gat wanpela ripot i tok Yama Sekyuriti kampani i bin askim long kisim sampela mani pastaim long mekim wok bilong ol we samting tru ol i no mekim wanpela wok bilong NCDC yet.

Tasol bos bilong Yama Sekyuriti Kampani Peter Yama i tok sekyuriti kampani bilong em i no mekim wanpela samting ausait long lo. Ol i bin winim kontrak long mekim sekyuriti wok wantaim NCDC long tripela hap eria bilong Mosbi siti.

Mista Yama i tok dispela tok bilong kisim hap mani pastaim long wok em i no nupela samting long olgeta bisnis wok. Na em i samting bilong menesmen bilong NCDC wantaim Yama Sekyuriti Kampani na i no wanpela politiks samting long Jamie Graham i tingting long en.

Mista Yama i tok kampani bilong em i winim kontrak stret

aninit long tenda bilong NCDC na ol i no kalapim wanpela o mekim wanpela hait pasin long kisim dispela kontrak wantaim NCDC.

Mista Graham i tokaut olsem sapos em i painimaut olsem sampela NCDC wokman i save mekim praivet bisnis wantaim NCDC taim ol yet i wokman bilong NCDC, bai bisnis bilong ol i pinis na ol tu bai pinis long wok. Na sapos i gat inap evidens olsem ol paul na hait pasin i stap, bai ol i mas kisim sas long kot.

Nesenel gavman i ting i gat planti hait na paul pasin i stap insait long NCDC edministresen we planti milien Kina i lus nating. Olsem na ol i rausim ol bosman bilong NCDC na putim ol wokman we nesenel gavman i makim long i go insait na painimaut long ol dispela samting.

Minista Andrew Kumbakor i tok sapos ol i painim olsem sampela man i mekim stil pasin tru we i brukim lo, bai ol i mas kisim sas long han bilong lo.

Gavana Philip Taku i ting dispela em politiks pasin tasol long giaman painim asua bilong ol lida long daunim ol.

Ol Esia na Pasifik kantri laik helpim Papua Niugini

PAPUA Niugini bai kisim sapot na helpim i kam long ol Esia Pasifik kantri long sait bilong mani na bisnis.

Praim Minista Sir Mekere Morauta i tokaut long dispela samting taim em i bin go sindaun long bikipela bung bilong ol Esia Pasifik Ekonomik Konferens (APEC) long las wik long Nu Silan.

Insait long dispela APEC bung, Sir Mekere i tokaut olsem ol wansolwara kantri na Esia kantri i wanbel long helpim Papua Niugini long ol hevi bilong mani we kantri i bungim long dispela yia i kam inap tude.

Em i tok sapos ol dispela helpim bilong APEC kantri i kam, bai dispela i helpim long karimaut wok bilong mini baset we nesenel gavman i pasim long Julai dispela yia na tu bai ol helpim ya i helpim long kamapim bikipela nesenel baset bilong yia 2000.

Baset em bikipela eria we gavman bilong Papua Niugini i wok long painim helpim long en bikos baset tasol bai i mekim ol wok bilong kantri i go het.



• Sir Mekere Morauta

Sir Mekere Morauta i bin tokaut long palamen mun Julai olsem taim em i go long dispela APEC bung, bai em i bungim ol lida o Praim Minista bilong ol dispela APEC kantri na tokot wantaim ol long ol hevi kantri i gat long en na traime long kisim sapot na helpim bilong ol. Dispela toktok bilong Sir Mekere Morauta i no popaia na em i kamapim long las wik APEC.



WANTOK

NIUSPEPA BILONG YUMI OL PAPUA NIUGINI STRET

Amamasim independens long wanem?

PNG i amamasim 24 independens bilong kantri long tude. Independens em olsem sanap long lek bilong yumi yet na mekim samting yumi yet. Tasol dispela independens em taim bilong yumi amamas long wanpela gutpela samting o olsem wanem?. Inap ol pipel bilong PNG i amamasim dispela 24 yia o betde bilong kantri wantaim sampela gutpela samting?

Hevi bilong mani i mekim planti manmeri i sotwin tru bikos prais bilong olgeta samting long stua i go antap olgeta. Planti pikinini i hangre bikos kaikai i sot long haus, planti famili i gat hevi bikos ol i sot long mani, raskol pasin i kamap bikpela bikos prais bilong baim kaikai i antap tumas na mani i sot long baim.

Taim ol famili i wok long bungim hevi long laip bilong ol long haus wanwan, ol lida bilong yumi tu i wok long amamas raun na poketim mani bilong ol pipel long kain kain wok we ol yet bai kisim helpim na strong long en. Mani bilong ol pipel i no go stret long sevim ol. Ol lida i subim ol mani i go long mekim wok bilong ol yet. Olsem na long dispela as, planti manmeri bai i stap olsem ol turangu lain yet na sampela bai i kamap mani man wantaim planti kago.

Planti ples longwe tru long taun na i stap long bikbus i wet yet long gavman sevis. Tasol i luk olsem ol bai wet yet longpela taim moa inap tingting na bel na pasin bilong ol lida i senis tru tru. Ol pipel bai amamas long ol gutpela sevis na helpim taim bel bilong lida i kra i kra tru long sevim ol pipel bilong em.

Bai yumi amamasim independens long wanem?. Sapos yumi amamas long wanpela gutpela samting we bai i helpim na sevim yumi, orait i gutpela long yumi amamasim independens.

Carterets Ailan pipel sot long kaikai

VERONICA HATUTASI i raitim

BOGENVIL Edministresen bai salim sampela rilif kaikai i go long ol pipel bilong ol liklik ailan long Carterets Ailan grup husat i bungim hevi long kaikai i sot.

Edministretiv Seketeri Francis Kabano i tok provin-sel sip MV Sankamap bai wokim ron i go long ol ailan ya long helpim samting olsem 1,800 pipel husat nau i stap long kokonas na fis tasol.

Em i tok edministresen bai toktok wantaim ol bisnis haus na ol siping kampani long lukluk long wokim ol ron i go long ol Carterets Ailan grup na helpim ol pipel ya.

Em i tok nau taim kaikai na wara i sot, ol pipel i wok long kaikai kokonas na dringim wara bilong em.

Em i tok salim kopra em i wanpela rot long ol Carterets Ailan pipel long pulim mani long en na taim hevi i wokim na ol pipel i kaikai kokonas tasol, na dispela i no givim gutpela sans long ol pipel long wokim kopra long pulim mani long em. Em i tok ol gat pis tasol i nogat maket bilong em long wanem em i hat long sait bilong trenspot.

Long las wik, Siaman bilong Nesenel Investigesen Komiti na Minista bilong Pablik Sevis Philemon Embel i bin kisim ripot olsem ol Carterets pipel i sot long kaikai na em bin singaut long Nesenel Gavman na ol arapela han bilong gavman na Nesenel Disasta opis long wokim samting kwiktaim long helpim ol pipel husat i wok long stap Ol pipel bilong faivpela ailan long Carterets

grup i bungim hevi. Em long Piul, Han, Yolasa, Yesila na Yangain Ailan.

Ripot i kam long Atols Distrik opis long Buka i tok antap long rais we provin-sel edministresen i laik salim i go long ol Carterets pipel, ol i askim tu ol piple long Buka na bikples Bogenvil long bungim ol kaukau na banana samting long helpim ol brata na susa bilong ol long Carterets Ailan.

Ol dispela ailan grup i stap long biksolwara lusim Buka na Bogenvil Ailan. Rm save kisim eitpela (8) awa long sip i lusim Buka na kamap long Carterets ailan grup.

Hevi i kamap bikos solwara i wok long go insait long ol ailan na sol i bagarapim ol taro, banana, kapiak na ol arapela gaden kaikai.

Hevi ya i bin stat long 1980 na i go het yet.

Dispela hevi weol pipel i stap long en nau i bin stat long mun Mas bilong dispela yia.

Ripot i tok ol skul i op tasol inap long wan belo bikos long hevi na ol sumatin na tisa i no kisim gut kaikai.

Ripot i tok i opis i redim pinis ol ripot long wokim ol samting bilong daunim hevi nau na long bihain taim bilong ol Carterets pipel.

Wanpela em long sindaunim ol pipel long ol plantesen insait long bikpela Bogenvil na Buka. Em long Madehas, Numanuma na Kurwina plantesen.

Bipo long Bogenvil hevi, ol bin wok long sindaun ol Carterets pipel long Kuveria insait long sentrel Bogenvil tasol paat na hevi i bin ronim ol piple bek long ol ailan bilong ol.

Hevi bilong hombru kamap bikpela long Buka

PLANTI man i kisim marasin long Buka Haus sik bihainim ol bagarap na sik ol i bungim taim ol i dringim hombru bia o strongpela deing we ol i wokim long ples.

Na maski ol lo ejensi na atoriti na ol komyuniti long ailan i wokim samting long traunim daunim dispela hevi, em i stap na go het yet.

Ol ripot i kam long Buka i tok pasin bilong dringim hombru i wok long kamap long ol pablik ples, nambis, sait bilong rot na i nogat man we inap long stapim dispela birua dring na pasin.

Ol i wok long salim hait ol hombru botol long Buka maket tu, ol ripot i tok. Pe bilong wanpela botol pepsi hombru inap long K5-6.

Ol ripot i tok olgeta lain we i stat long ol yangpela man na ol plis na sekuriti fos wantaim i wok long dringim hombru bia ya.

Hombru i wok long kamapim hevi insait long ol famili na komyuniti long planti hap bilong Bogenvil, ol ripot i tok.

Ol ripot i tok sampela long ol yangpela i stap long haus sik em hombru i kukim liva bilong ol. Na ol narapela em i stap insait long birua bilong ka.

Wanpela yangpela man i bin dring hombru long las wik na i bin stap insait long birua bilong ka i no inap long wokabaut nau, ol ripot i tok.

Ol meri na sios grup na ol arapela memba bilong komyuniti husat i wari long ol hevi olsem i wok hat long daunim hevi bilong hombru tasol ol i laikim helpim bilong ol lo ejensi na komyuniti long strongim ol wok long dispela samting.

Karani bai lukluk long ol Bogenvil kalabus long Keravat

KOREKSENEL Sevis Minista Mathias Karani i tok em bai lukluk long askim bilong ol Bogenvil kalabus man husat i stap long Keravat haus kalabus insait long Is Nu Briten long salim ol i go bek long ailan.

Mista Karani i bin mekim wokabaut i go long Keravat haus kalabus long Trinde las wik bilong lukim long ai bilong em yet stap na sindaun bilong ol kalabus lain na ol plis, woda na ol ami long Is Nu Briten.

Minista Karani i bin amamas long lukim olsem Keravat kalabus na ol kalabus lain i mekim gutpela wok long sait bilong lukautim ples insait long kalabus banis na tu ol i ranim gut ol program bilong senisim

pasin na kamapim gut sindaun na laip bilong ol kalabus lain.

Taim em i autim amamas bilong em long gutpela klinpela ples, gutpela pasin na ples i luk olsem i nogat hevi long en, Minista Karani i tok em no pilim olsem em i stap long kalabus.

Long dispela taim tu, ol Bogenvil kalabus lain i bin givim wanpela petisen long Minista na askim em sapos em ken salim ol i go bek long provins.

Planti Bogenvil kalabus lain i stap long Keravat haus kalabus long dispela taim bikos i nogat gutpela haus kalabus long Buka.

Na Mista Karani i tok em bai lukluk long askim bilong ol na mekim samting long en.

Bogenvil edministresen bungim hevi long mani

NOT SOLOMONS edministresen long dispela wik tasol i bin kisim sampela mani long Nesenel Gavman bilong go hetim ol

wok bilong em. Dispela em bihain long edministresen i sot long mani long na em i hat long karimaut ol wok bilong em long sampela taim.

Hevi i bin kamap bikos provins i no bin kisim kwiktaim namba tu na tri kwata alokesen long Nesenel Gavman.

Mani mak we i karamapim tupela kwata (namba tu na tri) em long K4 milien. Provin-sel Edministretiv Seketeri Francis Kabano i tok.

Mista Kabano i tok dispela mani i bilong karamapim ol wok developmen, rikaren na ol projek.

Mista Kabano i no tokaut hamas mani mak edministresen i bin kisim tasol mani ol i kisim i sot long mak we ol inap long kisim.

Em bin tok dispela hevi i save kamap long olgeta yia we Nesenel Gavman i no save givim mak stret bilong mani we em sapos long givim.

Em i tok long las yia, provins i bin dot long K500,000 na bikpela hap mani i bilong ol wok developmen.

Mista Kabano i tok taim dispela mani sot i kamap, em save kamapim ol hevi we i sut long operesen bilong edministresen, pe bilong ol woklain, ol bil, mani ol i katim long ol haus sik bilong baim ol marasin samting, wokim ol skul sabsidi peimen i go long ol skul na ol arapela hevi gen moa.

Em i tok edministresen i luksave

long hevi bilong mani we gavman na kantri i bungim na ol i wokim olgeta samting long pawa bilong ol long helpim daunim hevi ya na givim sevis i go long ol pipel.

Em i tok hevi long mani long Bogenvil i antap moa long ol arapela provins bikos em (Bogenvil) i no gat ol projek we em ken pulim mani long en.

Taim hevi long mani i sot long mani i stap, ol wokman i wok long baim ol samting long mani bilong ol yet na holim ol risit pepa bilong kisim rifan long etministresen sapos em i gat mani.

Dispela em ol samting olsem piul bilong ka, ol samting bilong yusim long opis na ol arapela samting moa olsem.

"Mipela ol woklain i baim ol samting long long mani bilong mipela yet na wetim long kisim rifan taim edministresen i kisim mani i kam long Nesenel Gavman.

ol wok?" wanpela gavman wokman i askim.

Man ya i tok Nesenel Gavman i save givim mani i go long ol Provin-sal gavman long wanwan kwata. Na i gat foapela kwata insait long wanpela yia. Na provins i no kisim namba tu kwata alokesen yet. Na nau provins i sanap long laspela kwata.

Mista Kabano i amamas long sampela opisa husat i yusim mani bilong ol wantaim nogat belkros long baim ol piul samting long poket mani bilong ol yet.

Em i tok ol lain ya baikisim bekim long mani bilong ol taim edministresen i kisim gavman alokesen.

WANTOK

NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA VIA 52 NIUSPEPA

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



Hevi i bin kamap bikos provins i no bin kisim kwiktaim namba tu na tri kwata alokesen long Nesenel Gavman. Mani mak we i karamapim tupela kwata (namba tu na tri) em long K4 milien. Provin-sel Edministretiv Seketeri Francis Kabano i tok. Mista Kabano i tok dispela mani i bilong karamapim ol wok developmen, rikaren na ol projek. Mista Kabano i no tokaut hamas mani mak edministresen i bin kisim tasol mani ol i kisim i sot long mak we ol inap long kisim. Em bin tok dispela hevi i save kamap long olgeta yia we Nesenel Gavman i no save givim mak stret bilong mani we em sapos long givim. Em i tok long las yia, provins i bin dot long K500,000 na bikpela hap mani i bilong ol wok developmen. Mista Kabano i tok taim dispela mani sot i kamap, em save kamapim ol hevi we i sut long operesen bilong edministresen, pe bilong ol woklain, ol bil, mani ol i katim long ol haus sik bilong baim ol marasin samting, wokim ol skul sabsidi peimen i go long ol skul na ol arapela hevi gen moa. Em i tok edministresen i luksave

Wewak na Aitape rot i bagarap

PAUL GLAUT i raitim

HEVI bilong rot i bagarap long Wewak na Aitape i kamap wanpela bikpela wari tru long olgeta de bilong laip bilong ol pipel husat i yusim rot. Moa yet, ol pipel, grup na ogenaisesen husat i wok long stretim bek ol ples tsunami i bin bagarapim long 17 Julai 1998, i karim bikpela hevi tru. Long wanem rot em i wanpela we tasol ol inap bringim ol sevis i go kwik na isi tru long ol dispela ples.

Wantaim gutpela rot ol pipel i ken go kam long taun na ples, ka i ken bringim ol sik manmeri na pikinini i go i kam long haus sik, na ol pipel i ken go lukim wantok o pren na mekim bisnis isi.

Sapos yu laik go long Wewak long Aitape, em bai kisim samting olsem tri o foa hawa long Toyota Landcruiser sapos rot i gutpela. Tasol nau long dispela taim, taim rot i bagarap tru, em bai kisim faiv o siks hawa olgeta.

Ol ples long Aitape olsem Malol, Arop, Yakumul na planti arapela we i gat rot i go long ol i no mas karim kaikai long bilum o beg na wokabaut i go long taun maket. Ol PMV ka i save go kisim ol. Tasol long dispela taim planti ka na PMV i no moa

mekim kain ron bilong ol bikos rot i bagarap tru.

Aitape Daiosis Rihabilitesen Komiti i baim planti bikpela ka bilong ol lain long Is Sepik long karim ol kako bilong wokim ol skul, haus tisa, haus sik, tenk, wara saplai na ol arapela samting bilong ol ples tsunami i bin bagarapim.

Long taim bilong ren dispela ol bikpela trak i no inap bringim ol kako long Wewak i go kwik long Aitape na tu i no inap bringim i go olgeta long wan wan ples we wok bilong stretim bek ples i stap. Ol i karim ol kako i go lusim long pes bilong Aitape Daiosis Rihabilitesen Opis tasol na tanim i go bek long Wewak.

Planti ol draive i save tok: "Rot i bagarap tru ya, wanem taim bai rot i kamap gut liklik."

Ol wok man bilong Aitape Rihabilitesen Komiti i karim bikpela hevi bilong rot klostu olgeta de long wanem ol i go pas long stretim bek ol ples tsunami i bagarapim. Tasol wantaim olgeta dispela hevi, ol dispela wok man i karim olsem kruse bilong ol na i go het long mekim wok olgeta de.

Ol i pre na hop olsem gavman bai harim kraik bilong ol liklik manmeri na pikinini bilong Wewak na Aitape na kam daun long helpim ol.

Hanshin Quake Relief givim K600,000 long Wipom

WENCESLAUS MAGUN i raitim

WANPELA non-gavman ogenaisesen bilong Japan, Hanshin Quake Relief i givim K600,000 i go long wokim Wipom komyuniti skul long Aitape, Sandaun Provins.

Wantaim dispela mani ol bai wokim 6-pela dabol stori klasrum, 6-pela haus tisa, wanpela haus sik na baim 9-pela tank wara.

Mausman bilong dispela ogenaisesen, Reveren Ken Kusachi i tok, dispela sevis bai helpim moa long 650 famili bilong ples Wipom. Em i tok taim skul bilong Wipom i op, dispela skul bai i kisim 150 sumatin, na 6-pela tisa.

Tasol wok bilong mekim Wipom skul i no bin isi. Reveren Kusachi i tok, taim em i bin go long Wipom long las wik, em i lukim olsem i nogat gutpela rot, long Aitape i go long ol nupela ples bilong ol lain tsunami i bin bagarapim. Olsem na ol pipel i wok long yusim ol liklik banana bot long karim ol plang, kapa na ol arapela samting bilong wokim ol haus long Aitape i go long Wipom. Em i tok long wanpela de ol dispela liklik

banana bot i mas mekim planti ron maski solwara i rap.

Em i tok em i wari tru long lukim olgeta pipel bilong ples, stat long ol skul pikinini, mama i go inap long ol papa, i bin wok bung wantaim gut tru. Na em i amamas long lukim kain pasin bilong wok bung wantaim i stap.

Em i tok dispela mani em i givim long Wipom i bin kam long ol pipel bilong Japan. Em i tok ol pipel bilong em long Japan i bin bungim dispela mani insait long tripela mun olgeta bihain long pinis bilong mun Julai.

Em i tok ol pipel bilong em long Japan i bin kisim nius bilong Aitape tsunami, taim em i bin kam glasim ol hevi bilong bikpela bagarap tsunami i bin kamapim long 17 Julai, 1998 long Aitape na i go bek na tokim ol. Ol i bin glasim planti ol poto, na stori, Reveren Kusachi i bin kisim i go bek long Japan na dispela i mekim ol i wari tru long ol pipel bilong Aitape.

Reveren Kusachi i tok mani ol pipel bilong em i givim i no kam long ol kristen pipel tasol. Nogat. Bikpela namba bilong ol lain i givim mani em ol pipel bilong Japan husat i no kristen na tu ol eks ami lain.

Gavman mas glasim bek pipel bilong Aitape

GAVMAN i mas glasim bek ol pipel bilong Aitape, tsunami i bin bagarapim sindaun bilong ol long 17 Julai 1997.

Dispela em wanpela strongpela singaut i kam long Jenerel Seketeri bilong Papua Niugini Kaunsel bilong Sios Sophia Gegeyo na mausman bilong Hanshin Quake Relief long Japan, Reveren Ken Kusachi.

Bihain long wanpela wan wik lukluk raun las wik long ol ples tsunami i bin bagarapim las ya, Misis Gegeyo na Reveren Kusachi i wari tru long tokaut olsem gavman i lusim tingting pinis long ol pipel bilong Aitape.

Insait long dispela lukluk raun na wok painim ol i painim aut olsem i gat foapela bikpela hevi

nau i stap ples klia tru na gavman i mas mekim sampela samting bilong stretim kwiktaim.

Ol i painim aut olsem ol pipel bilong Sissano, Arop wan na tu, Wipom wan, tu na tri. Warupu na liklik lain long Rowoi na Olbrum i sot tru long kaikai. Ol i tok ol dispela lain i kam long nambis na ol i painim hat long painim kaikai long bus. Wok painim i soim tu olsem hevi bilong sot long kaikai i kamapim tu sik malnutrisen o bel i solap na lek i go liklik.


Ripot bilong ol i soim olsem i luk olsem gavman na sampela sios tu i lus tingting long ol pipel bilong Aitape.

Misis Gegeyo na Reveren Kusachi i painim aut tu olsem i nogat inap marasin na ol samt-

ing bilong helpim ol lain long Aitape. Dispela hevi i kamap bikpela tru long Arop we i gat klostu 2000 pipel.

Ol i wari moa yet long ol pipel bilong Warupu bikos ol i harim stori olsem ol Warupu i no as graun bilong Aitape. Stori i stap olsem ol i bin kam long Vanimo na sindaun long Nimas ples bipo long tsunami. Tasol nau ol i sindaun long Aitape na taim tsunami i bagarapim ples bilong ol, ol i nogat graun tru bilong go sindaun.

Misis Gegeyo na Reveren Kusachi i laikim ol wok manmeri bilong haus sik i mas go bek na sekim ol pipel bilong Aitape gen. Ol i painim tu olsem planti lain long Aitape i no amamas long sevis gavman i givim.



Air Niugini

CONGRATULATES

**PEOPLE OF
PAPUA NEW GUINEA
ON THEIR**

**24th
INDEPENDENCE
ANNIVERSARY**

BIG

Paradise

HIGHWAY BEER



Gavman mas painim rot bilong stretim hevi: Asbisop Barnes

WENCESLAUS MAGUN i raitim

PAPUA Niugini i gat planti bikpela hevi na yumi olgeta i mas wok bung wantaim long painim rot bilong stretim ol dispela hevi. Dispela em Independens toktok bilong het bisop bilong Katolik Sios long Papua Niugini na Asbisop bilong Mosbi Asdaiosis, Brian Barnes.

Em i tok long taim bilong tingim mama i karim wanpela pikinini, yumi save tingting long mekim pati na amamas. Olgeta famili bilong yumi bai mekim pati na amamas long 16 Septemba long 24 yia bilong dispela yangpela kantri bilong yumi, PNG.

Em i tok PNG i wok long kamap strong olsem wanpela yangpela man o meri tasol long wankain taim, kantri i gat planti hevi. Dispela ol hevi i givim planti hevi long wan famili bilong yumi.

"Ating dispela ol hevi i save kamap long taim yumi i wok long kamap i go bikpela. O i no gat ekspiriens. Yumi mekim ol pasin nogut. Westim mani na ol samting bilong famili. I no bihainim ol lo... I luk olsem, yumi i gat bikpela hevi tru we yumi mas bung wantaim na painim sampela rot bilong stretim," Asbisop Barnes i tok.

Em i tok: "Mipela i amamas tru long lukim gavman i senis long las tu mun i go pinis, taim gavman bilong yumi i senis. Ol senis i kamap long dispela las tupela de, em i hat long bilip, tasol i mekim mipela i mekim planti beten bilong tok tenkyu."

Asbisop Barnes i tok dispela nupela gavman i gat bikpela sapot tru, na i mas bringim sampela bikpela senis bilong kisim PNG i go long gutpela rot.

Ileksen

Em i tok gavman i noken wet. Nogat. Em i mas go het kwik na mekim sampela senis insait long ilektorel sistem na bringim bek preferensel sistem, we i bin stap pinis bipo.

Asbisop Barnes i tok gavman i mas kamapim bek dispela sistem na larim i op long ol pipel long yusim dispela sistem o nogat. Em i tok dispela bai kamapim sampela bikpela samting. kain olsem planti lain bai sapotim wanpela kendidet insait long wanpela ilektoret long dispela kendidet i winim ileksen.

Em i tok dispela sistem bai daunim pasin bilong baim vot, na i no inap kos bikpela mani long husat ol kendidet i gat tingting long resis long ileksen. Dispela sistem bai helpim tu na daunim ol ileksen kot.

Asbisop Barnes i tok sampela pasin nogut o korapsen i kam wantaim "First past the post" sistem bilong vot PNG nau i gat na i wok long yusim i stap.

Politikel sistem

"Gavman bilong yumi i mas mekim sampela samting tu long stretim na strongim politikel sistem. I mas gat rot i stap bilong stopim ol politisen bilong yumi long yusim pati sistem long laik bilong ol yet. Kalap long wanpela pati i go long arapela, brukim pati, kamapim nupela pati, na i no wari long ol lain i votim ol," Asbisop Barnes i tok.

Em i tok pasin nogut i amamas tru long kamap bikpela insait long kain politikel sistem. Tasol em i tok sapos i gat wanpela senis long senisim lo bilong ol politikel pati, em i no klia, bai ol memba i sanap long tok tru long ol yet na ol lain i votim ol.

Ilektorel Developmen Fan

"Sapos gavman i tok tru long putim mani i go insait long wok bilong haus sik, skul na rot, bris, ples balus orait em i mas rausim Ilektorel Developmen Fan sistem. Putim mani long wanpela hap mani i mas go tru



• Asbisop Brian Barnes i laikim nupela gavman i lukautim gut kantri na ol pipel bilong Papua Niugini.

long en na rausim dispela sistem we ol politisen i save yusim krangi. Wanpela we bilong kontrolim dispela em long rausim dispela sistem olgeta," Asbisop Barnes i tok.

Indipenden Komisen Agens Korapsen

Asbisop Barnes i laikim gavman i mas bringim bek Independen Komisen Agensim Korapsen. Em i tok Ombudsmen Komisen i mas gat arapela bodi bilong helpim o sapotim em long glasim ol bikpela hevi bilong paul, stil pasin, giaman pasin na gridi pasin o korapsen.

Pablik Sevis

Em i tok gavman i noken mekim pasin politik wantaim olgeta pablik sevis dipatmen. Gavman i mas larim ol pablik sevis i stap olsem ol bodi i gat save bilong mekim wok bilong gavman bilong de.

"Ol i mas skelim daun wok bilong pablik sevis wantaim gutpela as tingting, na gutpela nem na wok na spirit bilong sevis i mas kamap gutpela gen," Asbisop Barnes i tok.

Mani

Em i tok: "Gavman bilong yumi i gat bikpela wok bilong strongim bek mani bilong yumi, stretim bek gutpela wok bung wantaim ol arapela kantri, na institusen. Gavman bilong yumi i mas kirapim na mekim ol arapela kantri i gat bilip long ol program bilong stretim bek na developim ples bilong yumi. Na olgeta gutpela samting i kamap long dispela, i mas go long olgeta pipel."

Bogenvil

Em i tok gavman i mas gat bikpela laik na tingting bilong toktok long kamapim bel isi long Bogenvil. Gavman i mas sanap long laik na tingting bilong ol pipel bilong Bogenvil yet long kisim bel isi na gutpela sindaun. Em i tok namba bilong ol Katolik long Bogenvil em i olsem 80 pesen. Olsem na gavman i noken pasim ai long dispela na gavman i mas askim Katolik Sios long wok klostu wantaim gavman long stretim dispela hevi.

Pinisim tok

"Ol pipel bilong PNG, ol famili bilong yumi, i lukluk na wetim ol gutpela lida long kamap ples klia na go pas long lukautim gut kantri bilong yumi. Ol i wet, beten na lukluk long lukim dispela i kamap tru. Sapos dispela i kamap, mipela bai i gat gutpela as tingting bilong mekim pati na amamas long dispela 24 Independens anivesari bilong Papua Niugini," Asbisop Barnes i tok.

Gut bai Sista McCarthy

SAMUEL KOKUT PAPSI i raitim

WANPELA sista bilong kongrigesen bilong Presentation Sisters bilong Blessed Virgin Mary, husat i bin kam wok long Papua Niugini long 10-pela yia, bai i go bek long kantri bilong em long Ostrelia.

Sista Mary McCarthy husat i bin tis na wok olsem wanpela rejistra long Bomana Meja Seminari na tu long Aitape insait long Sandaun Provins, bai lusim PNG long dispela wik na go bek long Ostrelia.

Em i bin kam long kantri long 1989 olsem wanpela misinari long helpim aut na tis long hai skul.

Dispela tingting bilong em bilong kam na tis long PNG i bin kamap pastaim, taim em i bin lukim wanpela edvetismen insait long wanpela niusleta. Dispela edvetismen i painim wanpela hai skul tisa long go tis long St. Ignatius Hai Skul long Aitape, Sandaun Provins.

Orait em i aplai, na ol i bin

kisim em long 1989. Long dispela taim em i kam long kantri na i joinim ol sista bilong em long Aitape. Ol sista bilong em i bin go long Aitape Daiosis long 1966 na i bin tis long ol komyuniti skul na wok long haus sik bihainim as tingting bilong kongrigesen bilong ol.

Em i tis long St. Igatius inap long tripela yia na bihain em i go bek long Ostrelia long sampela moa kos. Taim em i kam bek, em i bin go wok long Word Publishing Kampani olsem wanpela meri bilong glasim ol toktok ol nius ripota i save raitim long tok Inglis (Proof Reader) bilong *The Independent* niuspepa.

Bihain long 6-pela wik wok ekspiriens wantaim Word Publishing, em i kisim pleas bilong wanpela tisa long Marianville hai skul na long wankain taim em i lukautim laibrari bilong Bomana Meja Seminari long wanpela tem. Na bihain liklik em i kamap wanpela ful taim tisa bilong seminari.

Sista McCarthy i tok em i save amamas long wok wantaim ol tisa na ol sumatin long ol skul insait long ples. Em i tok em i

kisim strong bilong em taim em i bin wok wantaim ol.

"Wok misinari i go long ol pipel em i olsem tu we trefik. Yu givim long ol pipel wanem samting ol i laikim na long wankain taim ol pipel i tisim yu ol nupela samting long ol yet na tu ol samting we i ken helpim yu long mekim gut wok yu gat save pinis long mekim," Sista McCarthy i tok.

Sista McCarthy i bin givim planti yia bilong wok sevis long PNG na solomon ailan long taim em i save tisim ol sumatin bilong dispela tupela kantri.


Em i tok sios long PNG na Solomon Ailans i ken kamap gutpela long bihain taim, bikos em i lukim olsem i gat planti yangpela man bilong dispela tupela kantri i soim bikpela laik long kamap pater na wok insait long Sios.

Sista McCarthy i bin join ol Sista bilong Presentesen Bilong Blessed Virgin Mary long 1965. Em i mekim las promis bilong em long 1973 na wok olsem wanpela tisa long Ostrelia inap long 16 yia olgeta bipo long em i kam long PNG.



• Sista Mary McCarthy i karim bilum na glasim ol wok long St. Ignatius Hai Skul, Aitape.

Tu minit tingting



Painim bel isi long ples

LONG wanpela wiken, wanpela studen bilong yunivesiti i askim long wanpela PMV na i go bek sindaun long haus bilong papamama long ples.

Em i no bringim sampela spesel tok o wari i kam long papamama. Nogat. Em i sindaun nabaut tasol na i stap. Em i pilai wantaim ol liklik brata na susa na ol kandere. Em i kaikai buai. Mama i givim kaikai gen long em na papa i askim em long skul wok bilong em. Studen ya i no toktok planti. Em i lukluk tasol.....

Orait, long Mandem em i go bek long yunivesiti. Bihain ol klas i pinis, em i sindaun na i raitim pas i go long ples na i tok olsem: "Dia papa na mama, ating yutupela i lukim mi go bek long ples long wiken, na yutupela i wari, bilong wanem na mi bin go. Orait, nau bai mi tok save long yutupela."

"Mi go bikos mi les pinis long ol nupela pasin na aidia

mi bin painim hia long bikskul. Mi les long tingting bilong ol yangpela nabaut long mi. Ol i wari tasol na i skrap long pinisim laik long olkain we.

"Mi kam bek long famili na haus, bikos hia mi save painim bel isi. Mi lukim yutupela papa na mama i holim yet wok bilong yutupela. Yutupela i gutpela long mi. Yutupela i hepi oltaim. Na mi lukim ol wanfamili na kandere i no skrap tasol long pinisim laik. Ol dispela samting i strongim bilip bilong mi gen.

"Mi lukim Kristen pasin bilong yupela, na mi kisim strong. Na nau mi kam bek long wok stadi wantaim bel isi. Tenkyu tru. Mi painim samting hia long famili, em mi no inap painim long yunivesiti. Nau olgeta samting long laip bilong mi i stret gen."

Dispela stori i soim gut tru, kain kain gutpela marasin yumi inap long painim insait long famili yet.

Hailans Nius

Rot i op tasol gan i stap yet

PETER MAIME raitim

PLIS long Sauten Hailans i laikim ol pipel bilong Nipa mas givim bek gan bilong ol long gavman.

Provinsal Plis Komanda, Suprintenden Sampson Mapi i tok, sapos ol lain long Nipa i laikim wanbel pasin wantaim ol lain long Hela Huli, ol i mas givim ol gan long gavman o nogat kukim long paia na olgeta pipel mas lukim.

Mista Mapi i tok, maski ol Nipa i tok long opim haiwe, ol pipel bai pret long yusim haiwe bikos planti gan bai stap wantaim ol lain long Nipa.

Ol pipel long Nipa i wanbel long opim haiwe na bai tokaut long tude taim ol bungim ol lain long gavman long Mendi. Sampela ol memba bilong palamen tu bai stap long dispela bung.

Mista Mapi tu i autim belhat bilong em long ol pipel i save yusim ol gan long pretim laip bilong ol narapela lain.

Em i tok i luk olsem gan i wok long tekova long lo bilong kantri na tu kontrolim disisen bilong ol lida.

Em i tok i gat mama lo bilong kantri tasol dispela i givim we long ol man i gat gan long ronim laip bilong ol manmeri.

Dispela em wanpela rabis pasin olgeta, Mista Mapi i tok.

Em i tok dispela gutpela kantri, gutpela pipel na gutpela kalasa long ples i bagarap pinis. Em i sori long lukim olsem pawa bilong ol lida man long ples tu i no moa stap bikos ol yangpela man wantaim gan i laik bosim olgeta samting.

Mista Mapi tu i no wanbel long gavman bilong Sauten Hailans i givim planti mani long ol pipel i nogat wanpela gutpela as long kisim kain mani.

Em i tok risoses bilong provins em bilong olgeta manmeri na i no long wanpela lain o famili tasol.

Em i tok dispela kain pasin gavman i mekim i nogat bikos, sapos wanpela lida i dai bihain, wankain askim bai go long gavman.

Gavana Anderson Agiru i tok orait long givim bikpela hap mani long sapotim ol meri na pikinini bilong olpela gavana, Dick Mune husat i bin dai long ka eksiden.

Simbu Gavana les long pilai politikis

SIMBU Gavana, Pater Louis Ambanei i tok olsem em i no wanpela memba bilong Yuniated Risoses Pati.

Las wik long nius i bin gat wanpela ripot olsem Yuniated Risoses Pati i bungim 12 memba long sapotim gavman bilong Sir Mekere Morauta.

Dispela ripot i bin tok Pater Ambane bai joinim dispela grup long Cairns, Australia long las wik.

Tasol Pater Ambane i tok olsem em

i no wanpela memba bilong dispela pati, na em i nogat taim na mani long go long Cairns long pilaim politikis.

"Mi wanpela independen memba olsem mi oltaim save tok. Mi sori olsem sampela ol brata memba bilong palamen i yusim nem bilong mi long kamapim nem long politikis. Ol i no bin toktok wantaim mi long dispela samting i kam long nius."

Hela grup i no amamas long agrimen

HELA Gimbu Asosiesen na Hela Studen Asosisen long Yuniversiti ov PNG i sapotim dispela wanbel pasin i laik kamap namel long ol pipel bilong Hela na Nipa long Sauten Hailans.

Las wik ol memba bilong Sauten Hailans na wan blut bilong olpela gavana, Dick Mune i bin sainim wanpela agrimen long palamen haus long Mosbi. Long dispela agrimen, ol pipel long Nipa i tok orait long opim haiwe long ol pipel bilong Hela Huli long yusim.

Siaman bilong Hela Gimbu Asosiesen, Damien Arabagali i amamas long dispela agrimen na tok ol pipel bilong Hela bai bihainim wanem samting i stap aninit long agrimen.

Tasol Mista Arabagali i tok tupela bikpela samting i no stap insait long dispela agrimen.

Dispela tupela samting em, i nogat wanpela samting long agrimen i tok olsem ol pipel bilong Nipa bai givim

bek ol strongpela gan ol i yusim long pait i go long gavman.

Na tu ol famili bilong Mista Mune i no tok long givim long plis ol man husat i bin kilim indai Menduli Menesin Dairekta, Jim Aukuani.

Mista Aukuani bilong Hela Huli i bin dai long han bilong ol Nipa lain bihain long Mista Mune i dai long wanpela ka eksiden.

Mista Arabagali i tok bai i nogat wanbel pasin bikos dispela tupela samting i no stap long agrimen.

Long sapotim toktok bilong Mista Arabagali, Hela Studen Lida long Yuniversiti ov PNG, Filamon Lapu i no amamas long ol lida na wan blut bilong Mista Mune. Em i tok ol lain long Nipa i no wok bung long painim gutpela sindaun.

"Mipela i no inap larim ol pipel long Nipa long karim raun gan na bagarapim laip bilong ol manmeri, planti bilong ol em ol mama na pikinini," Mista Lapu i tok.

Wabag bai vot neks wik

WABAG. Ilektoel bai go long ileksen long neks wik Trinde long votim nupela memba bilong palamen.

Vot bai stat long 8 kilok long moning na ol pipel bai kisim wanpela de tasol long vot. Sapos dispela i no inap, bai ilektoel Komisn bai givim narapela de.

Ol pipel i redi long vot bikos ol i bin kempen longpela taim na laik painim husat tru bai winim dispela sia.

Las minit kempen i nau go strong tru long winim laik bilong ol pipel.

Ol balot pepa i lusim Mosbi

pinis na nau i stap long Wabag Plis Stesin.

Ritening Opisa, Edward Konu i tok i gat 55 ileksen tim long kisim ol vot. Wan wan tim bai i gat tripela ileksen opisal.

Ol ileksen tim bilong Maramundi distrik, ol bai kisim balus long Hagen long Mande. Tunde bai helikopta i karim ol balot pepa i go long Maramundi. Maramundi i stap long boda bilong Enga na Is Sepik Provins, na save kisim klostu wanpela aua taim balus i lusim Hagen.

Long Wabag distrik, Mista Konu i tok Ilektoel Komisn i bin

hairim ol ka long PTB long yusim long taim bilong ileksen.

Mista Konu tu i tok, ol pe bilong ol lain husat bai wok long ileksen, em salim ol nem i go pinis long Mosbi hetkwata.

Em i tok sapos het opis i hariap long stretim ol pe, ol sek bai redi long kisim bihain tasol long ileksen.

I gat 19 kendidet i resis long dispela bai ileksen bilong Wabag. Ilektoel Komisn i singautim bai ileksen bihain long olpela memba, Takai Kapi i bin lusim sia bilong em long Suprim Kot.



The Ministry of Agriculture & Livestock

Congratulates

The people of Papua New Guinea,
on celebrating their
24th anniversary of Independence.

The Ministry, Department of Agriculture and Livestock and its related entities are committed to bringing development to all of Papua New Guinea.

Agriculture is the most dominant sector in the economy, and it is the Government's long term objective to improve agriculture's role in the economy by instituting policies and strategies that would enhance high level of productivity on a sustainable basis.

We are focusing to develop a dynamic agriculture sector which not only provides our people with opportunities to produce cash and export crops, but a sector which will enable our people to remain self-sufficient and self-reliant in their respective communities.

HON. E. R. DIRO, CBE, OStJ MP
Minister for Agriculture & Livestock

MIRI SETAE, MBE
Secretary - DAL



BOROKO MOTORS
Heading for the future!

Walgani drive & Cameron road Gordons Phone: 325 5255

Namba wan yus kar dila insait long Papua Niugini taim yu laik baim nupela yus kar bilong yu, noken abrüsüm namba wan yus kar dila bilong yu. Boroko Motors long Pot Mosbi i go pas long salim ol yus kar long 6-pela mun olgeta. 100 lain i baim ol yus kar i no inap mekim asua. Joinim ol arapela na baim gutpela kar.



SEDANS - WAGONS - UTILITIES - DUAL CABS - COMMERCIAL TRUCKS - 4X2 AND 4X4'S

Madang Nius



Rotari helpim Modilon Haus Sik

BEN TAUMAI i raitim

WANPELA Rotari Klub bilong Stawell, Victoria long Ostrelia i helpim ol pipel bilong Madang wantaim planti ol gutpela masin na marasin bilong Modilon Jenerel Haus Sik las Trinde.

Kos bilong olgeta dispela samting em A\$18,830. Ol rotari lain bilong Stawell i bin bungim ol dispela samting na givim i go long Stawell Haus Sik long Victoria. Dispela haus sik i bin mekim rot bilong salim ol dispela masin na marasin i go long Madang. Ol

Rotari lain bilong Victoria yet i bin baim kos bilong salim ol dispela masin na marasin i go long Madang.

Dispela wok bung pasin i kamap bikos Stawell Haus Sik i gat gutpela wok bung pasin wantaim Modilon Haus Sik. Long olgeta yia Stawell Haus Sik i save skulim ol wok manmeri bilong Modilon Haus Sik na tu ol i save salim ol save manmeri bilong haus sik bilong ol i go long Modilon bilong skulim ol wok manmeri.

Bod Siaman bilong Modilon Haus Sik Florian Bahin na ekting Shif Eksekutiv Opisa John Levi wantaim sampela ol sinia wok

manmeri i bin stap long kisim ol dispela masin na marasin long maus man bilong ol Rotari lain, Greg Chaplin.

Long makim maus bilong ol bod, wok manmeri na pipel bilong Madang, Mista Bahin i tenkim Rotari Klub bilong Victoria long oltaim sapatim na helpim Modilon Haus Sik na ol pipel bilong Madang.

Em i tok olgeta saplai Modilon Haus Sik i gat em ol olupela na sampela i bagarap long planti yia i go pinis tasol ol i no bin senisim ol bikos i luk olsem gavman i nogat inap mani long baim ol nupela masin.

Mista Levi i tok haus sik i gat bikpela amamas long kisim kain helpim i kam long ol Rotari lain bilong Madang na ol wanlain bilong ol long Ostrelia.

"Bikos long ol mipela i bin kisim sampela ol masin olsem Electro Cardio Gram (ELG) long imejensi yunit. Sapos nogat mipela bai no inap long gat wanpela kain masin olsem," em i tok.

Em i tok ol i bin gat wanpela kain masin olsem, tasol nau wantaim helpim bilong ol rotari lain, ol i kisim narapela foapela moa. Dispela em i tok, bai helpim ol wok manmeri bilong haus sik na tu ol

sik manmeri. Em i tok ol nes nau i ken helpim faipela sik manmeri long wanpela taim.

Dairekta bilong ol nes Sista Christine Kawi i tok, ol i laikim yet ol speselis dokta bilong Stawell Haus Sik, husat i memba bilong Rotari klub long go long Modilon na skulim ol wok manmeri bilong haus sik bilong ol na soim ol we bilong yusim ol kainkain masin na we bilong stretim ol.

Wanpela mausman bilong Rotari Klub long Madang, Greg Chaplin i tok ol rotari lain i amamas tru long wok bung wantaim Modilon Haus Sik.

BEST skulim ol Igom long kirapim bisnis

KIWURAM KANAKO i raitim

OL pipel bilong Amber ples bilong Igom eria insait long Bogia Distrik i lukim ol namba wan sumatin bilong ples bilong ol i pinisim skul bilong statim bisnis na i kisim setifiket bilong ol long mun Ogus.

45 sumatin i kisim setifiket insait long besik buk kiping, introdaksen rong komes na bisnis, fidabiliti stadi, simpel buk kiping, lidasip na konfidens bilding woksop.

Kodineta bilong BEST, Toby Yakumani i askim ol sumatin long taim ol i bin greduet long yusim gut save ol i kisim long dispela skul.

Em i salensim ol tu long lukluk i go moa long skul ol i kisim pinis.

"Yupela i ken mekim moa samting long skul yupela i kisim pinis. Noken larim ol save yupela i kisim i lus insait long narapela tupela mun. Yupela i mas soim komyuniti olsem yupela i ken mekim samting long senisim laip," Mista Yakumani i tok.

Em i tok BEST i amamas bikos ol pipel long ples yet i bin luksave olsem ol i laikim skul bilong bisnis.

Mista Yakumani i tok BEST i gat skul bilong helpim ol pipel long



• Ol sumatin bilong Ambor, Igom na Bogia husat i pinisim skul bisnis we BEST i givim ol na i kisim setifiket bilong ol. *Pota:Kiwuram Kanako.*

ples na tu long taun husat i gat tingting long ronim ol liklik bisnis.

Kasingi Yut Grup lida, Emmanuel Pakai i tenkim BEST long salim ol wok manmeri bilong ol i go slip long ples na skulim ol. Em i tok dispela em i namba wan taim tru ol pipel bilong em i kisim kain skul.

Mani bilong ronim dispela skul i bin kam long Niuzilan Hai Komisen long Mosbi. Wantaim dispela mani, BEST i bin ronim foapela skul.

BEST i gat tingting bilong ronim wankain kos long Almami eria long dispela mun we ol i gat laik long skulim moa meri.

GROW skulim ol pipel long kuk

GROW wanpela lokol non-gavman ogenaiesen long Madang i bin go pas long wanpela nutrisen woksop long Ohu ples, insait long Amele eria bilong Madang Provins.

GROW i gat bikpela save bilong kamapim ol kainkain kaikai long ol kaikai bilong gaden. Ol i save tisisim ol pipel bilong ples long mekim gutpela sup, mekim pinat bata, jem, na kodial.

Wanpela mausman na saveman bilong nutrisen o we bilong redim ol gutpela kaikai na frut dring, Dege Naus i tok, GROW i no save skulim ol pipel long we bilong kinkain kaikai tasol. Nogat. GROW i save helpim ol pipel long kisim moa save long ol arapela skul tu olsem we bilong lukautim bus, graun, wara, solwara na ol samting bilong ol.

"Ol pipel long ples i no mas save tasol long rot bilong mekim pinat

bata. Tasol ol i mas save long as bilong mekim pinat bata bilong ol yet.

Sapos 10-pela ples insait long Amele eria i save long mekim pinat bata, ol bai i no inap westim mani long baim Craft's pinat bata bilong Ostrelia. Na ol inap lukautim gut mani bilong ol. Dispela em wanem samting mipela i laikim ol pipel long ples i mas save," Mista Naus i tok.

Mista Naus i askim ol maus manmeri bilong ol arapela non-gavman ogenaiesen long givim toktok tu long skul bilong bisnis, lukautim bus, graun, wara, solwara na ol samting bilong ol, na rait bilong ol pipel.

Ol NGO husat i bin kamap na givim toktok em Madang Research Institute - Steven Kadam, Eco-Forestry - Basaki Baput, Melanesian Solidarity - Kevin Gibson na Northern Lights - em mi yet (Kiwuram Kanako).

BOROKO Foodworld

BUTCHER SHOP SPESOLS

BBQ Steak	K7.50 Kg
4x4 Beef Cooked, Sliced	K7.50 Kg
Hamburger Mince	K5.30 Kg
Pork/Beef Sausages	K3.95 Kg
Zenag Chicken Size 13	K7.60 Ea.

Planti moa kaikai prais i go daun long en!

Ph: 325 7566, 325 0863 Fax: 325 7096

**Lukim
Supa
Spesel!**

Lae Nius

Zeming laik kamapim Lae na Madang Kostel haiwe

OL PIPEL insait long Fisika eria long Morobe noken wetim gavman long wokim olgeta samting bilong, tasol ol i mas stretim ol yet long traim kamapim ol komyuniti projek.

Dispela em hap toktok Minista bilong Woks Mao Zeming na Gavana bilong Morobe provins Luther Wenge i bin autim taim ol i lukluk raun long nupela rot we bai joinim Madang na Lae. Dispela rot bai stat long Lae na go olsem long Fisika, na bihainim nambis na go joinim Raikos long Madang.

Tupela bikman, Zeming na Wenge, i bin stap long sampela hap long rot olsem wara Mongi long Finschafen na wara Kwangam insait long Tewai-Siassi ilektoret.

Tupela memba bilong palamen tu i bin stap long sampela ol ples na tu long Wasu stesin na mekim sampela toktok long ol pipel long kamapim wok olsem klinim na stretim rot.

Ol lida ya i bin tokaut tu long hevi bilong mani, na rot bilong mani nau i no gutpela na i askim olgeta pipel long wok hat.

Mista Zeming na Wenge i tokim ol pipel long stretim ol yet na traim long mekim sampela voluntia wok long ol komyuniti projek o sevis.

Ol i askim ol pipel long noken askim long mani tumas na tu

hapim pe bilong graun (kompensesen) na long ol arapela samting.

"Yu mas traim skelim tingting, yupela laik kisim developmen o nogat. Kain askim long kompensesen i save pulim longpela taim long kisim ol dispela kain developmen na sevis i kam long ol pipel," tupela memba i tok strong.

Ol i sutim tok i go long ol pipel olsem taim developmen i no kamap, ol yet i mas kisim asua bikos ol pipel i save askim tumas long kompensesen (baim graun).

Tupela memba long palamen ya i tokaut olsem gavman bai helpim long givim sevis tasol hatwok bilong gavman bai lus nating sapos ol kainkain askim long pe bilong graun i kam long pipel, na ol pipel yet i mas kisim asua long en.

Ol pipel insait long Fisika eria tu i tokim tupela lida olsem olupela provinsal gavman na tu nesenel gavman i bin promis long joinim wokim wanpela haiwe joinim Fisika (Morobe) na Madang tasol i no bin kamap. Na dispela toktok bilong rot em longpela taim na nau ol i laik statim.

Long Septemba 18, Mista Zeming bai raitim pas i go long Minista bilong Trenspot Bart Philemon long skelim mani long baset bilong 2000 nesenel baset long wokim Lae na Madang haiwe.

Bulolo kisim viles kot opis

ARI GUH DANDEE i raitim

MEMBA bilong Bulolo Samson Napo i askim ol pipel bilong Bulolo ilektoret long lukautim gut sevis we i wok long kamapim helpim insait long distrik.

Mista Napo i mekim dispela toktok taim em i bin opim wanpela nupela viles kot haus bilong Wau Bulolo taun kaunsil long Fonde las wik.


Dispela viles kot haus em namba wan haus kot long provins we i kos olsem K31,000 na em bai i helpim ol viles kot na kaunsil long harim na stretim ol hevi bilong lo na oda insait long distrik.

Mista Napo i tokim ol pipel bilong Bulolo olsem ol i laki long kisim wanpela biknem kantri long wol em Japan long kam helpim wantaim ol dispela kain helpim. Tasol ol pipel yet i mas soim rispek long lukautim gut ol dispela samting.

Mista Napo i tok Memba bilong Bulolo i tok dispela haus kot bai helpim long mekim bikipela wok long distrik. Olsem na em i laikim tu bai sampela lo bilong viles kot i mas kamap gut long sevim tu ol wokman olsem viles kot mejistret, pis opisa na ol kuskus bai ol i ken mekim gut wok bilong ol.

Em i tok tru olsem wok bilong viles kot i stap klostu tru long lek dua bilong ol pipel tasol gavman tasol ino save luksave na stretim hevi na wari bilong dispela wok we em i ken sevim gut sindaun na laip bilong ol pipel long komyuniti.

Long dispela taim tu Mista Napo i mekim luksave long sapatim na strongim wanpela projek bilong stapim tait wara long Bulolo taun. Dispela projek bai i kos olsem K20,000 na Bulolo Fores Prodak bai go pas long karimaut wok. Insait long ol dispela progrem tu, memba bai givim olsem K20,000 i go long kamapim gutpela dometori bilong ol meri long Bulolo Vokesenel Senta na tu, narapela K20,000 bai i go



• Samson Napo

long St Peters Komyuniti Skul na K10,000 bai i go long wok bilong ol plisman long Bulolo taun long lukautim na karimaut wok bilong lo na oda.

Memba bilong Bulolo Samson Napo i mekim bikipela tok amamas i go long Distrik Edminstreta Bart Impamboj long gutpela wok em imekim long kamap wantaim dispela plen na tingting bilong viles kot haus. Bikos dispela bai helpim tru wok bilong lo na oda insait long distrik na ilektoret olgeta bikos Bulolo em senta bilong kisim ol sevis.

Ol komyuniti lida i askim ol pipel bilong Bulolo long lukautim gut ol dispela sevis bikos kisim sevis em hatpela samting na ino isi long kisim hariap. Olsem na ol pipel i gat wok long lukautim gut ol sevis we ol lida i kamapim long helpim ol.

3.5 TAN DYNA PMV

I GAT OLGETA SAMTING BILONG WOK BISNIS



Dyna PMV Trak i kam wantaim bun bilong haus sel wantaim sel, leda long baksait na lait long fran wantaim, banis bilong bulmakau long fran, na banis bilong sanap long baksait. Olgeta Dyna trak ol i wokim i strongpela na no inap kisim bagarap kwiktai tu na plenti kain kain model istap, wantaim strongpela 3.7 lita disel enjin bilong helpim wok bisnis bilong yu. Telefon long Ela Motors tude na askim long spesel prais long niupela Toyota Dyna. Nambawan Pats na Sevis bilong Ela Motors Long olgeta hap long Papua New Guinea i sanap baksait long givim helpim long Toyota Dyna PMV.



Ela Motors TOYOTA

VISIT OUR WEBSITE- <http://www.elamotors.com.pg>

INAP KISIM KWIKTAIM LONG OLGETA HAP LONG PAPUA NIUGINI.

PORT MORESBY PH 3229400 • LAE 4722322 • KOKOPO 9829100 • RABAU 9821988 • MADANG 8522188
 GOROKA 7321844 • MT HAGEN 5421888 • WEWAK 8562255 • KAVIENG 9842132 • KIMBE 9835155
 TABUBIL 5489060 • VANIMO 8571254 • PORGERA 5479367 • KUTUBU 5496685 • BUKA 9739915
 LIHIR 9864099 • ALOTAU 6410100

LOGGERS DON'T WHINGE

PAY

THE LOG TAX

Alcohol addictive drug = hospital costs up = crime = Justice/welfare costs up
Tobacco addictive drug = hospital costs up = welfare costs up
Gambling addictive = poverty = crime = Justice/welfare costs up
Petrol fossil fuel = climate change = El Nino = drought = El Nina = flooding =
 famine = state of emergency = economic crises

Exporting Logging = loss of revenue = cheating on infrastructure =
 manipulation = de-stabilization = withdrawal of support by
 multilateral agencies = kina devaluation = financial crisis =
 political crises = increased poverty = permanent damage to
 biodiversity = betrayal of future generations

- Discrepancies between f.o.b and c.i.f log prices, PNG-Japan, imply **transfer pricing**. Losses are close to US\$15 per cubic metre of every log exported

About K40 million unaccounted for in 1999.

LOGGERS PLEASE EXPLAIN!!!

- The logging industry is inefficient. On average another US\$15 per cubic metre of every log exported is lost to Papua New Guinea because of gross inefficiency.

Another K40 million lost to loggers inefficiency.


STAND FIRM ON THE LOG TAX

Taxes are the price of good government; we all have to pay them.

No subsidies to manipulative and inefficient industries.

Sponsored by:-

CONSERVATION MELANESIA, ENVIRONMENTAL LAW CENTER LTD, GREENPEACE, MELANESIAN ENVIRONMENT FOUNDATION, NANGO-PNG, NGO ENVIRONMENTAL WATCH GROUP, PACIFIC HERITAGE FOUNDATION, PARTNERS WITH MELANESIA, PNG TRUST, WWF-SPP.



1999 Indipendens Toktok



I KAM LONG HONOREBEL ALFRED POGO, MP, MINISTA BILONG DIFENS

(15 Septemba, 1999)

LONG dispela 24 Yia Aniveseri bilong Papua Niugini i kisim Indipendens mi, olsem Minista bilong Difens na mausman bilong ol Lokol Gavman Presiden bilong Hube, Yabim/Mape na Kote wantaim ol pipel bilong Finsafen, laik lukluk i go bek na tingim dai bilong 22 soldia husat i bin lus taim ol i go wok long Bogenvil. Belhevi bilong mi i go long ol lain famili memba bilong ol husat i tingim ol long dispela taim Papua Niugini i amamasim 24 Yia bilong en long Indipendens.

Bikpela toktok amamas bilong mi i go long ol dispela lain soldia husat i go het yet long wok long Bogenvil ailan, maski sapos kain sindaun long hap i no gutpela na i hat tumas. Mi luksave long dispela wari na hevi bilong ol BRA lida wantaim ol lain bilong ol long traime painim belisi na gutpela sindaun. Mi gat bikpela bilip olsem i gat rot i stap yet bilong painim belisi na gutpela sindaun.

Singaut i go pinis long ol soldia bilong PNG Difens Fos long lusim ol sotgan na arapela samting bilong pait long Bogenvil, na wok bilong ol PNGDF soldia long ailan nau em long wokbung wantaim BRA long bringim bek ol sevis i go long ailan - em ol dispela sevis na samting i bin bagarap long las 10-pela yia bilong pait.

Mi tokaut pinis long bikpela wok em mi bai mekim, olsem wokman bilong politiks, long stretim na kirapim gen PNG Difens Fos insait long ol yia i kam bihain long Yia 2000. Namba wan wok bilong mi em long stretim na oraitim sindaun na ples bilong wok bilong ol wokman na wokmeri bilong PNG Difens Fos. Mi baj toktok strong long ol i kisim ol nupela na gutpela yunifom, kaikai, haus slip, opis na ol samting olsem masin na sip bilong wok. Het tok bilong Yia 2000 Baset em "STRETIM NA WOKIM GEN" (maintenance and reconstruction). Taim kantri i wok long bungim ol hevi, bikpela wok i mas sut long stretim ol samting bilong wok nau i stap long en. Olsem bai mipela inap yusim ol dispela samting long gutpela rot bilong mekim wok na kamapim kaikai.

Baset bilong Yia 2000 bai lukluk tu long kirapim ol Rijinol Ensinia Bes na pulimapim ol wantaim ol wokman na ol samting bilong wok bilong helpim na kirapim kantri. PNGDF i pulap long ol saveman. Em i gat ol ensinia, dokta, loya, ol kamda na ol teknisien husat em mipela inap yusim save bilong ol long helpim ami na ol komyuniti insait long kantri. Mipela inap yusim dispela Komesiel Sapot Program (CSP) bilong larim PNGDF i oraitim ol masin samting bilong em long ol man i yusim na baim, olsem bai em inap bungim mani bilong ranim yet ol wok bilong en. Baset bilong Yia 2001 bai sut long strongim wanem kain save Difens Fos i gat long en aninit long Difens Wait Pepa.

Mi askim olgeta sinia opisa bilong Difens Fos long wokbung wantaim na givim stia long mekim ol dispela tingting i karim kaikai. Mi i no inap isi long ol dispela kain pilai politik nau i kamap namel long sampela ol lain long Mari Bareks, husat i tingting strong long daunim wok bilong ami. Mi laik tok strong olsem husat i laik pilai politik bai kisim bikpela mekimsave, mi i no inap isi long wanpela man.

Mi bai glasim gen PNG Ami na mekim em i kamap moa gutpela. Stia bilong dispela bai kamap ples klia taim ol lain husat i bikhet bai kisim ol kago na wokabaut.

Bikpela mani moa i save lus long baim ol wokman long potnait. Wankain mani tu i save lus long kos bilong holim Dipatmen bilong Difens. Mi laik lukim wanpela gutpela na strongpela PNG Difens Fos long Nupela 2000 Yia. Pasin bilong bilip na biknem i mas kamap gen long PNGDF. Olsem na mi laik askim olgeta wokman na wokmeri long wokbung wantaim mi bilong mekim ol dispela samting i karim kaikai.

Mi laik salim bikpela tok amamas i go long ol dispela lain man bilong PNGDF husat i bin stap strong na wok long taim kantri i kisim Indipendens i kam inap nau. Mi laik salim tok tenkyu tu i go long ol famili memba bilong ol long sapot na luksave ol i givim insait long ol dispela yia i kam inap nau. Ating, mi laik askim yupela wanpela taim gen long givim yet dispela kain sapot na luksave long Yia 2000 na i go.

HONOREBEL ALFRED K. POGO, MP
Minista bilong Difens na Memba bilong Finsafen

24th Independens Anivesari

Word Publishing Saplimen



Vokesinel treining gutpela long Papua Niugini

BARBARA MASIKE i raitim

VOKESINEL trening em i wanpela gutpela na bikpela hap bilong edukesen sistem insait long Papua Niugini bikos em i helpim ol pipel long painim ol kainkain we long helpim ol yet.

Dispela em i nambawan toksave i stap insait long toktok Minista bilong Edukesen Profesa John Waiko i givim long makim 24 yia bilong Independens insait long kantri.

Dr Waiko i tok bipo skul long sait bilong vokesinel trening em ino stap nambawan na planti pipel ino luksave long em. Tasol nau em i kamap olsem wanpela bikpela samting tru we ol pipel i ken kisim skul long helpim ol long sindaun bilong ol.

Dr Waiko i tok olsem i gat bikpela nid tru long givim moa sapot igo long dispela kain skul bikos long bihain taim planti pipel bai painim ol dispela skul.

Em i tok stat long taim Papua Niugini i no kisim Independens yet, edukesen sistem insait long kantri i painim planti moa senis. Bipo long independens, long taim bilong Independens na i kam inap nau, planti senis i kamap. Ol misin i kam na sanapim ol skul bilong ol na ol Australia tu i kam na skulim mipela long pasin bilong ol na nau yumi gat ol skul bilong yumi yet.

"Tude yumi wok long painim planti moa senis i kamap. Long nambawan taim tu yumi wok long lukim olsem ol senis i kamap i bihainim ol pasin tumbuna bilong yumi," Dr Waiko i tok.

As tingting bilong edukesen long dispela yia em long "Edukesen na pasin bilong developim ol kainkain we long helpim sindaun". Ol dispela senis i kamap insait long edukesen rifom long yia 1993 na bai pinis long yia 2004.

Ol bikpela senis bai kamap yet na Dr Waiko i tok em i gat bilip olsem ol dispela senis bai kamap long karim Papua Niugini igo long yia 2000 na bihain.

Ol dispela senis insait long edukesen sistem i kamap bai ron wantaim ol pasin bilong yumi olsem yumi i gat planti kainkain tokples insait long kantri.

Olgeta pipel i mas kisim skul na ol senis i kamap bai lukluk long dispela. Long dispela as tasol na nau i gat ol viles tokples skul we ol pikinini i ken statim skul wantaim tokples long ele-menteri na bihain ol i ken lainim tok inglis long ol narapela gred antap liklik.

Las wik kantri i makim nesanel literesi wik long Alotau, Milne Bay provins. Nesanel literesin wik i taim bilong luksave olsem yumi ken rit na rait long kisim save long pasin bilong lukautim famili tu.

Long dispela taim bilong makim 24 yias independens anivesari, Dr Waiko i askim olgeta papamama, ol skul pikinini na ol skul bod long lukautim gut ol skul na samting bilong ol.

Em i tok i gat planti we long helpim ol skul bilong yupela. Ol pipel i ken bung na sanapim ol haus long skul, painim graun bilong planim ol gaden bilong skul, helpim long lainim ol skul pikinini long kainkain pasin bilong mekim mat, gaden, samap, lukautim ol animol na kirapim moni bilong skul bai skul i ron gut.

EDA RANU

INDIPENDENS TOKTOK

BIKPELA TOK AMAMAS LONG PAPUA NIUGINI

HEPI 24 YIA BILONG INDIPENDENS

Long makim maus bilong ol Bod bilong ol Dairekta, Menesmen, ol Wokmanmeri na famili bilong Eda Ranu, mi laik salim bikpela tok amamas i go long ol pipel bilong Papua Niugini long winim dispela 24 yia.


EDA RANU i sutim olgeta tingting na wok bilong en i go long givim gutpela sevis bilong wara i go long olgeta pipel bilong Nesanel Kapitel Distrik.

Mipela bai go het yet long wok hat long givim klinpela wara, na wok hat tu long lukim olsem wara saplai mipela i givim i gutpela long bihainim ol wok kamap insait long siti.

Mipela laik salim bikpela tok amamas tu i go long Morauta-Pundari Gavman, long kantri na ol pipel bilong Papua Niugini long ol narapela yia i kam bihain.

GOD I BLESIM KANTRI BILONG YUMI

JAMIE MAXTONE-GRAHAM
EKSEKYUTIV SIAMAN



• Wanpela man bilong ples i hatwok long stretim sal bilong bikpela kanu, Lagatoi, bilong soim long Hiri Moale Festival.

Lek Mari amamas wantaim stail

IAN KAKARERE i raitim

OL PIPEL bilong Lake Murray insait long Western provins bai amamasim dispela 24 yias bilong Independens wantaim ol kainkain pilai bilong wara na pasin bilong ples.

Man i go pas long stretim ol dispela samting Evara Evara i tok ol kain pilai olsem swimming, kanu na autobot moto resis, na pait long pilo antap long wara bai kamap.

Mista Evara i tok dispela pait wantaim pilo bai wankain olsem dispela i save kamap antap long ples drai tasol long dispela man i lus bai pundaun go insait long wara.

Em i tok tu olsem long sait bilong resis wantaim ol autobod moto, em i laik bai ol pipel i ken lukluk long lukautim gut ol autobod moto bilong ol.

Em i tok ol lain i stap long resis bai ron sampela 20 mitas long painim ol motobod bilong ol na moto bai stat hariap sapos ol i stap gut.

Mista Evara i tok ol pipel i save olsem long ronim ol autobod moto long Lake Murray, ol moto bilong ol i mas stap gut.

Bai i gat kanu resis tu we kanu bai gat sampela lain long stiam kanu.

Ol narapela pilai bai kamap em long resis bilong painim man i gat gutpela kaikai long gaden bilong em na resis bilong painim man i ken kilim gutpela abus long bus.

Mista Evara i tok long sait bilong gaden ol pipel bai karim ol sampela kaikai bilong gaden na kam putim long winim prais.

Long sait bilong painim gutpela abus, ol man bai yusim samting bilong tumbuna long kilim abus na ol i mas kilim planti abus sapos ol i laik win.

Narapela samting bai kamap em long resis bilong painim gutpela bebi, we ol jas bai lukluk long wanem bebi i stap smat tru long sait bilong helt na kaikai mama i save givijm long em.



**Word Publishing
Company Ltd**
*extends their
appreciation to
all our readers
throughout
Papua New Guinea
and wish them
a peaceful & safe
24th Independence
celebrations!*



MINISTRY OF POLICE & CORRECTIONAL SERVICES

Office of the Minister for Police & CS

24th Independence Anniversary



MINISTRY OF POLICE, CORRECTIONAL SERVICES AND NATIONAL NARCOTICS BUREAU

INDEPENDENCE DAY MESSAGE

The Minister for Police, CIS and National Narcotics Bureau, Hon. Mathias Karani, MP

As we all prepare to celebrate the 24th Anniversary of our country's independence, it is a moment when we must pause and seriously examine our performances over the past 24 years, since 16 September 1975.

No-one can deny that our nation's forthcoming 24th birthday has been reached after travelling through some very difficult times. We have suffered many natural and man-made disasters - the recent drought, the Aitape tsunami, as well as experiencing incessant political instability and numerous changes of government.

A century ago, 24 years would have seemed a long time to our ancestors, and it would have been hard to comprehend. However, life has changed, and we have moved on, albeit slowly, into the new millennium. Today, 24 years goes by like a flash of lightning.

As Papua New Guineans, we should ask ourselves what we have achieved as an independent State. As a resource-rich nation, have we been successful in converting the benefits from our abundant resources into sustainable, social and economic growth for all of us?

The celebration of the 24th anniversary of our independence is a good time to ask one serious and important question - why is the issue of law and order endemic in Papua New Guinea.

There is no doubt that, during the past 24 years, Papua New Guinea, as one of the developing nations in the world, has encountered serious social and economic problems. We have witnessed a downward trend in services, the collapse of our social, political, and economic spectrum and infrastructure, a serious law and order problem, a proliferation of illegal drugs, and the loss of credibility in our system of governance.

We, as Papua New Guineans, have witnessed these painful changes, and no-one can deny that these activities are now part of our heritage. The 1999 UNDP Report that was launched last week has revealed that Papua New Guinea is rated 129 out of 170 countries in the world in its human development. We are one of the poorest countries in human development.

Coupled with our poor human development, our living conditions have experienced serious problems, with the kina dropping to an all-time low - at one stage to US\$0.29 cent. The weak buying power of the kina has made the prices of goods and services skyrocket, and our people have found inflation and the daily cost of living hitting them very, very hard.

However, we must not dwell on these unpleasant issues. We should remember that there have been many successes as well during these trying times in endeavouring to develop our country.

Perhaps one of our most important success stories is that we have now realised our mistakes, and our current Government has begun programs of "reconstruction and development" to remedy the supply of goods and services to our people - things that have deteriorated over the years.

There are some countries - whether developed or developing - that are too proud not to confess that they

have made mistakes. They continue to go blindly along believing that everything will be alright. No-one will come forward and confess that the general social, political, and economic situations are going from bad to worse. Papua New Guinea has not followed that trend. We have now realised our mistakes and are taking important steps to correct our past misadventures.

For too long we have isolated ourselves in many spheres of modern global life. We now know that we cannot live in the past. We are part of the international community, and we must set our sights on new achievements. We must constantly reach out to our close neighbours and our distant friends to seek assistance and advice in order to develop our country for the next 24 years. As a nation, we are beginning to work together. We see this in the law and order enforcement agencies such as the Police, the Correctional Institutional Services, the National Narcotics Bureau, and so on.

We have begun to realise that policing is no longer solely the task of the constabulary. The community must be involved. The police now understand that it is not possible to eradicate law and order problems without the support of the community. The aim of the community policing concept is to promote mutual policing and mutual understanding within a community, through respect, by working together to uphold the law. Maintaining peace and order in the community is what the constabulary is now contemplating throughout the country.

The police see the community as partners in crime prevention. The police force must take the leading role in liaising and coordinating youth's social and personnel development program and activities in the settlements.

The Correctional Institutional Services have been conducting an "inmate - outmate" prison program as their community partnership in the rehabilitation of inmates who have been sentenced to a term of imprisonment in the corrective institutions. The offenders sent to prison are members of the community, and it is through the community partnership that we can rehabilitate prisoners, and reintegrate them back into society. The aim of the "inmate - outmate" program is to ensure that convicted inmates are fully integrated into the community, and become better reformed persons who can participate in the mutual social, political and economic activities in the community.

We see the Defence Force is once again redirecting its aims and objectives and working with the community, by emphasising civic action programs such as building schools, roads, hospitals, and health centres, and undertaking other civic action programs to benefit our people.

We see partnerships being forged with other countries in the United Nations, and the Asia-Pacific region, as we have grasped this wider vision of our own country's global development.

We, as Papua New Guineans, must address these issues and not become discouraged when we do not achieve all of our goals. We must resort to the same resilience that our ancestors exhibited in surviving for hundreds of years ago. We are tough people who are proud of our diverse cultures, languages, traditions and heritage.

We, as Papua New Guineans, know that we have many friends in the international community who will come to our aid. We will do our best to show the world that we are getting out act together as we attempt to restore our deteriorating economy, overcome our law and order problems, and improve our appalling human development rating.

Let us not forget that we are a Christian country - not only in name but in practice as well. We are a Christian country, and now, more than ever, we should seek God's guidance strength, and wisdom to bring us through this difficult period of our history. Perhaps the best thing we can all do this Independence Day is to pray for good governance, so that we can develop our country.

We know that many of our people are suffering because of high prices, unemployment, and poor living and working conditions. Our hearts go out to those who are forced into poverty and who beg on the streets for their daily meal. It disturbs us to see so many youths turning to criminal activities such as armed robbery, rape, murder, break and steal, and theft. Our hearts cry for those who see no hope for their future lives.

We must hope that we can recover from these adverse social activities that are occurring in our midst. Then there are others on the sideline - the transnational criminal organisations - who want us to despair. They come plunder our natural resources, and they have their hidden agendas. Let me assure them that Papua New Guinea also has its agenda, and we will not allow this to take place on our ancestral land.

The current government was formed on the platform that it would eradicate corruption and expose those who were involved in such crimes. Those who have committed such crimes should be made accountable, under the law, and should be duly punished, by-law, if they are found guilty. We have existing institutions such as the Ombudsman Commission, the Police Fraud Squad, the Public Prosecutor's Office, and the Auditor General's Office that have been established to suppress corruption. What we really need to do is to legislate and give powers and financial resources to these organisations so that they can effectively fight the crime.

Now is the time for all of us - in the communities, villages and cities, government and non-government, public and private sectors, old and young people - to work together to restore the image of development in preparation for our silver independence jubilee in the year 2000.

While we must always be grateful for our achievement of independence, and basic democracy, we must all continue to work hard, and pray that our leaders will collectively address our problems, and offer you, the people of Papua New Guinea, a better and more secure future for our next generation.

Happy Anniversary to you all.

HON. MATHIAS KARANI, MP

Minister for Police, CIS & the National Narcotics Bureau



ROYAL PAPUA NEW GUINEA CONSTABULARY



CORRECTIONAL SERVICES



NATIONAL NARCOTICS BUREAU



Opis bilong Lida bilong Oposisen

INDIPENDENS TOKTOK I KAM LONG EKTING LIDA BILONG OPOSISEN, HONOREBEL PETER IPU PEIPUL, OBE, BA, MIPP, MP

OL pipel bilong Papua Niugini. Long dispela taim nau PNG i amamasim 24 yia bilong em long stap Indipenden, mi laik autim tingting bilong mi liklik wantaim yupela long wanem samting em "Indipendens", stat long 16 Septemba, 1975 i kam inap nau.

Em i kamap klia nau olsem yumi no save tingting strong moa long Indipendens olsem yumi bin mekim long namba wan 10-pela yia bilong Indipendens. Paia bilong Indipendens i no lait olsem bipo, tasol smok bilong en i stap yet, olsem na mipela save i gat paia i stap yet. Olgeta taim mipela mas traim wokim dispela paia i lait i stap yet, tasol astingting tru bilong Indipendens i no moa stap.

Olsem wanpela lida husat i save go sindaun wantaim ol pipel bilong ples, mi save olsem planti bilong yupela i no gat as bilong amamasim dispela de. PNG i winim narapela krismas nau, na wanem? I gat inap ol lain pinis i stap ausait bilong lukautim na luksave long rot em dispela kantri i bihainim i kam inap nau - insait long kantri we i gat moa long 700 tokples, ol bikmaunten na bikbus na kain kain pasin tumbuna na bilip.

Bikpela laik long olkain rot em mipela bai inap tokaut long sindaun bilong mipela yet long taim bihain i bungim hevi wantaim ol gavman, bikos ol i no inap pinisim laik bilong ol pipel. Yupela bin bilip olsem moa gutpela sindaun na senis bai kamap insait long ol famili, komyuniti na kantri. Taim gavman bilong yupela i lukluk long ol samting bilong graun, bel bilong yupela bai amamas na yupela bai givim biknem long kantri na ol lida bilong yupela.

Tasol, ol samting i no kamap olsem. Ples bilong wokim paia nau i dai olgeta. Ol pipel nau i save pasim dua hariap tru na go slip. Naispela singaut na krai bilong ol pikinini i no save kamap moa. Olgeta dispela belhevi i kamap bikos wok politik kantri na ol lida nau i bihainim i no gutpela, em i no gat kik na nogat kaikai.

Ol tumbuna bilong bipo i gat politik bilong ol, tasol kain stail politik bilong ol i win tru. Nau mipela i gat ol kain kain samting na save na wok bilong ol waitman. I gat moa dokta na loya na ol arapela saveman na savemeri i stap, tasol sindaun bilong mipela i bagarap olgeta. I no moa olsem guttaim bipo.

Sapos Gavman i wok long yusim politiks long bringim sevis i go long ol pipel, orait ating dispela wok politik i abrus olgeta na i no bihainim stret rot. Mipela yet i wok long pasim ol wok kamap long hap tru em ol pipel i stap long en - ol grasrut.

Gutpela gavman na stretpela gavman i no inap kamap sapos wok politik i no stret. Gutpela gavman i gat gutpela politik. Ating mipela mas skelim nau wok politik bilong dispela kantri na stretim insait long narapela 10-pela yia. Haus bilong mipela long Waigani i pulap tru long ol bikpela saveman na savemeri. Tasol wok kamap na kaikai bilong ol dispela bikpela save i no stap.

Kain kain senis long ol bos bilong gavman dipatmen i bin narakain olgeta. Bikpela asua bilong dispela i stap long ol lida, na kain pasin em ol i gat insait long pilai politik. Dispela i no asua bilong yupela ol manmeri na pikinini bilong PNG. Planti lain i bin sutim toktok olsem mipela i bringim dispela kantri i go daun. Yesa, em i tru olsem ol dispela samting i kamap, na mipela i wok long painim

nau ol trupela man na meri bilong mekim wok na mipela i kisim moa stil toktok.

Em i taim nau bilong askim sapos ol lida bilong yumi i stap bilong helpim ol yet o ol pipel bilong ol. Ol bikpela kolwin ka, bikpela haus, ol pikinini i skul long hap bilong ol waitman na ol bikbos i wok long kisim ol lain husat i toktok stail olsem ol waitman na rausim olgeta arapela - em wanem samting tru nau ya? I bin gat wanpela pati, PNG Fes, tasol ol birua i no laikim dispela. Ol i laik amamasim ol ausait lain, na mekim ol gutpela toktok em ol ausait lain i laik harim.

Mi sori tru olsem bihain long 24 yia bilong kisim Indipendens, dispela sik i stap yet. Bikpela pasin pret i no stap namel long ol waitman wantaim ol blakman, nogat, em pasin bilong blakman i birua long blakman. Ol wok politik i no save go long helpim ol grasrut, nogat, ol i stap antap tasol.

Sapos yu wanpela saveman bilong Papua Niugini, yu mas kamapim wanpela rot we i sut stret long ol pipel bilong Papua Niugini. Planti samting ol pipel i papa long en i wok long lusim han bilong ol nau, bikos ol PNG pipel yet i wok long kisim ol dispela samting na salim i go ausait. Nau mipela painimaut olsem i gat sampela bos bilong ol dipatmen husat i save kisim wankain pe olsem potnait pe bilong Praisim Minista na Spika bilong Palamen. Paul wok nau i wok long olgeta kona.

Planti Papua Niugini man nau i no moa tingting long givim taim na save bilong ol nating bilong helpim ol arapela liklik man na meri na pikinini bilong PNG. Stil pasin na wok hait i stap strong yet. Ol pipel bilong Papua Niugini nau i no sindaun moa bihain baset na mani ol i gat long poket bilong ol. PNG mas go bek, sindaun na glasim gen kain stail bilong bipo.

Indipendens long tingting bilong mi em ol hait toktok bilong marit. Yu, mi na olgeta lain i maritim dispela kantri. Mipela pasim toktok pinis, olsem na yumi mas holim strong long ol dispela toktok. Yumi mas prea olsem bai Papa God inap luksave na belisi long yumi.

Long pinisim ol toktok, mi laik toktok long pasin bilong sindaun na bung wantaim.


Wanpela papa i gat famili we ol i save kros oltaim. Em i traim hat tru long toktok na stretim famili, olsem na em i tingting long mekim samting na ol bai bihainim. Olsem na em i singautim ol pikinini i kam na tokim ol long bungim ol hap paiawut. Bihain long ol i bungim ol wantaim na pasim ol long rop, em i tokim ol pikinini long kisim ol dispela karamap paiawut na brukim ol.

Olgeta i traim tasol i no inap. Bihain em i lusim gen rop long karamap paiawut na tokim ol long kisim wan wan diwai na brukim ol. Nau olgeta samting i isi tru. Olsem na em i tokim ol: "Em nau, yupela lukim. Sapos yupela stap bung wantaim, nogat birua bai inap bagarapim yupela. Sapos yupela lus na go stap wan wan, ol birua bai kam insait isi tru na bagarapim stret sindaun bilong yupela.

HEPI BETDE, PAPUA NIUGINI.

24th Indipendens Anivesari

Word Publishing Sapilmen



• Mosbi bai holim wampela bikpela festival bilong Hiri Moale long dispela wiken. Planti pilai bai kamap.

Rabaul amamasim de, tingim maunten pairap

NELSIE GIRAURE-SAYA i raitim

OL PIPEL bilong Rabaul i redi long amamasim 24 yias bilong Indipendens bilong Papua Niugini na tu long makim namba faiv anivesari bilong volkeni i pairap na bagarapim ples long Septemba 19, 1994.

Man i go pas long ol dispela amamas bilong dispela wiken em long Norman Stanley husat i tok olsem olgeta foapela lokel level gavman (LLG) i wok long redi nau long makim ol dispela bikpela de.

Mista Stanley i tok stat long dispela yia ol wanwan lokel level gavman yet bai gat amamas bilong ol yet long mekim ol pipel insait long ples long amamas wantaim na bung wantaim.

Distrik edimitresin i givim pinis K1000 i go long wanwan LLG long holim ol dispela amamas bung.

Rabaul distrik i bin kisim bikpela bagarap tru long taim bilong volkeni i pairap long 1994 na long dispela yia ol pipel bai bung wantaim na amamasim gut dispela samting.

Mista Stanley i askim olgeta pipel long bung wantaim na amamasim dispela wiken.

Narapela samting bai kamap long Rabaul yet em long krauning bilong "Miss Balanatanam Queen".

Man i go pas long dispela samting em long Nicholas Baroro husat i tok ol wok reri i go gut taso.

Ol amamas bai kamap long tude Septemba 16 yet long Balanatanam lokel level gavman na bai go yet long Sande.

Bai i gat dispela Miss Bala Queen we i kamap long nambawan taim long provins. Mista Baroro i tok planti yangpela meri i givim nem long kamap long dispela resis, krismas bilong ol i stap namel long 12-26.

Ol jas bai lukluk long tumbuna bilas bilong ol meri, Tolai dresing bilong ol meri na moa yet long wanem kain save ol i gat long dispela Balanatanam LLG na ol wod eria bilong ol.


Ol samting bai kamap em olsem tumbuna singsing na danis, kwaia, pilai na ol narapela samting.

Olgeta pilai bai kamap long Pilapila spots graun na sampela bai kamap long Nonga.

Bai i gat ol kwaia resis tu bilong ol man na meri, bilong ol skul olsem Tavui, Malaguna No.1 na No 3 na Volavola.

Registresen fi bai stap long K30 na ol prais bai stap olsem: Nambawan: K200, Nambatu: K150 na nambatri K100. Long resis bilong wanwan man ol prais bai stap olsem: nambawan K150, nambatu K100 na nambatri K50.

Olgeta faivpela komyuniti skul long district bai kirapaim ol stol bilong salim ol kaikai long dispela taim na mekim sampela moni bilong ol.



• Loi Mahena wantaim mambu i mekim save long singsing long taim Tubuseria pipel i wokim Lagatoi. Ol i wokim lagatoi long amamas long taim bilong Hiri Moale Festival, em bai kamap long Indipendens wiken long Mosbi.



• Ol meri bai resis long Hiri Hanenamo kwin.

INVEST WITH US NOW AND SEE YOUR MONEY GROW WITH YOUR COUNTRY.
 CARING AND SHARING NATIONWIDE

WANTOK spot wiken

Kidu givim K3,000 long Papua Dats

HENRY MORABANG
i raitim

FAMILI bilong Kidu insait long Pari viles i givim K3,000 i go long Papan Rijonel Dats Federesen long holim sempionsip bilong ol.

Dispela sempionsip i stat aste na bai pinis long Sarere. Olgeta gem bilong pilai dats bai kamap long Konedobu klab.

Vagi Kidu, husat i makim papa bilong em, Ranu Ron, i givim dispela mani i go long sekretari jenerel bilong Papan Rijonel Dats Federesen Mojeh Selsel long Mande nait long Luwanga Hal long Gerehu.

PAPUA RIJONEL DATS RIPOT

Yangpela Vagi i givim mani long Selsel na ol bikman bilong ogenaising komiti i witnes long dispela sponsa mani.

Vagi i tok dispela mani i no bilong Lady Kidu. Nogat, mani ya em long makim nem bilong ol brata bilong let Sir Buri Kidu olsem Ranu, Edea, Gaudi, Boio na Matagu long sapatim Papua Dats Federesen.

Selsel i tokaut olsem dispela sponsa mani i kamap long rait taim we ol ogenaisa i redi long stretim sempionsip.

Sekretari jenerel i promis long yusim gut mani long baim tropi na

ol wok bilong lukautim tonamen.

Tresera bilong Papua Dats Federesen John Maliku i tokaut olsem ol i bin askim ol memba bilong Papua long palamen tasol nogat wanpela bekim i kam. Olsem na ol famili bilong Kidu i givim dispela mani.

Maliku i tokaut olsem nem bilong tropi em Lady Kidu long tingim Sir Buri Kidu husat i wanpela strongpela man long Papua.

Ranu Kidu husat bai makim famili long opim dispela tonamen long tude.

Samting olsem 26 tim bai kamap long dispela sempionsip -

19-pela man na 7-pela meri. Ol senta i givim nem pinis em Kokoda, Kiunga, Alotau, Veipa (Bereina), Popondetta, Poreporena, Tubuseria, Daru na Pot Mosbi.

Foapela klap long Pot Mosbi tu i givim nem olsem Sankamap, Tairox, Telpepe na Taliu. Dispela ol klab i givim nem long inapim namba bilong ol tim long stap insait long dats sempionsip.

Presiden bilong Papua Rijonel Dats Federesen Jerry Kansan i mekim bikpela tok amamas i go long Vagi na ol famili bilong Ranu Kidu. Dispela helpim long sponsa i kamap long taim dats i painim mani.

Lae bai paia long spot tonamen

FRANCO NEBAS i raitim

SITI bilong Lae long Morobe provins bai paia stret long dispela wiken taim ol kainkain spot tonamen bai kamap.

Ol spot olsem nesanel softbal sempionsip, nesanel soka sempions (man/meri), tas ragbi, basketbal na resis bilong wilwil.

Ol ogenaising komiti bilong ol dispela spot i wok long wok hat tru long stretim ples bilong pilai, silip na tu trenspot.

Long wankain taim, Lae Siti Erben Kaunsil bai mekim bikpela selebresen we bai amamasim namba 24 Independens yia bilong kantri.

Ol komiti bilong ol dispela spot olsem dispela em i namba wan taim Lae siti i holim planti ol bikpela sempionsip long wanpela taim ya.

Wantok i bin toktok wantaim sampela opisel na painim aut wanem ol tim bai kamap long dispela sempionsip.

Long soka, samting olsem 14 tim bilong man na 6-pela bilong ol meri bai kamap long skelim strong bilong ol.

Nesanel Tas Ragbi i soim samting olsem 10-pela senta bai resis long masta divisen, sinia man/meri, na mix divisen kompetisen.

Planti ol tim husat i laik stap long sempionsip i kamap pinis long Lae.

Bikpela spots tonamen kamap long Lae

YALU ples klostu long Lae siti i bin paia stat long Mande na bai pinis long wiken wantaim bikpela spot tonamen.

Dispela tonamen i wok long go nau i pulim ol man na meri long pilai soka na basketbal salens. Tonamen ya em bilong ol pipel long ples Kasanombe insait long Boana distrik.

Aki i tok "As bilong dispela tonamen em long luksave long mipela yet ol pikinini bilong Kasanombe husat i stap long ol arapela taun o ples insait long Papua Niugini."

Tonamen ya i stap long 1989 nau na i save kamap long olgeta yia.



• Ol susa bilong Kiunga Cats i redi long pilai dat long Papua Regional Dats sempionsip. Long piksa yu ken lukim presiden Jerry Kansan wantaim kepten Julie Koniel na ol pilaia i lukluk i stap. Lang hankais en kosa yet Jet Membu.

Sike i kisim to awot

GOROKA LIG RIPOT

KEPTEN bilong Goroka Lahanis Steven Sike i winim Best and Fairest awot bilong 1999 SP Kap sisen.

Sike husat i kisim nem Fence (banis) long strongpela difens bilong em i kisim dispela awot bihain long Bot bilong Goroka Lahanis i makim em.

Kepten Sike em bilong Westen Hailens tasol em i wanpela tisa long Goroka Sekendari Skul na pilai wantaim Goroka Lahanis.

Mewie Launa i bin tokaut long nem bilong Sike insait long wanpela presentesen bilong Lahanis long Bird of Paradise hotel.

Planti ol sapota bilong Lahanis i amamas tru olsem Steven Sike i winim dispela awot bikos em i save pilai gut, and go pas long Goroka Lahanis long winim taitel ya.

Albert Wamiri, pikinini bilong wanpela bisnisman Sir Akapita

Wamiri i bin givim dispela awot i go long Sike.

Olsem wanpela strongpela sapota bilong ragbi lig, Albert i singaut i go long ol nesanel selekta bilong Kumul long kisim 5-pela pilaia bilong Goroka Lahanis long PNG Kumul tim bilong Oktoba 16 gems.

Em i tok ol pilaia olsem Sike i stap longpela taim nating na ol selekta i mas lukluk long dispela.


Na arapela pilai winim Most Improved awot em Makali Aizue na Francis Seu i winim namba wan awot bilong fulbek. Nambawan sapota awot i go long Auwo Ketauwo long gutpela sapota bilong em.

Memba bilong Goroka Henry Smith i tokaut pinis olsem em bai givim K10,000 i go long Goroka Lig na tu opisel bilong em Bill Kavanamur i givim K50 i go long wanwan ol pilaia bilong Lahanis.

Ol spot piksa long wiken long Mosbi



• Fulbek bilong Telikom Judith Sauto i redi long autim bal egensim Wanzesi long Pot Mosbi wimens soka. Telikom i win.




• Longpela muruk bilong Telstars, Mimi Ori i ketsim bal egensim Sparrows long Pot Mosbi netbal grenfainel. Sparrows win 46-45.



• Ol susa ya, Mixtures, bilong Hula i traim stail bilong ol long NCD volibal kompetisen.



• Anthony Pangkatana i sekhan wantaim mausman bilong Cambridge, Peter Bebi, taim em i winim awot bilong nambawan fowat bilong Harlequins A gret.



• Spaika bilong Elcom i bomim bal egensim Axle long NCD volibal kompetisen. Elcom win 3-2.

Allan Border bai kam long PNG

Skulbois makim tupela skwat

HENRY MORABANG raitim

WANPELA biknem pilaia bilong Australia na Wol Allan Border bai kam raun long Papua Niugini.

Bikpela sponsa, Konica, PNG Kriket Bot, Australia Kriket Bot na Intanesenl Kriket Konferens i lukautim dispela wokabaut.

Border em wanpela gutpela pilaia long yia 1980. Em i gat nem long paitim bal long lephan.

Taim bilong pilai, yu ken lukim Border i save sanap klostu long wicket kipa long traum autim ol birua pilaia.

Presiden bilong PNG Kriket Bot Veari Maha i tokaut olsem Andrew Eade, Developmen opisa bilong Is-Asia rijon, we i karamapim PNG bai kam wantaim Border long mekim lukluk raun insait long kantri.

Border bai stap insait long wanpela seremoni long makim graun bilong nupela K2 milien stedium.

Taim em i stap long kantri em bai go kaikai wantaim Gavana Jenerel husat i patron bilong PNG Kriket Bot na tu bai fanraising long Airways Hotel we ol bai holim oksen long ol samting i karim nem bilong Allan Border.

Dispela oksen em long wokim mani bilong wokim nupela stedium.

Sekretari bilong PNG Kriket Bot Wayne Satchell i tokaut olsem ol i makim na kisim pinis taitel bilong graun long Amini Park. Dispela nupela stedium bai ken holim gem long de na nait wantaim.



• Allan Border, bipo taim em stap olsem kriket kepten bilong Australia.

Satchell i tokaut olsem sapos PNG i gat dispela nupela kain stedium bipo, ating PNG bai bai pilai strong tru wantaim ol arapela biknem kantri olsem Australia, Nu Silan, Inland, Wes Indies, India na Pakistan.

Bikpela samting long dispela stedium em bai gat turf wicket, ol kain gutpela gras long pilai kriket we ol i ken rausim bihain long pinis bilong gem.

POT MOSBI Junia Ragbi Lig kompetisen i makim tupela skwat long salens long opim bikpela gem namel long Not Kwinslen Cowboys na Pot Mosbi Lagatois long Sarere long makim Hiri Moale Festival.

Tresera bilong Pot Mosbi Junia Lig Jerry Karavai i tok olsem ol dispela studen em ol i kisim long ol skul husat i baim pilaia rejistresen na tu afiliyesen fi.

Karavai i tok olsem planti ol gutpela pilaia i no stap long tim bikos ol tisa o kodineta bilong ol i no baim rejistresen na afiliyesen fi.

Operesen menesa bilong PRL i askim ol hetmasta bilong ol skul long larim ol dispela pilaia long kamap long wanpela kos-ing klinik we ol Cowboys bai

holim wanpela ol yangpela pilaia.

Nem bilong ol dispela pilaia em

Team One: Robert Sasa (Morata Lions), Alphonse Latu (Kerema), Robin Mogawa (Cardols),

Gabby John (Morata Lions), Karava Haiveta (Kerema), Jonathan Wesley (Cardols), Albert John (Hohola Dem Waliya), Mariosu Fave (Cardols), Steven Beni (Hohola), Sione Polume (Cardols), Henson Batia (Iarowari), Murphy Sefa (Rugibust), Andrew McKiwa (Hohola Dem) Ol Riserv: Nao Kala (Badili Vocational),

Graham Eapaea (Rugibust), Geve Kare (Iarowai) Hobert Kapi (Morata Lions)

Kosa em Noah Mave (Badili Vocational)

Team Two: Fabian Paul (Hohola Dem Waliya), Jack Haro (Kerema), Rober Hova (Hohola Dem Waliya), Albert Sefe (Kerema), John Kipan (Morata Lions), Orani Mega (POM Nat Defence), Vagi Vali (Cardols), Ova Sale (Badili Vocational), Isacc Toran (Cardols), Terence Tendale (Hohola Dem Waliya), Stanley Elodo (Iarowari), Michael Dos (Morata Lions), Mitri Zeipi (Cardols) Ol Riserv: Ivan Ravu Jnr (POM Nat Defence), Sarufa Larry (Badili Vocational), Robert Kutapae (Pom Nat Defence), Albert Loi (Rugibust)

Coach is Veks Boro (PRL) na trenatrua trainer Jerry Karavai (Hohola Dem) and menesa Tora Ivora.



• Antap: Simon Rumet bilong Souths i laik takolim senta bilong Kerema, Makao Farapo long Cambridge Kap salens long Mosbi. Souts win 48-11.

• Lephon: Allan Border soim trophy em i winim long wanpela intanesenal gem.

Resis bilong PNGFA Kap stat tete long Lae

FRANCO NEBAS i raitim

RESIS bilong Papua Niugini Futbal Asosisen Kap (PNGFA) i stat tude (Fonde).

Samting olsem 15 tims bilong man na 8-pela bilong meri bai salens long dispela wiken long Lae Futbal Asosiesen (LFA) Pak na Sir Ignatius Kilage Stedium long winim taitol.

Planti tims i kamap pinis long Lae na i sambai tasol stap long opisel kik ol long tude (Fonde).

Ol asosisen we i salim tims em, Mt Hagen, Mosa (Niu Briten Palm), Warangol (ENBP), Port Moresby (PMSA), Arawa, Mendi, Kimbe, Buka, NCD PSSA Wewak, Kaiyapit, lahi na Hos Asosiesen LFA.

Tu insait long disepal resis bai nesenel U23 skwat na U17 bai salens tu olsem trening program bilong ol.

PNGFA siaman bilong gems Paul Pondo i i tok long amamasim indipendens selebresen wantaim tupela bikpela pilai bai kamap namel long difending sempions LFA egens nesenel U22 na PMSA wantaim Arawa long wan kilk apinun.

Pondo i tok 15 tim bilong ol man em ol i putim insait long triela pul we i gat 5 tims long wanwan pul.

Long pulim (1), LFA, U23, Mt

Hagen, Niu Briten Palm Oil na Warangol.

Pul (2) PMSA, Arawa, PSSA (NCD), Wewak na Kaiyapit.

Long resis bilong ol meri i gat 4-pela tims long tupela pul.

Pul (1) PMSA, Lahi, Kimbe na Wau, Pul (2) Mendi, LFA, Buka na Mt Hagen.

Ol gems bai pilai long Pul sistem we pes tu tims bai go long pilai ol dispel em long resis bilong ol meri.

Wina long Pul (1) bai pilaim rana hap o seken ples bilong Pul (2) na seken ples long Pul (1) bai pilaim wina Pul (2).

Tupela wina bai go stret long faim-ols. Long ol man, pes tu long wanwan Pul bai go long dro na bai salens gen long knok aut.


Tripela tim husat win bai salensim ol gen na wanem tupela time i kisim hai points bai pilai long gren faimol.

Difending sempions LFA bai stat olsem feveret long man divisen na PMSA long ol meri.

Tasol i gat strongpela salens tu bai kam long arapela asosisen olsem, PMSA, Lahi, Arawa na tu arapela liklik asosisen.

Long wankein taim yet, ol oganasing opisels long LFA i wok hat tu stretim fil, ples bilong slip, trensp na ol arapela samting.

Planti tims i kamap pinis long Lae wetim tasol stat bilong tonamen.



Cambridge Kap statim namba tu raun

CAMBRIDGE KAP RIPOIT

HENRY MORABANG i raitim

BIKPELA gem bilong Cambridge Kap bai kamap namel long Goroka Royals na Mendi Brothers long Goroka long dispela wiken

Goroka bai yusim asples bilong em wantaim sapat long winim dispela gem.

Goroka Royals i malolo gut na em bai bungim Mendi Brothers husat i bin brukim bun wantaim Banz Bulldogs.

Brothers i autim Bulldogs 20-14 long go insait long namba tu raun bilong Cambridge Kap resis.

Arapela gutpela gem bai kamap namel long Rabaul Balanatanan na Kimbe Muruks na arapela gem em namel long Pot Mosbi Souths na Popondetta Pati.

Ol boi Popondetta bai skelim strong bilong Souths. Ol boi Pati em ol studen long Popondetta Egrikalsa Koles na ol bai kamapim wanpela strongpela gem stret egensim Souths.

Kerema MMT i bin laik traum daunim pawa bilong Souths tasol ol boi Sauten Hailens i nekim stret ol boi K-taun 48-11.

Robert Tia, Jackson Etape, Mike Wako, John Togola na Eric Abba bai kamapim strongpela gem long autim ol studen long On-sena kantri.

Insait long arapela gem, Minj Wests i wetim tasol grenfainel

bilong Wabag. Taim Wantok i raitim dispela nius, Wabag i nogat sempion tim long salens long Cambridge Kap.

Lae Royals bai mekim save stret long ol brata long Wau-Bulolo Warriors. Ol mangi long siti ya i laik soim stret olsem ol i gat laik long winim Cambridge Kap na ol bai i no inap pilai kaskas.

Madang Hawks i wetim tasol Wewak Tigers. Tigers i soim tru strong bilong ol taim ol i rausim trausis bilong ol boi Wes Sepik 40-10 long Pora Oval.

Na long Kiunga, tupela Raiders klab bilong Kiunga na Tabubil bai skelim strong long pilai.

Bikpela tingting em i no long winim gem, ol i laik kisim balus tiket na kam pilai long Pot Mosbi ya.

Souths waraim stret Kerema MMT

**SOUTHS 48
KEREMA MMT 11**

DOWNER Souths i wilwilim stret Kerema MMT 48-11 long namba wan raun bilong Cambridge Kap long Pot Mosbi las Sande.

Ol boi Kerema i no fit stret long Souths bikos ol i nogat gutpela trening na tu ol i no klia tumas long tektik bilong pilai ragbi lig long dispela kain bikpela kompetisen ya.

Insait long arapela gem, Tari Tigers autim laibu Tigers 36-16, Wewak Tigers nekim Vanimo Hawks 40-10 na Mendi Brothers autim Banz Bulldogs 20-14.

Dispela wiken, Cambridge Kap bai statim namba tu raun we ol tim olsem Lae Royals bai bungim Wau-Bulolo Warriors, Mendi Brothers long salensim Goroka Royals, Minj West bai bungim Wabag, Wewak bai skelim strong bilong Madang Panthers na Pot Mosbi Sauts bai bungim ol studen long Popondetta Egrikalsa Koles.

Dispela gem namel long Souths na Kerema MMT i paia lait stret long 10 minit. Tasol bihain long em nau, Souths i wok long mekim save long ol.

Souths i skorim 10-pela trai na Kerema i bekim tupela tasol.

Robert Tia i go pas long fowat bilong Souths. Em i kisim gutpela helpim long John Togola, Mike Wako, Jackson Etape, Gideon Kaka na Peter Mangope. Dispela ol fowat ya tasol i slekim stret strong bilong Kerema na ol beklin i go putim trai isi tasol.

Tia yet i opim rot taim em i putim namba wan trai. Orati bilong long em wara i ran isi tasol ya.

Ol boi Kerema em bilong ples Moveave we ol i save go pilai insait long Kerema taun kompetisen.

Kerema MMT i traim olgeta strong na save bilong ol long bungim Souths, tasol olgeta save bilong ol i pinis nating.

Tasol ol boi Kerema i mas amamas bikos em i namba wan taim bilong ol long kam pilai insait long bikpela kompetisen olsem Cambridge Kap.

Thomas Posou, wanpela olupela pilaia bilong Kone Tigers long Pot Mosbi i go

pas long dispela tim. Em i kisim sapos long Makao Farapo, Jeff Kake, Jack Mire na Eka Sefe, husat i bin pilai gut tru.

Ol arapela pilaia i putim trai long Souths em David Kaiapia, Tende, John Togola, Mike Wako, Simon Rumat, Roy Amburi.

Na Tore Karulaka na Paul Hohoape i putim trai long sait bilong Kerema MMT.



• Bikpela fowat bilong Kerema MMT i laik brukim difens bilong Souths long bikpela Cambridge Kap long las wiken.

Scorpions winim Hoppers

SEMPION tim Scorpion i tokaut olsem em i redi long winim bek taitel taim em i autim wanpela strongpela tim 3-0 las wiken.

Dispela win i kamap bikos long gutpela pilai ol i kamapim.

Hoppers i gat ol pilaia olsem Terry Kupa, Titus David, Albert John, Anselam Nambate na Scorpions i gat ol pilaia olsem Mathew Walo, Eddie Aisi, Timo Ai, Ula Gima, Apez na Wafi.

Tupela tim wantaim i kamap gutpela pilai i go na Scorpions i winim namba wan set 25-19.

Dispela nau i kirapim stret skin bilong ol mangi Hohola tai Terry, Titus na Albert i wok long blokim ol spaiks bilong Scorpions.

Kain pilai bilongtripela nau i mekim na Hoppers i winim dispela namba tu set.

Long namba tri set, presa i no strong nau na tupela tim wanpela i no pilai gut tumas. Tasol Scorpions i wok long strong na winim dispela fainel set 25-18 na namba foa set tu wantaim 25-22.

Insait long arapela gem, Elcom i painim taim stret long ol boi Axle.

PTC i strong tru na winim City Sharks 3-0 na Dolphins i fofitim ol Mixtures.

Wanpela bikpela gem bilong ol meri, em namel long PTC na Raukele Dolphins.

Dolphins i sindaun long namba tu ples long poin lata na PTC long namba foa ples.

Dispela gem i kamap gut tru bikos ol pilaia long tupela tim wantaim i kamapim gutpela volibal gem stret.

PTC i gat ol pilaia olsem Dorothy Kivung, Alice Ito, Kila Okinua, Wendy Yikolisa, Paulin Sanginumbuk na Brenda Sevese.

Ol Raukele i gat ol pilaia olsem Martha Dick, Martha Awadu, Monica Wala, Hazzel Vovote na Jean Kairi.

Bai sarapim maus bilong ol opisel

WINGA bilong Melbourne Storms Marcus Bai i bin kisim planti toktok i kam long ol opisel olsem em i no pilai gut wankain olsem las yia.

Dispela kain takel bilong Marcus na ran bilong em i no wankain olsem bipo.

Tasol las wik Sande em i bin pilai gut tru long helpim tim bilong em i autim Canterbury 24-22.

Marcus Bai yet i bin putim namba wan trai long dispela win.

Las sisen, Bai i go pas long lista bilong hit-aps 446, tasol long dispela yia em i mekim 353.

Winga bilong PNG Kumul i tokaut olsem em i no pilai gut bikos nau planti man i save pinis long stail bilong em na i no save kikim bal i go stret long em.

"Planti man i save tok olsem mi no pilai gut tasol ol i mas tingim, ol oposisen i no save kikim bal i go stret longem."

"Planti man na kosa nau i save olsem taim em i kisim bal na ran kambek i gutpela olsem na ol i save pretim em na kikim bal longwe long em ya."

"Mi no inap mekim wanpela samting nau. Sapos mi laki, fulbek taim i karim bal i kam long sait bilong mi, mi bai ran ya."

Tasol nau mi mas stap tasol long tingim ol gem bilong mi long fainel na noken bisi long toktok long ol dispela samting.

I luk olsem gem egens Parramata, ol pilaia bai kikim bal longwe long Marcus Bai na bai i no inap givim em sans long holim bal na ran long brukim difens.

Marcus Bai i gat bilip olsem em bai winim gem egens long Paramatta Eels.

Bai i bilip olsem Melbourne Storms i ken kamapim gutpela gem olsem em i mekim egensim Canterbury Bulldogs.

Em i tok taim bilong fainel em i narapela kain tru. Ol arapela tim i ken win tasol fainel em i no wankain olsem ol arapela gem bilong kompetisen ya.

Melbourne Storms i lusim tupela gem na i no laik stap isi. Ol bai tren hat long bungim wanem birua tim i kamap long pes bilong ol long dispela ol fainel i kam.

Kosa Chris Anderson i mekim wanpela senis tasol tim i win las wik ya.

Em i bringim bek bikpela fowat husat i no bin pilai long wanpela mun nau. Pilaia ya em Robbie Kearns we i gat hevi na bai salensim ol lain Paramatta.

Kearns i kisim ples bilong Ben Roarty husat i no stap long skwat bikos em i kisim bagarap long masel bilong em long taim bilong trening ya.

Melbourne Storms nau bai kisim balus na flai i go long Sydney long redim ol yet long bikpela fainel ya.

Rabaul laik statim gen aussie ruls

IS NU BRITEN ples bilong sofbal i tingting nau long statim gen aussie ruls ya.

Ol Rabaul i tingting long statim dispela gem bihain long presiden bilong PNG Aussie Rul Kaunsil Thomas Gori i go wok nau long Rabaul.

Gori i save wok wantaim Steamships Hardware.

Em i bin go pas long staim dispela aussie ruls long Mt Hagen we i gat 5-pela tim nau i wok long brukim bun.

Na em i gat bikpela bilip tru olsem dispela gem bai kamap gut bikos ol

wantaok long Wes Nu Briten i save mekim save stret long dispela gem ya.

Taim Gori i stap long Rabaul em bai traim long kamapim ples bilong em long aussie ruls.

Rabaul i save pilai aussie ruls bipo long bikpela paia i kirap na kukim olgeta ples bilong pilai.

Gori i tingting long salim tupela tim bilong Rabaul i go long nesanel sempionsip long Kimbe.

Dispela sempionsip ya bai stat long Oktoba 15-17, we bai pulim tim i kam long Lae, Mt Hagen, Madang

na Pot Mosbi.

Kimbe yet bai putim tripela tim long dispela sempionsip long traim winim taitel long Pot Mosbi.

Tripela biknem pilaia olsem Willie Lipou, Jones Apamumu, Simon Boski, Dominic Anis na Steven Keu bai go pas long Kimbe long traim winim taitel.

Lipou em wanpela pilaia i gat bikpela eksperiens tru long gem na em i memba bilong PNG tim i winim gol medal long Arafura Gems long 1997 na 1999.





• Komesel menesa bilong SP Holdings Steven Pye i givim nupela yunifom long ol pilaia bilong SP Soka tim. Kosa Baku Bakuwai i kisim dispela yunifom.

*The Board Chairman, Management and the Staff
of the Papua New Guinea Harbours Board extend
their appreciation to the people of Papua New
Guinea and wish them a peaceful 24th
Independence celebrations!*

LAE . LIHIR . MISIMA . LORENGAU . SILOVUTI . AITAPE . ALOTAU . BIALLA . BUKA . DARU . KAVIENG . KEREMA . KIETA . KIMBE . MADANG .

AITAPE . ALOTAU . BIALLA . BUKA . DARU . KAVIENG . KEREMA . KIETA . KIMBE . MADANG . KINIM . ORO BAY . PORT MORESBY . RABAU . AITAPE . ALOTAU . BIALLA . BUKA . DARU . KAVIENG . KEREMA . KIETA . KIMBE . MADANG . KINIM . ORO BAY .


KINIM . ORO BAY . PORT MORESBY . RABAU . AITAPE . ALOTAU . BIALLA . BUKA . DARU . KAVIENG . KEREMA . KIETA . KIMBE . MADANG . KINIM . ORO BAY .




LAE . LIHIR . MISIMA . LORENGAU . SILOVUTI . AITAPE . ALOTAU . BIALLA . BUKA . DARU . KAVIENG . KEREMA . KIETA .

It is reassuring to know that where ever in the world your hard won export orders are going, Papua New Guinea's Harbours Board is on hand with 23 ports nationwide to swiftly and safely handle your cargo.

Head Office: PO Box 671 Port Moresby, Papua New Guinea. Phone: (675) 321 1400
Fax: (675) 321 1546 / 321 2440






Save for a better future with N.P.F.

NPF is the only compulsory social security scheme for workers in the private sector. It is mandatory that the employer contributes 7% of workers gross salary while the employee contributes 5% towards the employee's retirement savings. The Fund also caters for voluntary contribution by employers with less than 20 employees at the rate applicable to compulsory contributors for employers with 20 and more workers.

The Fund is committed to its contributors by providing retirement savings and tangible social benefits in:

- Education Savings Plan
- Housing Advance Scheme
- Retirement Savings
- Special Death Benefits



N.P.F. is where private sector workers can save for a better future.



More information on NPF can be obtained from the National Provident Fund Headquarters, P O Box 5791, Boroko, National Capital District, Phone: 325 9522 Fax: 325 9738.

The NPF Board of Trustees, Management and Staff wish the people of Papua New Guinea a peaceful 24th Independence Celebrations.

24th Independens Aniversari

Word Publishing Saplimen



Wel, sigaret lain givim mani long Hiri Moale



• SIAMAN bilong Hiri Moale Festival komiti Kabua Kabua i kisim K25,000 sek mani i kam long mausman bilong British American Tobacco kampani, Reg Manage.

RICHARD MANDUI i raitim

KOMITI i lukautim wok bilong holim gen Hiri Moale Festival long dispela yia i bin kisim gen gutpela helpim i kam long tupela bikpela kampani long las Tunde.

Dispela tupela kampani em Mobil Oil New Guinea Limited na British American Tobacco (bipo ol i save kolim Wills PNG), na wan wan bilong tupela i bin givim K25,000 i go long komiti.

Long taim em i makim kampani na givim mani, integresen projek menasa bilong British American Tobacco Reg Manage i tok: "British American Tobacco bai go het yet long strongim na givim luksave long ol narapela wok em i bin makim na tokaut pinis long en."


Mista Manage i tok nem bilong kampani tasol i senis, tasol olgeta wok samt-ing i stap wankain yet.

"Dispela em i namba tri yia nau em kampani i luksave na sapotim wok bilong kamapim Hiri Moale Festival."


Long wankain taim tu, eria menasa bilong Mobil Oil New Guinea Limited Jack Tepu i tok, taim em i givim mani: "Bung bilong Hiri Moale i makim bikpela amamas tru bilong Papua Niugini taim em i luksave na amamasim Independens De bilong en."

"Olsem na mipela long Mobil Oil tu i luksave long dispela na sapotim dispela gutpren pasin nau i stap namel long ol pipel bilong Mosbi, Sentral na Galp na olgeta pipel tu bilong Papua Niugini."

Long taim em i kisim ol dispela mani long tupela lain kampani ya, namba tu gavana bilong Nesenel Kapitel Distrik na siaman bilong komiti i lukautim wok bilong holim Hiri Moale Festival, Kabua Kabua, i tok: "Long makim maus bilong ol pipel bilong Motu Koita na olgeta lain manmeri na pikinini insait long Nesenel Kapitel Distrik, mi laik salim bikpela tok tenkyu tru i go long tupela kampani ya, wantaim ol arapela husat i givim helpim pinis na ol arapela bai givim bihain, long gutpela luksave na wokbung wantaim komiti bilong Hiri Moale Festival."



• ERIA menasa bilong Mobil Oil New Guinea Limited Jack Tepu i givim hap skel (K25,000) bilong kampani bilong em i go long sapotim wok bilong Hiri Moale long dispela yia. Man husat i kisim mani em bos bilong festival komiti, Kabua Kabua. *Ol Poto: JOE IVAHARIA.*



WANTOK

NIUSPEPA

New Advertising rates for Wantok Niuspepa effective 1st July, 1999

Display Advertising Space. (Casual) Cost. K2.95 per column cm.

Advert. Space	Size	Mono K	1 Colour K	2 colour K	Full colour. K
Full Page:	38x7	784.70	984.70	1,184.70	1,584.70
Half Page:	28x5	413.00	613.00	813.00	1,213.00
Half Page:	19x7	392.35	592.35	792.35	1,192.35
1/4 Page :	19x4	224.20	424.20	624.20	1,024.20

Classified Rate K3.20 per column cm.

* All prices quoted do not include 10% VAT.

Compare Wantok's costs, K2.95 per c/cm against the dailies K6.52 for the same size.

Discount rates for volume usage are available on request.

24th Indipendens An iversari

Word Publishing Saplimen



Gutpela pasin long olgeta

PAUL pasin long olgeta hap em bikpela tru. Hait na giaman pasin, i no mekim samting stret na daunim ol liklik manmeri em bikpela samting we i save kamap olgeta taim long nius. Tasol i gat hevi tu bilong ol famili. Ol profet na ol lain i save autim gutnius long taim bipo long Israel i save tingim dispela hevi long taim bilong ol. Gavman i save pait egensim korapsen o paul pasin bikos ol dispela kain pasin i save bagarapim kantri long sait bilong mani, arapela i save egensim dispela kain pasin bikos em i save bagarapim gutpela wok long kamap. Yumi ken stretim hevi bilong ol pipel sapos yumi mekim samting stret. Ol kampani i save pait long rausim paul pasin bikos dispela i save daunim profit i kam long kampani. Ol lo man i save lukim paul pasin olsem em i rong bikos em i brukim lo we i sanap long fri na gutpela pasin long olgeta memba bilong sosaiti.

Ol pasin nogut, pasin i no stret, ol hevi na bagarap i kamap bikos long hait na giaman pasin long olgeta hap iblong sosaiti, ol dispela nogut samting i kamap olsem sistem we ol wok na samting i go long en. Ol papamama i save grisim ol tisa long givim gutpela mak long ol pikinini bilong ol bai ol i ken pas, ol gavman opisa i save givim kwik sevis na helpim long pablik sapos ol i kisim sampela kain hait mani o helpim. Politisen i save baim vot long winim sia long palamen. Ol i save ol i ken mekim mani long mekim ol dispela samting wantaim pawa na wok bilong ol. Ol bisnisman i save baim ol opisel na saplaia bikos ol i laik winim kontrak long mekim bikpela profit. Na ol bai mekim bikpela profit taim ol

i yusim ol materiel we i no strong o gutpela na giamanim ol lain i baim.

Na ol turangu lain husat i nogat pawa o ol liklik manmeri husat i nogat save long dispela sistem i save kisim o baim ol samting we i kam long giaman na paul pasin tasol. Pasin bilong painim ol liklik isi samting long mekim bikpela mani long en em bikpela tingting bilong planti lain husat i save laik mekim dispela pasin.

Em i isi long sutim tok long ol samting we igo rong insait long sosaiti tude. Tasol bikpela asua na rong tru i stap insait long bel na pasin bilong man.

Planti lo i ken kamap long pait egensim ol rong pasin tasol rong pasin i no bilong ol lida tasol long gavman, bisnis o ol lo opis long karimaut. Ansa em long senis i mas kamap tru long bel na olgeta wanwan manmeri i mas mekim dispela samting bai kantri i ken i gat ol tru na gutpela manmeri. Long Olpela na Nupela Testamen bilong buk Baibel i gat planti tok piksa long ol rot we wanwan manmeri i ken mekim kamap ol gutpela senis. Dispela em long kisim sampela gutpela tok stia na tok skul long olgeta de. Planti lo bilong mipela i bihainim 10-pela lo we God i givim long Moses na tokim em long skulim ol manmeri bilong Israel. Insait tu long dispela lo em i tok long i noken mekim tok giaman, noken mekim tok giaman long hatim o banisim rong bilong narapela man, noken kisim samting bilong narapela man, noken kilim man i dai, noken mekim pasin pamuk o mekim trabel na birua long narapela man. God yet i laikim yumi olgeta olsem na em i kamapim dispela kantri na olgeta manmeri. Olsem na kantri we i no stap long banis bilong God em olsem kantri i no gat oda.



ZENAG CHICKEN & EGGS

*Extend their
Congratulations
to the people of
Papua New Guinea
on their*

24th INDEPENDENCE ANNIVERSARY

LAE

Phone: 472 3900

Fax: 472 4548

PORT MORESBY

Phone: 325 1199

Fax: 325 1429



KONSTITUSINEL DEVELOPMEN KOMISEN

24 YIA BILONG INDIPENDENS LONG PAPUA NIUGINI

TOKTOK I KAM LONG MEMBA BILONG PALAMEN, HONOREBEL BERNARD MOLLOK SIAMAN BILONG KONSTITUSINEL DEVELOPMEN KOMISEN

NAU taim mipela i amamasim 24 yia bilong Papua Niugini long stap olsem wanpela Indipenden kantri, mi laik toktok liklik long ol hevi na wanem ol rot i stap bilong helpim dispela yangpela kantri bilong yumi.

Namba wan samting em long narapela yia, Papua Niugini bai amamasim tupela samting:

1. MIPELA bai winim 25 Yia Silva Jubili olsem wanpela kantri; na
2. MIPELA bai amamasim Nupela Milenium olsem wanpela fri na demokratik kantri.

Dispela em ol bikpela samting, olsem na i mobeta nau yumi mas sindaun na glasim na skelim gut ol kain kain hevi nau i wok long kamap long ol wok politik na lo bilong kantri. Bihainim dispela, mipela ken kirapim ol wok i go long narapela 2000 yia wantaim gutpela tingting na pasin bilong strongim dispela kantri moa moa yet.

I tru olsem wok politik insait long kantri i bin bungim planti hevi. Hevi bilong Bogenvil, wantaim ol arapela bilong bikpela san, bikpela solwara i karamapim ol ples long Aitape na bikpela maunten paia bilong Rabaul, i bin givim bikpela mekimsave long sindaun bilong ol pipel long PNG. Wankain samting tu i bin kamap insait long hevi bilong Sandline na ol kain kain kot na tokpait i kamap bihainim nesenele ileksen bilong dispela yia. Wok politik i wok long bagarap yet bikos lo na oda tu i no stret yet.

Olsem na nau em i taim bilong glasim gen kain pasin politik em PNG i gat long en. PNG i mas lukluk na skelim gen ol dispela hap hap em mipela i ting olsem i as bilong ol dispela hevi. Gavman bilong Bill Skate, na nau em Morauta Gavman, i autim pinis sampela rot bilong Konstitusinel Developmen Komisen (CDC) long wok bihainim. Wanpela bilong ol dispela rot em bilong CDC long lukluk na kamapim wanpela

bil/tingting bilong lo i karamapim wok bilong ol politikel pati na ol kendidet. Dispela em wanpela wok em CDC bai putim antap tru long ol arapela na lukluk kwiktam long en.

Olsem na CDC i laik yusim dispela sans bilong autim tingting bilong en i go long Palamen long wanem kain lo em i ting bai inap long kamapim gutpela wok politik insait long PNG.

Ol dispela lo em Palamen bai skelim bai lukluk long Mama Lo i karamapim wok bilong ol Provinsal na Lokol Level Gavman, rot wok ileksen i save kamap insait long kantri na wok bilong ol politikel pati wantaim ol kendidet. Bikpela salens tu i sut i go long ol lida bilong yumi long nesenele, provinsal na lokol level gavman long givim han long komisen taim em i mekim dispela wok.

Aninit long CDC Ekt, dispela lo bai kamap tru taim Palamen i sindaun na oraitim.

Nau em i taim bilong olgeta Papua Niugini man na meri long tingting strong na kamapim senis. Yumi mas lukluk gen long ol hevi i karamapim wok politik na wok bisnis na sindaun bilong ol pipel na autim ol strongpela na gutpela tingting i go long CDC aninit long dispela pablik aweanes progrem bilong en. Hap tingting yu tromoi inap givim bikpela han tru long wok bilong kirapim dispela kantri.

Olgeta samting i stap wantaim yumi wan wan, na yumi inap kamapim senis sapos yumi wan wan i kirap, bungim tingting na kamapim senis.

GOD I BLESIM YUMI OLGETA.



OPIS BILONG SPIKA

TOKTOK BILONG SPIKA

LONG dispela namba 24 yia Indipendens Aniveseri, mi laik toktok liklik long sampela samting mi gat long en. Mi laik toktok long pasin bilong yumi olsem wanpela kantri. Ol kantri i save kirap sanap na pundaun, i no bikos ol i gat hevi long ami na plis fos na mani hevi. Tasol, yesa, sampela taim ol dispela samting tu i save givim han.

Ol kantri i save kamap strong na win bikos long kain rot na pasin ol i gat bilong mekim wok long en. Pasin bilong wan wan man na meri i save kamapim kantri. Ol dispela bilip na pasin bilong tok-tru, soim rispek long ol bikman, stap wanbel na holim strong pasin wanfamili, wangles na wankantri na hap yu wok long en i save helpim kantri tu long stap strong na holim gutnem.

Long taim mi stap wok wantaim gavman na olsem wanpela loya na nau, olsem wanpela Memba bilong Palamen insait long las 12-pela yia, mi lukim pinis planti saveman na savemeri bilong PNG i pundaun. Mi lukim planti gutpela bisnis em ol pipel bilong Papua Niugini yet i kirapim na ranim na, bihain long sampela taim, ol dispela bisnis i pundaun.

Dispela i kamap bikos mipela i no save lukluk long wanem rot em mipela i go long en. Planti bilong mipela i pundaun pinis long pasin bilong luksave na daunim yumi yet, olsem na yumi go insait moa long kisim bia wantaim ol arapela strongpela dring na kros pait nabaut. Long planti taim ol man i save spak tumas na i no inap go long wok. Ol meri i no inap go long wok bikos ol i stap long haus na haitim ol sua na pes na skin solap em ol man na boipren i givim long ol.

Bikpela mani bilong mipela i save lus long wok long paim meri, bekim indai na bagarap na pasin wantok. Olsem na mipela i no inap long yusim mani i stap long poket bilong pulim moa mani i kam insait.

Namba wan birua bilong kantri em botol. Dispela botol tasol i bagarapim planti grup na wanpinis insait long wol. Dispela kain pasin bilong mipela long i no luksave long sotgan na katres bai bagarapim PNG. Bogenvil i bin bagarap taim wanpela lain grup i bung wantaim na kisim sotgan bilong traim stretim wari bilong ol.

Nau bikos kantri i bagarap, olgeta man i stat toktok long stretim gen ol opis wok na wok bisnis na wok mani. I tru olsem ol dispela senis i mas kamap, tasol bihain long dispela ol man bai lukluk i go long wanem samting. Nogat wanpela samting bai kamap sapos wan wan man yet i no stretim em yet pastaim. Mipela mas givim mipela yet olsem ofa sapos mipela i laikim gutpela sindaun long taim bihain.

Mipela mas wok hat nau, long bungim moa samting na kamapim gutpela na strongpela banis. Wanem samting mipela i mekim bai tokaut klia tru long wanem kain rot em mipela i laik bihainim.

Mipela ken kisim mani long wok maining, painim pis na ol arapela samting bilong graun. Mipela ken wokim ol bris, skul na haus sik. Tasol sapos i no gat ol man na meri wantaim ol yangpela boi na gel husat i gat gutpela pasin, mipela bai sutim tasol naip i go insait long win na nogat kaikai bilong ol bai kamap.

Olsem na nau long dispela taim bilong amamasim 24 Yia bilong Indipendens, mi prea na tingting olsem PNG bai kamapim nau ol nupela lain man, meri na pikinini. Ol lain husat bai wok na pretim God.

Tasol pastaim long mani na pawa, pasin bilong man i mas go pastaim. Olsem ol man, kantri tu i gat hevi na inap pundaun. Olsem na sapos mipela inap save na glasim na skelim gut rot em mipela i bihainim, PNG bai inap bihainim stretpela rot long taim bihain.

GOD I BLESIM PAPUA NIUGINI

BERNARD NAROKOBI, LLB, MP
Spika bilong Nesenel Palamen


CONGRATULATIONS!!

PAPUA NEW GUINEA

On attaining this

24th Independence Anniversary

*Together, we're advancing
into the new millennium,
through modern
telecommunication
technology.*



TELIKOM PNG

Now we're really talking!

LAI PSTAIL

PNG i gat 24 krismas tude

MASTA WAI i raitim


PAPUA Niugini em 24 krismas tude long Septemba 16, 1999. Olgeta hap bilong Papua Niugini dai amamasim dispela bikpela de vantaim ol pilai spot na singsing ra ol kain kain pilai.

Long ol bikpela taun olsem Mosbi na Lae bai ol ami na plis i caitim dram na mas i go long apim flak bilong PNG. Long dispela taim bai ol bikman bilong kantri olsem Praim Minista o Gavana Jenerel o ol biknem lida bilong kantri i mekim ol toktok long makim groa bilong kantri insait long dispela 24 krismas.

Dispela i olsem wanpela bikpela betde bilong kantri. Kantri nau i gat 24 yia na yumi bai amamasim na witesim betde bilong PNG.

As bilong dispela nem, Independens em olsem, sanap bilong yu yet, o sanap long strong bilong yu yet. Olsem na taim Papua Niugini i bin kisim independens long Septemba 16, 1975, Australia gavman i lusim olgeta pawa na samting i kam bek long han bilong yumi ol blakman yet. Yumi ol blak man yet bai i go pas long kisim dispela kantri i go het long bihain taim. Taim PNG i bin kisim independens long 1975, nem bilong PNG i kamap klia long planti kantri insait long ovasis na wol olsem PNG em wanpela kantri bilong em yet insait long Pasifik rijen o Esia Pasifik rijen. PNG i kisim dispela nem; Independen Stet ov Papua Niugini.

Independens i kamap i soim olsem PNG yet bai i gat ol lida bilong em na ol dispela lida bai karim wok bilong go pas long kantri. Ol bai mekim disisen na mekim lo bilong kantri i bihainim. Bai kantri i mas gat ol bisnis na pulim mani bilong em yet. Bihain ol dispela mani bai ol lida i brukim gen olsem baset bilong kantri. Na ol dispela baset bai i go long




• Sir Mekere Morauta

mekim na kirapim wanwan wok olsem edukesen, helt, agrikalisa, forestri, plis fos na difens fos na ol planti arapela projek bilong developim kantri.

Ol lida bilong PNG yet bai mekim dispela disisen long mani bilong baset bai i go we na nogat arapela lain bai tokim ol. Independens tu i soim olsem PNG i mas gat plis fos na ami bilong em yet long lukautim lo na oda na nesanel sekjurit bilong kantri. Na ol dispela fos i mas wok aninit long lo bilong kantri we ol lida i kamapim long haus palamen. Independens i mekim kantri i mekim olgeta disisen na ol samting long em yet. Tasol long dispela taim bilong independens, Australia i no laik lusim han bilong Papua Niugini olgeta. Bikos dispela em namba wan taim bilong PNG i sanap long em yet, planti samting olsem sapot na helpim em PNG bai i sot yet. Olsem na em i larim ol saveman na planti arapela samting i stap yet long helpim PNG i kisim gut strong pastaim.

Wanpela bikpela samting Australia i wok long givim PNG yet em helpim mani. Dispela helpim mani em Australia Aid we ol i save givim yumi olgeta yia. Na dispela mani i karamapim nem bilong planti projek we inap kamapim developmen na sevis long kantri.

Taim PNG i bin kisim independens long 1975, planti tausen manmeri i bin luk-save na pilim tru dispela senis. Wanpela bikpela piksa we gavman i bin mekim em long wanpela sain o bes. Dispela bes i gat kain kain kala olsem ret, yelo, blu na grin. Na piksa bilong



• Bill Skate

Kumul pisin i stap long en. Dispela em wanpela nupela piksa na ol manmeri i ken tingim i go bek long namba wan taim PNG i kisim independens. Planti i no save gut tumas long wanem as tru bilong independens tasol bihain planti stori i kamap na ol manmeri i stori long ol yet na ol i kisim save long as bilong independens.

Long independens bilong PNG long 1975 i kam inap nau 1999, PNG i bin go insait long planti bikpela senis. Long dispela taim PNG i bin gat 6-pela Praim Minista. Namba wan Praim Minista em Sir Michael Somare husat i bin kisim independens i kam long PNG, Sir Julius Chan, Paias Wingti, Sir Rabbie Namaliu, Bill Skate na Sir Mekere Morauta.

Long dispela taim kantri i save go long ol bikpela nesanel ileksen we ol pipel yet i makim ol memba bilong ol long kamap lida insait long haus palamen. Ol dispela lida i makim maus bilong ol manmeri long mekim ol bikpela disisen na lo bilong kantri. Ol dispela i mas mekim ol senis long kamapim developmen na bringim sevis i go long ol pipel. Ol dispela lida i mas pait long interes na wari bilong ol pipel long mekim sindaun bilong ol i kamap gutpela.

Ol bikpela sevis olsem skul, haus sik, rot, bris, ples balus, wara saplai na planti arapela moa em ol lida i mas wok hat long kamapim bai ol pipel i kisim helpim long ol dispela sevis. Dispela em ol piksa bilong independens we i soim olsem yumi yet i mas lukautim yumi yet long olgeta wok na samting i kamap. Yumi yet i mas mekim disisen we i mas bringim helpim i kam long yumi.

Sapos yumi lukim arapela kantri long wol, ol i save pait long kisim independens. Ol yet i laik sanap long strong bilong ol na mekim lo bilong ol yet long lukautim ol yet na ol pipel bilong ol. Nau wanpela bikpela piksa em yumi lukim ol manmeri bilong Is Timor long hap bilong Indonesia.

Ol i pait na strong lusim Indonesia bikos ol i laik kisim

independens. Yumi lukim piksa o harim long nius olsem ol ami bilong Indonesia na Is Timor i save pait na planti manmeri i kisim bagarap na planti i dai tu long dispela.

Independens em samting bilong pait long soim sanap bilong yu. Yumi harim olsem planti kantri long wol i save pait long kisim independens na planti manmeri i save lusim laip bilong ol long kisim dispela samting.


Tasol long PNG em nogat dispela kain pasin. Yumi kisim independens isi tru long han bilong Australia. Australia i wanbel na i tok, yes yupela ol Papua Niugini i ken lukautim yupela yet olsem wanpela independen kantri. Olsem na Sir Michael Somare wantaim ol bikpela lida bilong PNG long bipo i no pait we wanpela man i lusim laip bilong en. Nogat, ol i kisim independens isi tru. Independens bilong Papua Niugini tu i no mekim olgeta samting i kamap gutpela. I gat planti hevi tu i stap insait long han bilong PNG yet.

Hevi bilong lo na oda i bikpela, planti manmeri i painim hat long wok taim ol i pinisim skul, planti manmeri long PNG i no klia gut long rit na rait yet, planti manmeri i save bungim kain kain sik na i dai, ol papagraun i save pait na birua long arapela husat i save laik yusim graun bilong ol long mekim wok olsem maining, forestri, agrikalisa na arapela moa. Gavman tu i save mekim planti rong disisen we ol pipel i save kisim taim nogut na long dispela as, ol manmeri i save straik egen-sim gavman.

Tasol em i orait, bikos independens i no min olsem olgeta samting bai i go orait tasol, nogat. Bai i gat ol hevi tu tasol i moa gutpela long yumi lainim ol dispela asua bilong yumi na senisim na kamapim ol gutpela senis long kisim ples bilong ol asua yumi mekim. Ating em wanpela gutpela tingting long mekim. Stretim rong bilong yumi, na yumi go fowet long mekim nupela senis bilong helpim sindaun bilong yumi na ol pikinini bilong yumi long bihain taim.




• Sir Julius Chan



• Sir Rabbie Namaliu



• Paias Wingti



• Sir Michael Somare

FRI BAIBEL KOS LONG PAS

I kam long wanpela pren long America sapos yu laikim fri kos salim nem na adres igo long:

WOL BAIBEL SKUL
WBS - PNG 12, P.O. Box 9346,
Austin, TX 78766 USA.

Kaving i gat stail



Famili piksa i soim pikinini, papa, mama na dok bilong ol i sindaun i stap, olsem wanpela atis bilong Afrika i wokim.

Piksa i soim laip long rurel laip long Afrika we Ousmane Sow, wanpela top asples atis bilong kantri Senegal i wokim olsem hap long skalpja wok bilong em.

Dispela em wanpela long ol 64 piksa bilong Ousmane we i bin stap long so long Pont des Arts long Paris, Frans long mun Mas bilong dispela yia.

Ousmane em i gat 64 kris-mas na nau em i kamap olsem maus bilong ol atis long Afrika. Ol atis long Afrika i les long ol bikpela kantri i lukim ol olsem ol lain bilong kamapim ol asples at long ol samting we i sut long sindaun bilong ol tumbuna lain.

68 piksa we i bin stap long so i no soim wanpela asples at olsem ol mask samting, nogat. Piksa i kam long the Courier magesin.

Australia bai lonsim Ye na No vot

Australia bai vot long Australia i kamap olsem wanpela Ripablik bai i kamap long mun Novemba. Long dispela vot, ol pipel bilong Australia bai i autim tingting bilong ol sapos ol i laikim Kwin bilong Ingran i stap olsem het bilong Stet o rausim dispela na makim wanpela man Australia yet i kamap olsem het bilong Stet.

Long sampela krismas nau, planti toktok na tingting i kamap long Australia i kamap olsem wanpela Ripablik nai no laikim Kwin olsem het bilong Stet.

Long dispela wik, ol Federel

gavman na Oposisen ripabliken long Australia i bung wantaim long long askim pablik long yunait taim ol i lonsim Yes ansa bipo long Novemba vot.

Fainens Minista John Fahey na man i makim ligel afeas bilong Leba Robert MacLelland nai lonsim Yes kempein Palamen haus.

Long las wik Fonde i bin delain bilong Yes na No kempein bilong redim wanpela sabmisen i go long Iktorel Komisn long dispela samting.

Ol lain i putim No long kem-

pein i bin redim wanpela ripot we i no bin toktok long Kwin tasol i putim 10 pela as long watpo Australia i no laikim kwesten bilong Ribaplik long Novemba 6 vot.


Yes kempein i autim ol tingting olsem senis long putim wanpela man Australia yet olsme het bilong Stet bai bungim wantaim olgeta pipel bilong Australia. Dispela lons bilong vot i namba wan taim long ol gavman na oposisen memba i bung wantaim long dispela isu bilong Australia i kamap wanpela Ripablik.

Ol liklik meri i amamas long putim tumbuna klos

Tupela naispela liklik meri i bilong kantri, Chad long Afrika. Tupela i luknais wantaim kain klos bilong ol pipel long dispela kantri. Long mak bilong wol developmen, Chad em i wanpela puo kantri stret long Afrika. Chad i bin kisim independens long Frans 30 krismas i go pinis tasol em gat hevi i stap yet.

Ol paitman i wokim trabel long not long wanpela de na gen long saut long narapela de. Olsem PNG, Chad i gat ol kaikain pipel, ol kain kain tokples na pasin tumbuna we i bin bung wantaim long taim bilong kisim independens long 1960.

Long Afrika, Chad i dispela kantri we i stap longwe long solwara. Em i stap insait long namel bilong bikples Afrika na kantri Sudan na Niger i raunim em. Ol hevi na pait i wokim na kantri na ol pipel i no save sindaun gut na strongim ol wok developmen.



Supamodol Ellie bilong Australia winim olgeta

London: Biknem modol bilong Australia, Ellie Macpherson i kamap olsem supa modol long wol long wanem em i winim olgeta modol long wol pe na ol samting em i gat.

Wanpela sevei o wok painimaut bilong Eurobisnis megesin i bin karimaut sevei long ol meri i luknais na i stap long modoling bisnis, hama mani ol i save

kisim na ol samting we ol i gat. Na megesin i painim olsem McPherson i bin kamap namba wan long lista wantaim ol pe na ol arapela samting em i gat olsem ol haus, ka na ol arapela propeti we pe bilong ol inap long Stg 21.56 milien (\$A54.32 milien)

McPherson i bilong Sidni, Australia na em i gat 35 krismas. Em i kamap namba wan taim

Sindy Crawford bilong Amerika i bin kamap namba tu wantaim Stg20.26 milien (\$A51.05) na Claudia Schiffer bilong Gemeni i bin kamap namba tri wantaim Stg 18.62 milien (\$A46.91 milien).

Euro bisnis megesin ripot i tok McPherson i bin yusim na lukautim gut mani we em i pulim long wok bilong em olsem nodol long planti yia.



Ron bilong Pasindia Sip September 1999


Vessel	Voy No.	Sailing from	Lae for:	Day	Date	Time
Nagada	437 A	Finsch/Lablab/Lae		Wed	1/9/99	4pm
Maneba	524 N	Lorengau (Mag)		Wed	1/9/99	4pm
Nagada	437 N	Fin/Sio/Wasu/Bali/Biliau/Mag		Fri	3/9/99	12nn
Rita	486 B	Fin/Lab/Fin/Lae		Fri	3/9/99	5pm
Rita	486 D	Oro Bay/Lae		Sat	4/9/99	8pm
Rita	487 N	Fin/Wasu/Mag/Wewak		Mon	6/9/99	9am
Mamose exp	626 N	Kimbe/Rabaul/Kimbe/Lae		Mon	6/9/99	3pm
Nagada	438 N	Finsch/Wasu/Long/Lok (Mag)		Tue	7/9/99	4pm
Maneda	525 N	Lorengau/West Coast (Lae)		Wed	8/9/99	4pm
Mamose exp	626 B	Fin/Lab/Fin/Lae		Fri	10/9/99	5pm
Nagada	438 S	Dogura/Lae		Sat	11/9/99	4pm
Mamose exp	626 D	Oro Bay		Sat	11/9/99	8pm
Mamose exp	627 N	Fin/Wasu/Madang/Wewak		Mon	13/9/99	9am
Rita	488 N	Kimbe/Rabaul/Kimbe/Lae		Mon	13/9/99	3pm
Maneba	526 N	Finsch/Wasu/ (Mag)		Tue	14/9/99	4pm
Nagada	439 A	Finsch/Lablab/Lae		Wed	15/9/99	4pm
Umboi	534 N	Lorengau (Lae)		Wed	15/9/99	4pm
Nagada	439 N	Fin/Sio/Wasu/Gali/Biliau/Mag		Fri	17/9/99	12nn
Rita	488 B	Fin/Lab/Fin/Lae		Fri	17/9/99	5pm
Rita	488 D	Oro Bay/Lae		Sat	18/9/99	8pm
Rita	489 N	Fin/Wasu/Madang/Wewak		Mon	20/9/99	9am
Mamose exp	628 N	Kimbe/Rabaul/Kimbe/Lae		Mon	20/9/99	3pm
Umboi	585 N	Finsch/Wasu/ (Mag)		Tue	21/9/99	4pm
Mamose exp	628 B	Fin/Lab/Fin/Lae		Fri	24/9/99	5pm
Mamose exp	628 D	Oro Bay		Sat	25/9/99	8pm
Mamose exp	629 N	Kimbe/Rabaul/Kimbe/Lae		Mon	27/9/99	3pm
Nagada	440 C	Dogura		Mon	27/9/99	4pm
Maneda	528 N	Finsch/Wasu/ (Mag)		Tue	28/9/99	4pm
Totoi	798 A	Finsch/Lablab/Lae		Wed	29/9/99	4pm
Umboi	586 N	Lorengau (Lae)		Wed	29/9/99	4pm
Nagada	440 D	Kandrian/Arawe/Lae		Thu	30/9/99	12nn

Ron bilong Kago Sip September 1999

Vessel	Voy no	Sailing from	Lae for	Day	Date	Time
Main Ports						
Maneba	524 N	Lorengau.....(Mag)		Wed	01/9/99	4pm
Wewak	358 N	Madang/Wewak/Vanim		Fri	03/9/99	10pm
Kuder	228 A	Madang		Tue	07/9/99	6pm
Maneba	252 N	Lorengau/West Coast (Lae)		Wed	08/9/99	4pm
Kuder	228 N	Madang/Wewak/Vanim		Fri	10/9/99	10pm
Wewak	359 A	Madang		Tue	14/9/99	6pm
Umboi	584 N	Lorengau (Lae)		Wed	15/9/99	4pm
Wewak	359 N	Madang/Wewak/Vanim		Fri	17/9/99	10pm
Kuder	229 A	Madang		Tue	21/9/99	6pm
Maneba	527 N	Lorengau (Lae) Dangerous		Wed	22/9/99	4pm
Kuder	229 N	Madang/Wewak/Vanim		Fri	24/9/99	10pm
Wewak	360 A	Madang		Tue	28/9/99	6pm
Umboi	586 N	Lorengau (Lae)		Wed	29/9/99	4pm

Vessel	Voy no	Sailing from	Lae for	Day	Date	Time
Small Ports						
Nagada	437 A	Finsch/LabLab/Lae		Wed	1/9/99	4pm
Nagada	437 N	Finsch/Sio/Wasu/Gali/Biliau/Mag		Fri	3/9/99	12nn
Umboi	583 N	Aitape		Mon	6/9/99	4pm
Nagada	438 N	Finsch/Wasu/Ion/Lok (Mag)		Tue	7/9/99	4pm
Nagada	438 S	Dogura/Lae		Sat	11/9/99	4pm
Maneba	526 N	Finsch/Wasu/ (Mag)		Tue	11/9/99	4pm
Nagada	439 A	Finsch/Lalab/Lae		Wed	15/9/99	4pm
Nagada	439 N	Finsch/Sio/Wasu/Gali/Biliau/Mag		Fri	17/9/99	12nn
Umboi	585 N	Finsch/Wasu/ (Mag)		Tue	21/9/99	4pm
Nagada	440 C	Dogura/Lae		Mon	27/9/99	4pm
Maneba	528 N	Finsch/Wasu/ (Mag)		Tue	28/9/99	4pm
Total	798 A	Finsch/Lablab/Lae		Wed	29/9/99	4pm
Nagada	440 D	Kandrian/Arawe/Lae		Thu	30/9/99	12nn

APEC bung strongim tingting bilong resis long ol wok bisnis



• Praim Minista Sir Mekere Morauta.

VERONICA HATUTASI i raitim

WANPELA bikpela bung bilong ol APEC memba kantri i wok long kamap long Nu Silan long dispela wik.

Na PNG i stap insait long dispela bung wantaim Praim Minista Sir Mekere Morauta i makim kantri.

APEC i sanap long Esia Pasifik Ikonmik Koperesen. Dispela i min olsem ol kantri insait long Pasifik na Esia rijen i wok bung wantaim long strongim na helpim wanpela arapela long sait bilong wok mani.

Bung i kamap nau long Oklen Nu Silan i makim tu namba ten krismas bihain long grup ya i kamap.

Twenti wan kantri long tupela rijen i

memba bilong APEC na PNG tu memba kantri. Bikpela na strongpela kantri olsem Amerika i stap tu insait long dispela grup.

APEC i save salensim na bungim wantaim ol lida, minista, ol bisnis man na komyuniti long wok bung wantaim bikpela tingting long apim sindaun na kamapim gut laip bilong ol pipel taim ol i strongim ol wok mani bilong kantri. Na insait long tempela yia operesen bilong APEC, sampela gutpela samting i bin kamap long ol memba kantri.

Wanpela em long fri na open tred namel long ol APEC memba kantri. Tu ol i daunim ol takis long baim na salim ol samting i go na i kam namel long ol memba kantri.

APEC em wanpela kain grup olsem long Esia na Pasifik rijen we i save promotim tred, invesmen na ikonmik divelopmen. Na em i bihainim rot bilong en

yat. Wanpela bikpela samting we dispela bung i lukluk long en long Oklen bung em long kompetisen o resis namel long ol wok bisnis. Bikos ol rekot i soi olsem ol bisnis we i gat wok resis bai go gut taim ol dispela i nogat i no ron gut. APEC rijen i savre karimaut moa long haf bilong wol tred na dispela grup i bikpela samting.

Praim Minista Sir Mekere Morauta long stap bilong em long APEC i askim na kisim ol toktok long gutpela sapot i kam long Nu Silan na Australia long wok mani bilong em (PNG). Na bikos Nu Silan i gat gutpela pren na wok bung wantaim long Wol Beng na Intenesenel Moniteri Fan, PNG i gat sans long karimaut ol toktok long kisim sapot long Nu Silan long skruim ol toktok long kisim helpim long tupela mani beng long wol.

COFFEE INDUSTRY CORPORATION LTD
INDUSTRY AFFAIRS DIVISION

PRAIS BROADCAST WAN WAN WIK

Weekly market prices.

				DATE:	06-09-99
SUMMARY				Serial No:	01.12.98/99
Average prices (t/kg) as at:		06/09/99	Range	30-08-99	August
ARABICA:					
Green Bean (Dis Lae)	Y1	392	370 to 410	384	375
	Y2	NQ	NQ	NQ	NQ
	X	420	390 to 470	414	406
	A	436	410 to 540	434	423
PARCHMENT:					
(Factory Door)	Class 1	277	220 to 300	270	257
	Class 2	240	210 to 260	246	237
	Class 3	200	190 to 210	226	222
Cherry: (Factory Door)	NQ	NQ	NQ	NQ	NQ
ROBUSTA:					
Green Bean		260	- to 260	260	252
Parchment		160	130 to 160	160	158
NEW YORK "C" CLOSING 03-09-99					
Other mild Arabicas					
US cents/lb		94.9		91.55	94.4
One Kina=US\$		0.329		0.345	0.365
Toea/kg:					
Without discount/premium		635.92		585.02	570.56
With discount by 16 cents/lb		535.41		489.17	475.03
Y-grade (Gross F.O.B. Lae)* 1		535.41		489.17	475.03
Levy on [1]	2	26.00		26.00	26.00
Y-grade (Net F.O.B. Lae)	1-2	509.41		463.17	449.03
Indicative*					

MAKET TOKTOK

Fiusa prais bilong kopi long mun Septemba long Nu Yok i surik i go antap gen long 4 pesen bihain long nius i kamap olsem bai ren i pundaun long Brasil.

Hia long PNG yet, f.o.b prais i surik i go antap long 8 pesen long dispela wik bikos strong bilong PNG kina i pundaun. Ol DIS na fektori dua prais i surik i go antap long 2 pesen na 3 pesen.

Ol i bungim fiusa prais na eksens ret na kamapim FOB prais. Tasol prais bilong ol wan wan ekspota i narakain.

Prices offered at factory door t/kg

PARCHMENT RANGE

AREA	Arabica			Robust	Cherry range
	CLASS 1	CLASS 2	CLASS 3		
National	220 to 300	210-260	190-210	130 to 160	NQ
Kainantu	- to 300	NQ	NQ		NQ
Goroka	- to 300	240 to 260	NQ		NQ
Kundiawa	NQ	NQ	NQ		NQ
Minz/Banz	270 to 280	- to 260	NQ		NQ
Mt Hagen	NQ	NQ	NQ		NQ
Wapenamanda	NQ	NQ	NQ		NQ
Lae	- to 250	- to 230	- to 210	NQ	
Aseki	- to 230	- to 210	- to 190	NQ	
Mumeng	NQ	NQ	NQ	NQ	
Wau/Bulolo	NQ	NQ	NQ	NQ	
Port Moresby	- to 220	NQ	NQ	NQ	
Madang	NQ	NQ	NQ	NQ	
East Sepik				130 to 160	

1. CIC Ltd-Indastri Afeas Divisen i save bihainim dispela mak long putim aut Maket Prais olgeta wik.
 2. Eksens Ret: Mande US Dola T/T mak bilong mani egens Kina long PNGBC.
 3. 1kg. = 2.20462 lb.
 4. Prais bilong kopi long dispela wik ikam long prais bilong olgeta espota na prosesa long Mande wantaim prais bilong ol fiusa prais long las Fraide.
 5. Long kisim moa toksave long dispela, askim Indastri Afeas bilong CIC long telepon namba 732 1266.

Rot bilong kilim ol demdem

DISPELA bikpela demdem bilong Afrika em i wanpela birua nogut tru long sampela nambis ples long Papua Niugini.

Dispela ol demdem i save bagarapim ol kumu na planti arapela kaikai long gaden. Bipo i nogat dispela demdem long Papua Niugini, tasol ol Siapan i bin bringim i kam long kaikai long taim bilong woa.

Sapos dispela demdem i kamap pinis long hap bilong yu, bai yu ino inap rausim gen. Tasol i gat tripela rot istap bilong yu bihainim na bai dispela demdem i noken bagarapim tumas gaden bilong yu.

Namba wan. Igat wanpela kain demdem i stap. Em i save

kaikai kiau bilong bikpela demdem bilong Afrika. Painim dispela demdem na putim long gaden bilong yu. Askim didiman bilong yu sapos yu laik traim dispela rot.

Namba tu. Putim marasin. Yu ken aim dispela marasin long didiman stua o yu yet i ken wokim.

Long wokim dispela marasin, kisim samting olsem wan kilo sodas na wan hap kilo simen paura na 10 grem metadihid (methadehyde). Yu ken baim metadihid long didiman stua o marasin stua.

Miksim tripela samting wantaim na mekim i kamap liklik bal o liklik blok. Putim long ples kol

na bai i drai na strong. Strong pinis orait putim arere long gaden, o brukim i kamap paura na putim arere long gaden.

Narapela rot em long kisim ol demdem ya na givim long ol pato, kakaruk o pik long kaikai.

Long givim long pato, brukim sel bilong demdem, memeim na givim olsem tasol. Long givim long kakaruk, brukim sel, kukim, drain long san pastaim na givim. Long givim long pik, kukim na givim wantaim sel. Pik yet bai i brukim sel.

*I kam long:
Liklik Buk Infomesen Senta*



• Ol Manup pipel amasim lons bilong Savings na Lon Sosaiti. Long namel em Gavana bilong Beng bilong PNG, Wilson Kamit husat i bin ofiseli opim lons bilong sosaiti.

Strongim agrikalsa long Bogenvil long kirapim wok mani

VERONICA HATUTASI i raitim

SINGAUT i go long Nesenel Gavman long strongim wok agrikalsa long Bogenvil bikos dispela bai kirapim rot bilong wok mani long provins.

Presiden bilong Bogenvil Pipels Kongres Joseph Kabui i tok gavman bilong em bai givim bikpela helpim long kirapim wok ikonomi bilong provins.

Em i tok dispela em bai mekim long skruim wok agrikalsa we bikpela mani i stap long en.

Olsem na Mista Kabui i singaut long Nesenel Gavman long givim moa helpim long dispela sait na tupela level, nesenel na provinsal gavman i ken wok olsem patna long skruim wok.

Mista Kabui i tok maski long Panguna main bikos em i as bilong ol hevi long ailan na em i moabeta long em i stap pas.

Em i tok i moabeta long provins i strongim na skruim wok agrikalsa. Na ol pipel long provins i ken save tu olsem provins i ken pulim bikpela mani long agrikalsa na i no maining tasol.

Em i tok taim ol wok na projek bilong painim gutpela sindaun na stretim ples i go het long ailan, gavman bilong em i givim bikpela tingting tu long kirapim bek ol wok bisnis long ailan.

Em i tok tu olsem em bai strong long kirapim na skruim iko turisim insait long provins.

Em i tok Bogenvil i gat planti naispela samting we ol turis i ken go na lukim. Dispela em ol samting olsem naispela waisan nambis, ol bikbus na ol wara na

i moabeta provins mas strongim ikoturism.

Sampela long ol plen we gavman bilong em i gat em long givim bek ol bikpela plantesen long provins olsem Numanuma, Tolmanapu, Kurwina na Soroken i go long han bilong ol pipel na ol i ken wok long ol long kirapim bek agrikalsa bisnis na wok mani insait long provins.

Em i tok narapela projek we provins i ken kirapim bek em long kingdam faming we bipo long hevi, planti pipel i bin stap insait long en.

Em i tok ol dispela projek bai mekim i pipel i stap gut wantaim ol graun, bus na wara bilong ol.

Em i tok Bogenvil i gat planti samting long pulim mani long em. Em long kakau, kopra na ol samting insait ong bus graun na wara.

K1 CAN



**Pay K1
tasol**

**SAPOS OL SASIM MOA
GO LONG NARAPELA STOA**



Long bipo bipo tru long taim bilong tumbuna long hap bilong ples Kesengen long Upper Erap, tupela masalai i stap.

Wanpela i save stap long maunten Saguat na narapela i save i stap long maunten Suapmeng. Tupela save stap gut.

Tasol long wanpela taim Suapmeng i salim meri pikinini kam olsem long sait bilong Saguat long lukim ol wantok. Tupela kam raun pinis na i laik go bek, baga nogut i blokim rot na wetim tupela i stap.

Taim tupela kam kamap man ya i go tasol holim bebi bilong meri ya na pulim, na meri tu strong na pulim.

Tupela i wokim i go na brukim bebi long namel. Na hap bilong en man ya i kisim igo na hap mama yet i kisim igo.

Em wokabaut i go kamap long ples na stori long papa long samting i kamap.

Em i tokim em olsem man ya i kisim hap bilong bebi i go na em i kisim hap i kam.

Em nau long dispela taim tupela i kamap birua. Tupela laik kirapim bikpela pait namel long tupela yet. Man long Saguat i redim em yet: na digim hul.

Na Suapmeng tu ino surik long em, em tu i redim em yet gut. Em i planim sarat na tu redim kainkain samting bilong pait. Klostu pait i laik kirap, tasol wanpela maunten i stap namel long tupela i lukim tupela pinis na em tokaut.

Dispela maunten long tokples Kesengen em ol save kolim (efalak). Long tok pidgin em i min

Tupela maunten i laik pait



olsem "tokaut".
Tupela i redi tasol i go na bihain ol i lusim pait.
Nau tripela maunten ya i stap

yet. Sapos yu raun igo olsem long ples Kesengen bai yu lukim ol dispela samting we tupela i bin redim long pait i stap yet.

Blang T. Modi
Kesengen Erap
Lae
Morobe Province



Nem: Starnish Winzin
Adres: Las Malex St, P O Box 269, Bialla, WNB
Krismas: 19 (man)
Save laikim: Lukim pilai ragbi, go lotu, harim tok bilong papamama sindaun isi, raun long narapela provins, senisim potos na ol presen.

Nem: Willie Barnabas
Adres: Garu Plantation, P O Box 26, Kimbe, WNB
Krismas: 21 (man)
Save laikim: Go lotu, ridim Baibel, harim musik na painim wanpela meri long maritim.

Nem: Rogers Mathias
Adres: P O Box 335, Wewak, East Sepik Province
Krismas: 19 (man)
Save laikim: Pilai guitar, harim FM 100, lukim TV na raitim leta.

Nem: Daniel Poloepa
Adres: Warowow Apostolic Church, P O Box 655, Mt Hagen WHP
Krismas: 18 (man)
Save laikim: Autim Gutnius, raun long ol arapela provins na putim open ea prea, toktok wantaim pren na stori long tok bilong God, maritim wanpela kristen meri sapos God i laik.

Nem: Natalia Polel
Adres: Poro Communtiy School, P O Box 25, Aitape, Sandaun Provins
Krismas: 17 (meri)
Save laikim: Go long lotu, waswas long solwara, pilai volibol, painim pen-pren na bekim olgeta pas bilong ol lain i rait long mi.

Nem: Justin Seffie
Adres: Pasismanua Logging Camp, P O Box 146, Alivo, Kandrian, WNB
Krismas: 24 (man)
Save laikim: Lukim TV, harim Gospel musik, go lotu na raitim leta long ol pren.

Nem: Suar U. Ray
Adres: Premier Investments Pty Ltd, P O Box 88, Bluff Bare Camp, Kerema, GP
Krismas: 19 (man)
Save laikim: Pilai ragbi, wokim fani wantaim ol pren, harim musik, serim ol aida na poromanim ol arapela man-meri.

Nem: Bimpia Tangi
Adres: P O Box 595, Lae, Morobe Province
Krismas: 19 (man)
Save laikim: Harim gospel musik, go long lotu, wok bung wantaim ol lida long kamapim gutpela sindaun insait long komyuniti, na painim ol pen pren husat i save poret long sakim lo bilong God.

Nem: Jerome Y. Nungumangi
Adres: Nagum Top Up Primary School, P O Box 54, Wewak, ESP, PNG
Krismas: 17 (man)
Save laikim: Stadi, pilai soka, wokim pani, ridim Wantok Niuspepa, Lukim vidio na laik wokim planti pren.

Nem: Samuel Sinau
Adres: Menyamya, P O Box 29, Morobe Provins
Krismas: 19 (man)
Save laikim: Pilaim musik, harim musik, serim tok bilong God wantaim ol pren na go long lotu.



LAIPLAIN

Taim mi stap ovasis long wanpela fil trening kos, meri na pikinini bilong mi i go stap wantaim ol papamama na hauslain bilong mi.

Wanpela taim papa bilong meri bilong mi i sik na em bin lusim pikinini wantaim ol lain bilong mi na em go lukim papa.

Em bin stap wantaim famili bilong em long wanpela wik. Wanpela moning taim bebi i kirap, em krai nogut tru na mama bilong mi i belhat.

Em i tromoi toktok long meri bilong mi olsem em i wanpela les meri na i moabeta long em i lukautim pikinini billong em.

Tasol sampela lain i harim dispela hap toktok na tokim ol papamama bilong meri bilong mi. Ol i kisim bek pikinini meri bilong ol na ol laikim em long go bek stap wantaim ol lain bilong mi.

Mi wari long meri na pikinini bilong mi

Bikpela kros-pait i kamap namel long ol na nau famili bilong em i laikim em long lusim mi.

Mi ting olsem hap long dispela hevi em mi no mekim hap peimen long baim meri bilong mi. Mi laik go bek long ples na stretim dispela ehvi tasol ol bos bilong mi i no larim mi.

Mi stap wantaim wari na sori bikos meri na pikinini bilong mi i no moa stap wantaim mi.

DESPONDENT

PREN

Mipela i no klia sapos liklik kros samting olsem inap kamapim ol toktok long brukim marit. Tasol tingting bilong yu i mas tru ya taim yu tok bikos yu no baim meri bilong yu, em i mekim hevi i go bikpela. Sapos famili bilong meri i kos long dispela samting, sm i givim ol ekskius long kisim bek pikinini bilong ol.

Sapos yu laik stretim dispela hevi, moabeta yu lukluk na mekim samting long toktok we mama bilong yu i wokim na tu long baim meri.

Watpo na yu no pinisim peimen long meri bilong yu? Yu gat inap mani tu long baim meri? Sapos nogat, famili bilong yu bai helpim yu?

Taim yu askim long spesel liv long go long ples, yu bin mekim

klia long bos bilong yu watpo tru na yu laikim kisim dispela spesel malolo ya?

Mipela i ting olsem ol bos i save larim ol woklain bilong ol i go long malolo wantaim nogat pe sapos bikpela samting olsem dai, wanpela famili memba i sik o karim ol kain hevi olsem. Ating yu sem long toksave long bos bilong yu long ol haus wari bilong ye yet tasol wanem samting bai kampim moa hevi long pilim sem o lusim meri na pikinini bilong yu?

Mipela i luksave long wari bilong yu olsem, yu no stap wantaim meri na pikinini na taim yu kam bek yu no painim ol, na yu wari.

Mipela i tingting planti tu long meri bilong yu tu bai pilim olsem wanem. Yu rait i go pinis long en na askim em long kam bek long yu? Yu tokim em tu olsem yu laikim em na pikinini na yu laikim ol mas stap wantaim yu?

Ating bikos yu no baim meri bilong yu na em i kisim tingting olsem yu no laikim em. Tingim, meri i mas pilim olsem man bilong em i laikim em na luksave long en na lukautim em long sait bilong mani, kaikai, haus samting na tu long laik pasin.

Sapos yu wokim olgeta peimen long meri bilong yu, em

bai strongim luksave long laik bilong yu long meri.

Yu bin rait na tok olsem yu sori long toktok we mama bilong yu i bin tromoi long meri bilong yu? Inap mama bilong yu i tok sori tu long en?

I moabeta sapos famili bilong yu na meri bilong yu i bung wantaim na toktok long ol arapela samting we i kamapim kros-pait, wari na hevi namel long ol. Ating i moabeta sapos wanpela pasto o lida i ken helpim yupela i luksave long abrusim hevi na kamapim belkol na belisi pasin. Na yupela i ken go hetim gut laip bilong yupela.

Mipela i bilip olsem sampela long ol tingting we mipela i autim bai helpim yu long tingim ol rot long daunim hevi bilong yu.

LAIPLAIN

Sapos yu gat hevi, rait i kam long dispela adres: **LIFELINE, P O Box 6047, Boroko,**

NCD. Yu ken ringim mipela long tripon namba 3260011. Taim yu rait, putim trupela nem na adres bilong yu bikos bai mipela i salim bekim long pas bilong yu.

Bai mipela toktok long ol wari na hevi bilong yu tasol mipela i no inap long putim aut tru tu nem bilong yu.

KANAGE



Kanage wantaim meri bilong em i go long klinik long ples Wirik. Taim nes i lukim misis Kanage em sori nogut tru bikos misis Kanage i no save spesim gut ol pikinini na ol i wok long hipim i go antap tasol.

Nes i toktok long misis Kanage pinis na em tanim bek long Kanage na tokim em, "lapun, yu mas traim na givim spes long ol pikinini bilong yu. Gutpela long yu mas yusim kondom ah."

Kanage harim na sikirapim het long ai bilong planti manmeri long haus sik na em bikmaus long nes olsem, "Papa bilong yu kamapim yu wantaim kondom ah, harim ol tumbuna bilong mipela long bipo ino save yusim dispela kain gumi o raba o plastik nabaut ya.

Dispela gumi ya i no save givim rait filings." Nes i paul long toktok moa na rausim Kanage wantaim meri bilong em i go ausait long klinik.

Rodney Noupra Ambunti

Kanage i save go wok na taim ol pikinini i bikhet long haus, meri bilong em save kilim ol nogut tru. Wanpela taim Kanage i go wok tasol

em pilim sik na kam bek long haus. Taim em i kam bek, em lukim meri i kilim nogut tru wanpela pikinini bilong tupela. Kanage i belhat na Inglis long meri bilong em, "yu rabis, use your common sense".

Taim meri bilong em i harim, em ting Kanage i tok nogut long em na em bikmaus long Kanage na tok, "yu yet kaikai".

Dreadzil Wai Finsafen

Kanage wantaim ol poroman bilong em i dring spak i stap na bia i pinis. Olsem na wanpela poroman i kirap na kisim OMO, Mavolin na spre bilong skin na tok, sapos yumi miksim dispela bai yumi ken dring na spak i go tulait.

Kanage i lukim dispela na bel bilong em i nogut na em tok, "yupela laik giaman na kilim mi ah. Mi no inap dai na lusim meri pikinini bilong mi. Sapos meri na ol pikinini bilong mi i dai pastaim em orait bikos mi yet i ken karim ol na planim ol."

Kanage i tok moa olsem, "mi no laik bai mi dai pastaim na narapela man i maritim lewa meri bilong mi na kamap papa long ol pikinini bilong mi. Sapos mi dai na wanpela man i maritim meri bilong mi na papa long ol pikinini bilong mi, bai mi wetim dispela man long heaven. Sapos em i kam, bai pait i bruk long hap rot na bihain mitupela i ken go kamap long kot". Taim ol poroman bilong Kanage i harim dispela, ol i lap i go na bel bilong ol i pen nogut tru na spak bilong ol tu i pinis nating.

Masta Wai Mosbi

Kanage i save wok long haus bilong masta. Em i no save long toktok long telepon olsem na em i no laikim tru bai telepon i krai taim masta i no stap long haus.

Wanpela taim masta i go aut na



JADA 199!

Kanage yet i wok long haus i stap na telepon i krai. Kanage i pret long toktok long telepon olsem na em larim telepon i krai longpela taim nating.

Tasol bihain em i tingting i go na em i go holim telepon na bikmaus. "Yu tok." Na man long telepon i tok, "Raka i stap?" Na Kanage i bekim, "em i no tap." Man long telepon i harim na askim gen, "yu tok wanem?". Na Kanage i tok "em tu i no tap."

Masta Wai Mosbi

Kanage i go lukim bikipela singsing long Watabung na ai bilong em i pas tru long wanpela meri Simbu i bilas stail tru na danis i stap. Ai bilong Kanage i pas long meri ya i go na taim meri ya i lukluk i kam long Kanage, Kanage brukim ai na smail long meri ya.

Tasol meri Simbu i kirap na tokim Kanage, "tu bed". Kanage harim na ron i go long haus na wokim tupela naispela bet bilong slip na tekov i go bek long ples bilong singsing. Taim meri ya i lukim Kanage gen, Kanage i kirap na tokim meri ya, "yu tok ya, mi wokim tupela bet pinis". Taim meri ya harim em tokim olgeta manmeri na ol i lap nogut tru long Kanage na Kanage kisim bikipela sem nogut na tekov i go bek long ples bilong em long Henganofi.

Samson Oumba Goroka

Kanage bilong Sepik na em i go raun long Mosbi. Em i go long Gerehu na lukim wanpela yangpela meri Papua i sanap kaikai ais krim na em waia lus olgeta long meri ya.

Em kirap tasol na tok isi long meri

ya olsem, "ah sori lewa, yu kering it ya". Meri Papua harim na belhat na bekim, "what carrying it, you dirty pig." Taim Kanage harim em bekim isi gen, "thats okey, never mind, but you carrying it tru tru."

Meri Papua harim na lus long dispela hap.

Harry Bainor Lae

Ol manmeri long ples i pasim tok long baim tupela pik bilong mekim bikipela kaikai long ples. Ol i tok long baim pik bilong ples na tupela yangpela meri i tok long ol i mas baim pik susu.

Kanage i sindaun harim na em bekim, "harim ah, yumi ken baim pik bilong ples na tanim i go kamap pik susu. Em i no hat." Taim yumi baim pik bilong ples i kam, tupela meri ya bai bekim susu bilong tupela long nus, pes, ia na maus bilong pik bai pik i tanim kamap pik susu." Taim olgeta manmeri i harim, ol i lap nogut tru na tupela meri ya i kisim bikipela taim tru long toktok bilong Kanage.

Tuckwell Tundema Lae

Ol manmeri i wok long kros long nupela misin i kam long ples bilong ol olsem na bikipela toktok i kamap. Kanage i sindaun na i no harim gut olsem na em i suruk i go klostu long harim gut as bilong toktok.

Taim em i kamap klostu em i harim gut olsem ol lain i kros long nupela misin i kam long ples bilong ol. Olsem na Kanage i kirap na bikmaus, "siaman, mi laik tok olsem, maski nupela misin na olupela misin, olgeta bai i go insait long gutpela kondom bilong ples antap."

Taim olgeta manmeri i harim olsem Kanage i tok kondom, ol i les long toktok moa na ol i lusim miting na go nabaut.

Tuckwell Tundema Lae

Kanage lusim haus na i go slip long bus wanpela wik olgeta long painim abus. Long Sarere em go bek long ples na meri bilong em lukim olsem nogat abus na em kros nogut tru na tok, yu westim taim long slip long bus na nogat abus olsem wanem?. Kanage pilim nogut tasol em tokim meri bilong em olsem, "Mande mi sit nating, 2 de mi sit nating, 3 de mi sit nating, 4 de mi sit nating, Fraide mi sit nating na Sarere mi kam kamap, yu orait ah laka?". Meri nogat toktok na paul olgeta na ino moa toktok long Kanage.

Francis Wapia Yaka Goroka

Kanage wantaim pikinini i go waswas long wara na junia i rausim trausis na kalap pas long wara na waswas. Bihain em tokim paps Kanage, yu rausim spot wea na kam long wara. Kanage isi tasol rausim spot wea na pasim namel bilong em tupela han wantaim na wokabout isi i go long wara long waswas. Taim em i go sindaun long wara, junia i askim em, "paps, yu haitim wanem samting long han bilong yu ya?". Na paps Kanage kirap na tok, "mi haitim tisa bilong mama ya. Sampela taim em i save skulim mama long toktok bilong ol masta ya." Junia i harim na paul olgeta na em tokov pas i go long haus na Kanage i stap yet long wara na pilim bikipela hevi olgeta bikos junia bai i go na askim mama

bilong em gen long haus.

Saki Simpson Kainantu.

Kanage wantaim liklik junia i stap na Kanage i save hait na pren wantaim wanpela meri. Meri ya i gat wanpela pikinini meri tu na man bilong em i dai pinis. Tasol junia Kanage wantaim pikinini meri bilong meri ya i save pren hait tu long mama papa bilong tupela. Wanpela taim Kanage i lukim tupela i hait na gris istap na em i go na krosim tupela nogut tru. Em i tok long tupela ino ken pren moa. Kanage i tokim junia, hau bai yu prenim susa bilong yu gen?". Na junia Kanage kirap na tok, "paps, yu save mekim ol samting wantaim bagarap na mi save mekim ol samting wantaim sikirap bikos taim bilong yu em pinis na nau em taim bilong mipela." Kanage harim na nogat toktok olgeta na em tok, "go het son."

Robert Timothy Maprik

Ol yangela manki long Wewak i wok long smokim mariwana i stap taim paps Kanage ikamap. Ol i lukim Kanage na askim sapos em i laik pulim liklik. Kanage lap tasol na tokim ol, taim mi yangpela, mi save kilim ol traipela bikipela bandol smok ya. Ol boi larim em smok na pinisim na kalap antap gen long narapela i go na em aut olgeta na pundaun slip. Em nau ol boi i kirap tasol rausim olgeta su, han was, het na mani bilong em long poket na tekov nabaut.

Rodney Noupra Ambunti

KANAGE

"Em nau, narapela wik bilong mi ken?"



Kanage bilong Sepik. Em wok olsem distrik mensa long Lake Kapiago distrik opis insait long Sauten Hailans Provins. Kanage pren-im wanpela meri Hakini.

Wanpela fotnait Fraide pren meri tokim Kanage i kam raun tasol long mun pilai long nait.

Tasol manki Sepik em ino save long mining bilong mun pilai, olsem na kanage dring spak tulait long Koya Kuria klab.

Long moning Kanage ai ret wantaim raun long Lake Kapiago maket. Long geit stret ai bitong manki Sepik i pas long nil kapok bilong Hailans. Tasol meri ya i lap tasol tokim Kanage olsem, meri Lake Kapiago mipela ino save long tok giaman.

Manki Sepik yu save tok yu man bilong kilim pukpuk long mun lait em yu wokim maus wara long mi ya. Mi ting tru olsem tokim yu ikam long mun.

Nau em yu nogat moa sans.

Sanis bilong yu em pinis long aste nau em nupela de bilong mi long painim nupela man.

Trangu kanae belhat nogut tru long ol Sepik pren bilong em

Apisa Ole Lake Kapiago

Kanage save wok kapenta tasol em risain na em igo stap long ples bilong meri bilong em.

Wanpela bisnisman tokim kanage long wokim haus bilong em. Lapun tambu bilong em helpim em na tupela wok wantaim. Wanpela taim long bik moning tupela karim ol tuls na go long wok.

Tasol tupela lus tingting long karim lain level.

Lain level em ol kapenta save yusim long makim ol timba mas stap stret tasol ino nap krukut. Kanage salim tambu bilong em igo bek long haus na kisim lain level. Trangu lapun tambu bilong em siksti go bek long haus tasol em paul pinis long kolim lain level.

Em igo kamap long haus na askim meri bilong Kanage olsem, mi laikim samting bilong man bilong yu igat wara insait. Misis Kanage paul olgeta na askim papa bilong em. Wanem samting bilong man bilong mi igat wara insait?

Tasol papa bilong em strong yet na askim pikinini bilong em. Em ya samting bilong man bilong yu igat wara insait ya. Taim em makim save stap stret ya.

Misis Kanage ron igo sekim long bikpela tul box ya lain level stap yet na em karim igo long papa bilong em na askim em. Tambu bilong yu salim yu kam long lain level?

Papa bilong em tok, yes ya tambu salim mi kam long kisim lain namel ya.

Em kisim siksti igo bek long wok.

Apinun tupela pinis wok i kam bek Misis Kanage stori long Kanage na tupela kilim skin long lap.

John G Kera Badili POM

Wanpela taim Kanage i stap long Aseki na em i askim ol man long Aseki long go long Menyamy. Ol man i soim rot i go long Menyamy pinis.

Kanage i wokabaut i go antap long kol maunten na malolo na semtaim em i hangre nogut tru.

Kanage i kirap isi tasol na wokabaut i go daun long Sikong. Taim em kamap long Sikong em kaikai skon. Kanage i hangre yet em ino pulap. Em i wokabaut i go daun long Pinake. Na taim em kam long Pinake em i kaikai pinat. Em i kaikai na pulap. Na dispela taim Kanage i painim wara tu long



waswas.

Taim em igo na kamap long Pispon em i waswas. Em i wokabaut yet igo moa yet na kamap long Ami. Taim em kamap long Ami em i werim Ami siet na Ami trausis. Em i wokabaut igo moa yet na igo kamap long zipa. Taim em kamap long zipa, zipa bilong trausis bilong kanage i lus igo daun. Em i wokabaut igo moa yet na igo kamap long Pinisim. Taim em kamap long Pinisim em i wokim samting stret.

Betty Tainas Bulolo

Kanage em wanpela singel papa. Na kanage tu em strongpela paps ya. Na paps Kanage digim kaukau igo maket long Lae.

Na paps kanage em i kam long Lae maket paps kanage em amamas nogut tru bikos nogat kaukau long maket. na em maketim kaukau bilong em na ino isi long rekim ol mani long kaukau em i kisim 20 kina, 10 kina, 5 kina 2 kina tasol. Em i foldim mani bilong em gut tru na sevim igo insait long masis boks. Na paps Kanage turangu pekpek i kilim em tru na dastim igo insait long tolet. Paps kanage putim trausis igo daun long ni bilong em na pekpek istap wanpela 2 kina meri kam soim anda kout na Kanage kalap na tok u-u wet mi-i pekpeki long yu-u bihain logo mi ya. na 2 kina meri ikam holim pas long paps kanage na kisim liklik masis boks paus bilong kanage na tekov.

Dereke Gamuso Goroka EHP

Kanage em bilong K.4.9 Kuka long Goroka na bro bilong em long Sankamap long Buka tupela save pasguit na raun. Na tupela i save raun long en tupela i save putim sikin long wanpela marit meri. Na tupela save daunim bikpela sipet na long apinun long taim olsem long (6.pm) tupela igo wet long haus bilong en. Na man bilong en tekov long wok nait na tupela wet istap igo 10 kilok na kanage i laik go insait long haus na tokim em olsem

Yu bilak ya na mi no inap lukim yu. Yu mas opim lips bilong yu na bai mi ken lukim yu. Kanage igo insait long windo meri ya opim lait na silip pinis. Na Kanage putim han igo i kam em long bat rum em holim na skuksim traipela mama bilong pekpek em nogat samting long klinim na givim siksti igo autsait klinim long bus igo na bro bilong em opim maus bilong em gut istap na em ting wait pepa na kanage klinim antap long tit bilong em. Buka smelim na givim gut wan long Kanage. Kanage pundaun istap na Buka tekov.

Drex Gamuso Gipe Goroka, EHP

Kanage i save stap long Kimi. Em bin feillim grade six (6) bilong em long Kimi Komuniti skul na save planim kaukau long ples na stap. Tasol bikpela brata bilong em bin pasim grade 6 na go long grade 10 na winim scholarship long go long Australia. Em skul gut igo na em igo kamap wanpela bikman.

Em tingim Kanage gen na sore long em na baim tiket bilong em long go stap wantaim em long Australia. Kanage tu i kamap bikpela man tu na gat longpela mausgras. Long Australia Kanage i save go lukim ol waitman i pilai takol. Wanpela taim ol waitman isave pilai takol ya i sot long ol mangi ol singautim Kanage long go helpim ol.

Kanage igo helpim na pilai fowet bilong ol. Em kisim bal na siksti igo na ol holim strong long mausgras bilong em na em singaut olsem: "My mausgras, my mausgras." Ol waitman ino harim save english bilong em na ol holim strong yet na em go autsait long fil na ino kam bek.

Lore Tununto Goroka

Kanage maritim tupela meri na em ino save kros o paitim tupela meri bilong em. Em save lukautim tupela gut tru na ol save stap gut na hamamas tasol.

Tasol wanpela taim namba tu meri igat bel bevi liklik long namba wan meri na tupela kros na pait nogut tru na tupela wantaim kisim bikpela bagarap.

Wanpela vilis lida i lukim tupela meri pait na kisim bagarap olsem na em laik harim kot na stretim wari bilong tupela meri. Em singautim olgeta igo bung na vilis lida askim kanage, olsem wanem na tupela meri bilong yu pait na kisim bagarap?

Tasol Kanage tokim vilis lida. Mi no save long kros pait bilong tupela. Mi tu mi no save kros long tupela o paitim tupela liklik. Mi save lukautim tupela gut tru olsem pikinini bilong mi.

Yu traim askim tupela meri ya, tupela wari tru long wanem hap bodi bilong mi na tupela kros pait na kisim bagarap. Nau vilis lida askim tupela meri na namba tu meri autim wari bilong em olsem. Mi nogat kros long Kanage, long wanem em save lukautim mitupela gut tru olsem pikinini bilong em.

Tasol long Mande, Tunde na Trinde, tripela de olgeta Kanage ino kam long haus bilong mi. Em slip long haus bilong namba wan meri tasol. Em laik kam slip long haus bilong mi tasol meri ya save stopim em long kam slip long haus bilong mi. Em man

bilong mitupela wantaim. Wai na em save stopim em.

Mi no susa o mama bilong em? Long dispela as tasol mi kros na mitupela pait. Vilis lida harim na skelim olsem nogat gutpela as long sasim tupela meri na em tokim Kanage long noken spendim 2,3 naits long haus bilong wanpela meri tasol. Kot i pinis ol igo nabaut.

John Gambu Kera Badili POM

Kanage kirap tasol na itok, maski du o dai mi mas mekim kamap rabis plen bilong mi na sapos di kotim mi, mi ken igo kalabus. Bai mi wari long wanem samting. Olgeta samting long dispela graun mi long mekim pinis tasol wanpela tasol em nogat olsem na maski du o dai mi mas mekim nau.

Olrait Kanage wokabaut igo kamap long haus bilong ol yangpela meri di save silip long en. Taim em igo insait long haus, em ino holim ol bikpela meri nogat, em makim stret liklik susa bilong ol krismas bilong em olsem 14-15 yia. Kanage igo sindaun long baksait long liklik meri na putim traipela pekpek bilong kanage na em tekov long haus bilong em.

Neks moning na tulait na taim liklik meri ya em laik kirap stret, em krugutim pekpek bilong kanage na smel nogut kirap na bagarapim olgeta rum.

Ol bikpela susa kirap na painim aut pekpek stap long bet bilong liklik susa na smel. Olsem na ol i krosim em na em krai. Toktok igo bikpela long ples na Kanage tu em harim.

Olrait kanage igo long haus bilong ol yangpela meri ya tokim ol, dispela em liklik meri ya, sapos em mekim wanem samting yupela ino ken krosim em, yu mas stretim em. Kange giaman krosim ol bikpela susa olsem tasol, samting tru em igat laik long maritim dispela liklik meri ya. Taim Kanage toktok yet, em igo insait long haus kisim pekpek bilong em yet wantaim bet bilong liklik meri ya igo wasim long wara na karim ikam hangamapim long lain.

Yupela save, dispela em bikpela wok Kanage i mekim long komyuniti. Olsem na olgeta lain mama papa na ol kandre na brata susa bilong liklik meri painim hat long bekim. Olsem na olgeta ol i pasim tok long kanage maritim liklik meri. Taim kanage harim tok win, baga man ya kisim filings stret na tingting tasol na tok ating rabis plen bai igat kaikai. I stret kanage maritim liklik meri ya.

Vincent Oreia POM

Lotu Katolik wok long senis

Dia Edita,

Ol pikinini, givim mi spes long dispela niuspepa bilong yumi.

Ol pikinini mi Joakim gat 75 years na mi bilong Talasea, Wes Niu Briten provins.

Kamap long het tok. Yes brata, 75 yia laip taim bilong mi em mi lukim planti nupela senis nau i kamap long dispela kantri bilong yu na mi, ol nupela laip stail nau kamap. Sori bai mi stap arapela 75 krismas gen long lukim moa ol narapela kain senis gen? Maski em bilong nupela ol pikinini.

Yes dispela 75 krismas em mi stap insait tru long Katolik sios na mi gat strongpela bilip taim nau i wok long senis ol kain pasin tru bilong Katolik sios. Senisim ol kain sistem na pulim Katolik sios i go tru insait wantaim ol lain brata long Pentekostal sios.

O sori ol brata na sista Katolik yumi bihainim tru tru ol long wosip na ol songs em bilong ol yumi kisim pinis. Em i tru laka? Yes, em itu.

O, brata em kopim tru we em Karismatik nau i wok long en.

Sande moning lotu olsem Katolik igo long stret olsem ol brata Pentekostal sios i save wosip. Mi no save tru, wanem rot nau bai yumi go long en is o wes?

Mi nogat strongpela bilip long ol yangpela NGP pater, we ol ken kaikai buai drink na spak na em wanem nupela senis a?

Plis mi laikim tru yu husat inap tru long klaim tingting bilong mi long:

- (1) Karismatik em i wanem hap bilong Katolik sios
- (2) Em istap we tru na ikam
- (3) Karismatik em istap aninit long Katolik sios o long pentekostal lain
- (4) Dispela em Katolik Karismatik?
- (5) Sapos yes, na bilong wanem yumi no bihainim katolik wosip long prea long Rosari na ol arapela mein prea?

Long Talasea nau ol Karismatik lida ol i pilai nabaut long senisim bilip na nau namba bilong Katolik bai drop go daun na mi Joakim i bilip tru olsem long yia 2005 bai Pentekostal bai tekova tru sapos Karismatik inap pinis long hap long Talasea distrik Rosamastika givim bilong em gen, igo narakain moa yet.

Mipela ol lapun sindaun sori na maus i op tasol long ol yangpela wokim tru o giaman tasol. Em wari na sori bilong mi. Tenkyu *Wantok*.

Ian E Joakim
Talasea

Kimbe taun atoriti i save slek long wok bilong ol

Dia Edita,

Nem bilong mi em Wesley Kulep mi em wanpela manki blok.

Mi save stap long Kavui insait long Kimbe Wes Niu Briten Provins. Mi laik toktok liklik long hap 4 Kona taun bilong yumi Kimbe.

Olgeta taim mi save lukim 4 Kona taun bilong yumi i save pulap long pipia na spet buai long frant bilong stoa. Olsem wanem ating yupela ol taun atoriti yupela i save kisim mani bilong Gavman wansait na yupela ino save wokim stret wok bilong yupela. Yupela ino save lukluk gut long klinim taun bilong yumi.

Kimbe taun em i pulap long skin buai na semtaim tu ol kunai baksait long senta poin igo long rot i kam insait long taun.

Olsem wanem yupela ol taun atoriti yupela i gat gutpela tingting na save tu o nogat. Plis yupela mas tingting na wokim wok bilong yupela nau nogut i taim i sot.

Mi bin go long Hagen las wik na mi lukim Hagen em i klin nogut tru. Plis yupela ol Hagen yupela i save go aut long ol narapela provins na yupela i save wokim ol narapela provins i deti na nogut tru.

Plis inap yupela ol Hailans i stop long salim buai nabaut long frant bilong ol stoa. Yupela i brukim lo bilong ol taun atoriti na ol i save sotwin tru long ronim yupela long hap 4 Kona taun tasol ol ino save holim yupela.

Plis helpim taun atoriti long klinim 4 Kona taun Kimbe.

Ol aspies yupela tingting olsem wanem long taun bilong yupela taim ol Hailans i wokim olsem.

Yes ya wari traim na bihainim rul ol lo.

Sapos yu laik sapotim toktok bilong mi em laik bilong yu yet nau. Rait na mi lukim.

Wesley Kulep
Kimbe
WNB

Gavman mas helpim sios

Dia Edita,

Mi wanpela manki bilong Lake Kopiago insait long Sauten Hailans.

Tasol nau mi kam istap long Mala baibel skul.

Mi laik autim liklik wari bilong mi long ol gavman bilong Westen Hailans em olsem.

Yupela Gavman bilong WHP bilong wanem tru na yupela ino save sapotim ol mision liklik. Mi kam i stap long Hagen na sampela yia ago pinis. Tasol mi no lukim wanpela gavman i baim wanpela ka bilong wanpela sios, o mi no lukim wanpela haus lotu ol gavman i wokim bilong ol wanwan misinari o mision o haus bilong ol pasta.

Plis nau mi laik putim askim bilong mi olsem yupela gavman mas senisim tingting na stretim gutpela sindaun bilong ol wokman bilong God.

Buk baibel long Kolosi 2:2 itok olsem, Kraisi Jisas em yet i as bilong olgeta kankain save na tingting hait bilong yumi.

So save bilong yu em ino kam nating. Em tasol na God blesim yu. Sapos wanpela laik bekim yu ken bekim long *Wantok Niuspepa*. Tenkyu tru.

Nelson Koyawa

Ol memba i no helpim grasruts

Dia Edita,

Mi wanpela manki Makham long Lae, Wau, Bulolo das rot.

Yes mi laik autim liklik wari bilong mi i go long ol memba long Lae, Wau, Bulolo sait.

Yes komplem bilong mi olsem taim bilong vot ol i save kam na risim mipela ol grasruts gut tru long votim ol. Tasol mipela kristen lain i harim gutpela gris bilong ol na votim ol.

Na taim wanpela i kisim sit amamas bilong em ino isi, lukim ol meri na so of ino isi. Man mipela grasruts i singaut long helpim mipela ol ino save harim singaut bilong mipela.

Singaut long sios sait, komyuniti sait, na lukim hamas krismas nogat pawa lain long Lae igo long Bulolo. Na tok igo long husat i laik sanap long kamap memba harim lukim mani bilong yu inap long givim mipela wanwan husat ilaik votim yu bikos mipela no pik na dok long giaman mipela ol grasruts.

Tenkyu husat i laik sapotim mi, welkam tasol. Na bai mi lukim tasol liklik bel hevi bilong mi.

Bonna Etetang
Lae

Mosa kaunsel presiden mas helpim ol yut

Dia Edita,

Mi wanpela grasrut man na mi laik save, bilong wanem Nesenel Gavman katim mani i kam daun long lokol level gavman.

Mipela ol yut long Sarakolok mipela ino amamas tru long presiden bilong Mosa lokol level gavman Mista Paul Alimaka. Yut wokim bris long section 8 Lakimatta na opis long Sarakolok na i nogat wanpela tok save olsem bai ol i kisim mani.

Mipela laik soim tingting bilong mipela ol yut bilong Sarakolok long *Wantok Niuspepa* olsem.

Mipela ino laik Mista Paul Alimaka bai kisim autsait kontrakta bai kam wok insait long komyuniti bilong mipela.

Em tasol mi wanpela grasrut manki long Sarakolok.

K.F. Meva
Sarakolok

Nipa Kutubu memba nogat helpim

Dia Edita,

Mi wanpela grasrut manki long ples Mendi na nau mi kam stap long Kimbe Wes Niu Briten Provins. Nau mi laik autim wari na hevi bilong mi long memba bilong Nipa Kutubu open elektret.

Tru tumas mipela ol pipel long Nipa Kutubu elektret, mipela bai makim em memba bilong mipela insait long 25 yia memba ov palamen tasol em ino save bringim sampela developmen o sevis i kam long elektret bilong em yet. Mipela ino bin kisim sevis long taim mipela makim memba inap long 25 yia kam inap nau.

Dispela memba ating em isave go long ovasis na baim ol sia, haus, graun long benepit bilong em yet o

em i save maritim planti meri baim ekspensiv (ka dak glas) slip long hotel misyusim mani bilong pipel long Nipa Kutubu elektret long dispela sait mi no klia tumas. Baibel tu i save tok olsem, yu mas laikim ol arapela brata, susa olsem yu save laikim yu yet em i stretpela pasin na tu God i ken blesim yu long bihainim taim bilong yu. Em mi autim hevi we mi save wari tru long pipel long Nipa Kutubu elektret (las provins insait long yang kantri bilong yumi PNG).

Yu husat laik egensim mi o sapotim mi plis rait igo long *Wantok* na bai mi lukim.

Philip Brown
Suanda Ipis

Kaunsel bilong Westen Hailans bikhet tumas

Dia Edita,

Mi wanpela grasrut manki mi save raun olsem ol dok save raun tasol mi sori long ol papa na mama bilong mi.

Bikos kaunsel bilong mi yet em bin stap longpela taim liklik tasol em ino bringim wanpela liklik wok i kam insait long viles. Nau mi kam stap long ples na mi laik

salensim em long 95 elksen tasol em wokim tok baksait long mi grasrut so, yupela ting em wokim wanpela gutpela toktok o nogat?

Kaunsel nogat tingting bilong em bikos em tok baksait long mi. Brata na susa ol kaunsel bilong yupela tu save mekim olsem long viles bilong yupela tu olsem o nogat? Mi yet

mi ting olsem kaunsel bilong mi mas pulim mariwana na stiiim mani bilong gavman nating ya.

Yupela husat man o meri yu laik sapot long dispela yu ken rait ikam long program na mi ken amamas long lukim sapot bilong yu..

Iso Peru Andaino
Kerosine

Amamas long kwik mani bisnis

Dia Edita,

Mi ino wanpela gutpela man tasol mi i grasrut man na mi nogat wokmani na mi stap longpela yia nating long Mosbi siti.

Tasol, mi nogat wanpela gutpela sindaun na hamamas na mi stap hatlaip stret. Na mi painim liklik mani, mi baim kaikai na hap mi ting benk bai wokim sampela profit mani bilong mi bilong bihainim taim. Mi ting olsem na mi save putim sampela mani bilong mi long benk tasol benk ino save wokim gutpela profit mani, i save wokim lo long K10 tasol na i save holim nating na nogat wanpela gutpela wifn mani. Na i save westim taim bilong mi long wokim intres.

Tasol, dispela kwik mani skim, em i gutpela tru. Olsem na em i gutpela long helpim yumi ol grasruts. Tingim, long K80.00 insait long 28 de em i save wokim gutpela profit, K200 na long benk mi i no save, em i save wokim hamas.

Tasol, tingting na bilip bilong mi, em dispela kwik mani skim tasol i moa gutpela na yumi olgeta gutpela na nogut manmeri na pikinini yumi olgeta i gat mani,

em bai yumi stap hamamas na stap gut. Na dispela lo na oda hevi bai igo daun na gavman ino inap westim mani long dispela lo na oda hevi.

Olsem na plis, gavman bilong yumi nau long PNG i mas lukluk long ol na givim han na helpim ol na ol i mas ronim gut dispela skim. Sapos dispela skim i wok gut na olgeta manmeri pikinini ol i investim mani bilong ol na ol i kisim mani, ol bai stap hamamas na ol ino inap long tingim wanpela samting na ol bai stap gut. Na dispela lo na oda hevi bai igo daun. Igo daun ol turis o visas bilong narapela kantri ol bai hamamas long kam raun long kantri na karim gutpela nem.

Olsem na tingim. Bipo ol waitman ino kam taim, ol manmeri na pikinini ol i tingting long wokim gaden, wokim banis na lukautim pik na stap isi na kamapim kaikai na kaikai i kamap. Na ol i stap isi na kamapim kaikai na kaikai kamap na ol i kaikai. Tasol, nau ol waitman ol i kam wantaim mani na olgeta gutpela pasin bilong bipo i pinis na nau mani tasol i kamap namba wan long ai bilong olgeta

manmeri na pikinini. Olsem na nau yumi olgeta i wok long ronim mani tasol. Olsem na husat laip o sindaun bilong em i hat long painim kaikai na fidim em yet, nogat nau em i save tingting long wokim raskol pasin. Olsem na bikpela tingting bilong mi, gavman i mas lukluk na wokim gutpela rot long ol dispela skim na ol i ken operetim gut na helpim yumi. Na yumi olgeta i gat mani, kankain hevi bai ino inap kamap.

Em tasol long toksave bilong mi na yu husat brata o sista i laik sapotim mi o egensim mi, mi hamamas long harim yu.

Na tenkyu long harim bilong yupela.

Jerry Damaguta Walewaya
Boroko

Sapos yu laik salim ol pas bilong yu i kam long dispela niuspepa, Salim i kam long dispela adres:
THE EDITOR
WANTOK NEWSPAPER
PO BOX 1982, BOROKO, NCD.



BENK BILONG PAPUA NIUGINI

PABLIK NOTIS

Benk bilong Papua Niugini i mekim dispela toksave i go long ol pablik olsem Gavman bilong Papua Niugini em i no luksave long ol dispela lain Fast Mani Skims we ol i bin kisim tok orait pastaim long olpela Minista bilong Treseri, Mr. Iairo Lasaro long wok olsem benk;

- Coral Pacific International Ltd;
- U-Vistract Finance Corporation Ltd;
- Millennium Corporation Ltd; na
- Nekong International Investment Ltd.

Dispela kain wok bilong ol dispela schemes na husat scheme tu nem bilong en i no i stap antap, long kisim diposit moni, em i bikpela rong tru aninit long Lo.

NOKEN DIPOSITIM MONI BILONG YU WANTAIM DISPELA OL SKIMS.

Ol dispela skims i mas givim ol dispela reports i go long Benk bilong Papua Niugini:

- (1) Ol nem, adres na kontek namba bilong ol manmeri husat i go pas long dispela fast mani skims, em long ol prinsipel, promotas, dairektas, ofisas na agents;
- (2) Olgeta buks, records na akaunts;
- (3) Olgeta records bilong ol diposit moni ol i kidim pinis;
- (4) Olgeta records bilong ol disposit moni ol i baim aut pinis;
- (5) Olgeta benk accounts stetments; na
- (6) Olgeta records long ol mani ol i investim pinis na i stap yet long investment.

Ol dispela skims i gat tripela (3) mun i stat long dei bilong dispela notis long givim bek ol diposit moni bilong pablik.

Olgeta prinsipels, promotas, dairektas, agents na ofisas husat i givim olgeta dispela infomesen em Benk bilong Papua Niugini i askim long en na givim bek olgeta ol dispositas insait long tripela mun bai i no inap i go long kot.

Ol dispela skims i mas opim wanwan Benk akaunt tasol wantaim wanpela komesel benk insait long Papua Niugini we ol i mas dipositim olgeta moni ol i gat na bai ol i kisim long bihain taim.

BENK BILONG PAPUA NIUGINI



Wiken Spot Dro

PORT MORESBY SOCCER ASSOCIATION DRAW

Saturday 16th September 1999

Thursday 16th

BISINI 1		
0800	M1	WM1 Togelu vs Verave
0920	M1	Nomads vs City Kings
1040	M1	Bau Futz vs Dobo Murika
1200	M1	Wanzesi vs M. Gaindu
0120	M1	Cyclone vs Bao Mita
0240	M1	Sobou vs SPB
0400	M1	Bulolo Mocs vs Nisco
BISINI 2		
0800	M1	YM2 vs Pom United
0920	M1	Tawala vs Murat
1040	M2	Dolos vs Korian
1200	M2	Muma vs Don Bosco
0120	M2	W. Heights vs M. Kayaks
0240	M2	City Kings vs Kula
0400	M2	Mukaso vs Cyclone
UNIVERSITY		
0800	M2	SPB vs Kutu
0910	M2	Eda Ranu vs Bavaroko
1020	M2	RB West vs Naniu
1130	U19	Adau vs Tarangau
1240	U19	Momase vs Guria
0150	U19	Bavaroko vs Telekom
0300	U19	Kurti Andra vs ICF Uni
STEAMSHIPS		
0830	U19	M. Gaindu vs Rapatona
0940	U19	Bao Mita vs Defence
1050	U19	Nisco vs IBS PS United
1200	U19	Blue Kumul vs TST Babaka

Saturday 18th

BISINI 1		
0800	M1	Wanzesi vs Bau Futz
0920	M1	Cyclone vs Nomads
1040	M1	Sobou vs WM1 Togelu
1200	M1	Bulolo Mocs vs Verave
0120	M1	Nisco vs Bao Mita
0240	M1	YM2 vs City Kings
0400	P	Blue Kumuls vs Tarangau
BISINI 2		
0800	M1	SPB vs Murat
0920	M1	Tawala vs Dobo Murika
1040	M1	Pom United vs M. Gaindu
1200	M2	M. Kayaks vs Kula
0120	M2	Korian vs Kutu
0240	P	ICF Uni vs LBC Defence
0400	P	Cosmos vs Adau
UNIVERSITY		
0800	M2	Muma vs RB West
0910	U19	Tarangau vs Bavaroko
1020	M2	W. Heights vs Eda Ranu
1130	M2	City Kings vs SPB
1240	M2	Mukaso vs Naniu
0150	M2	Bavaroko vs Dolos
0300	W2	City Kings vs Rapatona
INSERVICE COLLEGE		
0830	U19	Cosmos vs TST Babaka
0940	U19	Pom United vs Blue Kumuls
1050	U19	Momase vs Adau
1200	U19	Bavaroko vs Tarangau
0110	U19	Kurit Andra vs Guria
0220	U19	Bao Mita vs ICF University

Sunday 19th

BISINI 1		
0800	R	Blue Kumuls vs Tarangau
0920	R	Cosmos vs Adau
1040	WR	Adau vs Tawala
1200	W2	W. Heights vs IBS PS United
0120	W2	M. Gaindu vs Pom United
0240	W2	ICF University vs Kula
0400	P	Telekom vs Guria

BISINI 2		
0800	R	ICF Uni vs LBC Defence
0920	W2	Cyclone vs Cosmos
1040	W2	Bomana vs Murat
1200	R	Rapatona vs K. Andra
0120	R	Babaka vs PS United
0240	P	Rapatona vs K. Andra
0400	P	Babaka vs PS United
UNIVERSITY		
0800	M2	Dolos vs Cyclone
0910	M1	WM1 Togelu vs Murat
1020	M1	Bau Futz vs Nisco
1130	M1	City Kings vs Cyclone
1240	M1	Verave vs Nomads
0150	M1	Sobou vs YM2
0300	M2	City Kings vs RB West
STEAMSHIPS		
0830	U19	Cosmos vs Rapatona
0940	R	Telekom vs Guria
1050	U19	Bao Mita vs Guria
1200	U19	K. Andra vs Adau
0110	U19	M. Gaindu vs Tarangau
0220	M2	Naniu vs Kutu

Monday 20th		
0430	M2	Don Bosco vs Bavaroko
B1		
0430	M2	Dolos vs Eda Ranu
B2		
Tuesday 21st		
0430	M2	Muma vs SPB
B1		
0430	M2	W. Heights vs Mukaso
B2		
Wednesday 22nd		
0430	U19	Nisco vs Defence
B1		
Thursday 23rd		
0430	U19	IBS PS Utd vs Pom Utd
B1		
0430	U19	Cosmos vs Telekom B2

PMSA Points Ladder

TEAM	P	W	L	D	F/F	BYE/G/F	G/A	PTS
Premier Division								
Rapatona	17	12	4	1	2	34	12	43
Babaka	17	10	3	4	2	39	19	40
PS United	17	9	3	5	2	31	14	38
B/Kumuls	17	9	4	4	1	29	15	37
Defence	18	10	4	4	1	29	15	37
ICF Uni	18	7	4	7	1	36	24	31
Momase	18	5	4	9	1	38	21	27
Cosmos	18	6	7	5	1	24	23	26
K/Andra	17	4	10	3	2	25	35	22
Tarangau	16	4	9	3	2	18	23	21
Guria	17	4	9	5	1	17	23	20
Adau	18	4	9	5	1	17	23	20
Telekom	18	1	16	1	1	9	44	7
Reserve Division								
Defence	18	12		6	1	29	15	45
Momase	18	9	2	5	1	24	10	38
Rapatona	17	9	5	3	2	25	12	36
Babaka	17	8	6	3	2	31	19	33
Tarangau	16	8	6	2	2	20	15	32
University	18	7	7	2	2	30	19	32
B/Kumuls	17	5	2	10	2	21	13	31
Guria	16	7	5	4	1	25	23	28
Cosmos	18	4	6	7	1	26	21	25
Telekom	18	5	10	3	1	25	25	21
PS United	17	3	10	4	2	17	28	19
K/Andra	17	1	8	8	2	14	19	17
Adau	18	3	2	3	1	9	29	15
Mens One Division								
Tawala	25	15	2	8		41	26	53
Sobou	23	14	4	5		31	19	47
SPB 1	23	13	3	7		46	16	46
Verave	21	13	2	6		42	19	45
YM2	25	10	2	12	1	32	18	45
Normads	24	11	4	9		33	15	42






Archie Mai soim awot bilong em taim em pilai long Spika's kap.

Bulolo M	28	8	8	12		15	16	36
P/United	23	8	8	7		33	24	31
Cyclone	24	8	7	8	1	23	20	35
Bau Futz	23	8	8	7		33	24	31
Wanzesi	25	7	11	6	1	30	28	30
Bao Mitas	24	7	9	8		32	27	29
Nisco	21	5	8	8		24	21	23
Murat	22	5	10	7		17	27	22
M/Gaindu	21	5	10	6		18	29	21
Togelu	24	4	13	7		14	28	19
D/Morika	24	3	12	9		19	35	18
CT/Kings	21	3	13	5		12	34	14
Mens Two Division								
Korian	24	17	2	5		52	16	56
Kula	24	14	4	6		36	14	48
Eda Ranu	20	13	4	3	1	34	12	45
Mukaso	21	12	5	4		31	15	40
Naniu	21	10	2	9		15	14	39
Don Bosco	19	9	7	3		26	26	30
Dolos	20	8	10	4		20	26	28
M/Kayak	23	7	12	4		25	40	25
CT Kings	21	6	10	5		15	24	23
RB West	21	5	9	9		19	30	22
SPB 2'	22	5	11	6		22	26	21
W/Heights	22	4	9	9		19	21	21
Cyclone II	22	3	9	10		14	24	19
Kutu	22	2	18	2		15	52	8
Women One Division								
Telekom	18	13	1	2	2	52	2	47
ICF Uni	18	10	6	2		31	5	42
Tarangau	19	10	6	3		25	13	33
Wau/Togelu	17	8	1	8		19	10	32
Babaka	18	7	3	7	1	18	10	31
Defence	16	6	2	8		18	14	26
Guria	15	4	7	4		12	22	16
Sobou	19	2	7	10		7	14	16
Naniu	17	1	10	5	1	5	20	11
B/Kumuls	17	2	11	3		10	31	9
Wanzesi	16	2	11	3		10	31	9
Normads	18	1	14	3		6	42	6
Women Two Division								
Cyclone	17	14	2	1		39	5	43
Cosmos	17	11	2	4		24	6	37
Murat	18	9	5	2	2	21	10	35
Rapatona	21	8	4	8	1	28	13	35
Kula	17	9	4	3	1	25	3	33
Tawala	19	7	5	5	2	15	11	32
PS United	18	9	5	4		15	10	31
Adau	17	8	4	4	1	22	13	31
P/United	17	4	8	4	1	11	16	19
B/Kumuls	17	4	7	6		11	21	18
City Kings	18	3	9	6		8	24	15
ICF Uni	16	1	8	7		9	22	10
W/Heights	16	2	12	2		10	38	8
M/Gaindu	16	1	12	3		7	38	6
Under 19 Division								
PS United	19	13	2	4		30	12	43
Telekom	20	13	3	4		35	16	43
Nisco	21	13	5	2		35	21	41
Cosmos	22	11	8	3		26	18	36
P/United	21	9	7	4	1	28	19	34
Guria	17	9	4	3	1	25	13	33
Adau	18	10	6	2		17	16	32
Tarangau	20	8	4	8		33	27	32
B/Kumuls	21	9	7	5		29	17	32
Babaka	21	8	7	6		25	30	30
K/Andra	19	8	7	4		25	17	28
Defence	17	6	4	7		20	21	25
University	19	5	6	8		15	17	23
Momase	21	4	11	6		14	23	18
Bavaroko 3Bs	17	4	11	2		9	20	14
M/Gaindu	21	2	13	6		12	31	12
Rapatona	19	3	13	3		7	30	12

* A bye is effected due to the suspension of Ela United Soccer Club. The bye therefore carries a bonus three points and two goals. Premier and Reserve Divisions only.
 * Forfeit point is given only to the forfeiting side with two goals. The forfeit is awarded a loss on this note.



ZENAG - Gutpela kiau



NGI i holim namba wan volibal sempionsip

KIMBE bai karim nem bilong NGI long holim namba wan volibal sempionsip insait long rijon.

Dispela sempionsip ya bai kamap long tude na pinis long Sande. Samting olsem 11-pela senta i givim nem pinis long stap insait long dispela resis.

Oi senta ya em NCD, Vabukori, Taikone, Poreporena, Lae, Huon Gulf, Kimbe, Madang, Bougenvil, Popondetta, Kavieng, Oro Sohe na Morobe.

Foapela tim olsem Vabukori, NCD, Huon Gulf na Taikone i gat sans long winim dispela taitel bilong man. Na long resis bilong ol meri Bougenvil, Huon Gulf, Taikone na Lae.

Kimbe em i gat nem long aussie ruls, soka na boksing tasol nau em volibal i laik traim wokim nem.

Long gem bilong ol man, Vabukori bai kamap olsem feveret long win taitel bihain long em i autim sempion bipo, NCD 3-0 long

grenfainel.

Vabukori i gat ol pilaia olsem Gia Vuina, Alu Kapa, Gereana Kila, Lawes Rabura na Brian Manega. Rabura bai lukautim gem gut tru bikos em i kisim sampela eksperiens long Arafura Gems las yia.

NCDC i gat ol pilaia olsem Terry Kupa, Mathew Walo, Jerry Noah, Kelly Peter, Titus David na Dominic Tugiau. Na long tim ol i gat ol pilaia olsem Tau Magela, Geoffry Kala, Ellis Maliaki.

Na long saut bilong Huon Gulf i gat Philip Neleng na Benny Ume. Sapos olgeta toktok bilong em stret em bai go raun long Jemani wantaim wanpela klab long Australia ya.

Alex Gima i lusim Huon Gulf na stap nau long Kimbe.

Na long resis bilong ol meri, ol Bougenvil bai traim long winim na kisim taitel i go long ailan.

Oi pilaia olsem Winnie Niniku, Geogina Mamare na Monica Kopar

bai go pas long ol Buka long nekim Houn Gulf.

Huon Gulf i gat PNG pawa hita Ennie Gedisa long tim. Em bai kisim helpim long Helen Arokai na Anna Samuel.

NCD tu i gat wanpela strongpela tim. Oi i gat ol pilaia olsem Dorothy Kivung, Helai Oala, Dianne John, Brenda Sevese, Constance Ivaroa, Susuie Avea, Theresa Paliau, Ruga Aisi na Iamo Kwara.

Bowling tim i go long Asia Pasifik sempionsip

PAPUA New Guinea Bowling Asosiesen i salim wanpela tim bilong man na meri i go long Asia Pasifik bowling sempionsip long Kuala Lumpur, Malaysia.

Tim ya i lusim kantri long Trinde na bai kambek long Oktoba 12.

Namel long tim bilong meri, Geua Tau Vada husat i winim gol medal long Commonwealth Gems i stap long tim. Tim bilong meri em Karina Okuk, Maggie Worrie, Martha Ila na Gelta Gabi. Na tim menesa bilong ol em Theresa Kila Maine.

Presiden bilong PNG Bowling Asosiesen Paddy Fago i tokaut olsem dispela sempionsip long Malaysia em long redim tim long stap insait long Wol sempionsip long Johannesburg, Saut Afrika.

"Mipela i mas win, na mi askim olgeta pilaia long givim taim bilong ol long stap trening na winim taitel."

"Em i no wari husat i pilai long singles, dabol o tripel", em i tok.

Dispela Asia-Pasifik Bowling sempionsip em i bikpela sempionsip insait long rijen na em i laik PNG i mas mekim gut long tonamen.

Tim bilong ol man em Peter Juni, Kundi Miki, Paul Akis, Jack Wau na Nadu Namun. Tim menesa bilong em Kiliwi Nabo.



ROUND TWO DRAW (Sunday, September 19, 1999)

Mt Hagen Raiders vs Tari Tigers (Mt Hagen)
Goroka Royals vs Mendi Brothers (Goroka)
Wabag vs Minj Wests (TBA)
Lae Royals vs Wau-Bulolo Warriors (Lae)
Rabaul Balanataman vs Kimbe Muruks (Kokopo)
Madang Hawks vs Wewak Tigers (Madang)
Kiunga Raiders vs Tabubil Raiders (Kiunga)
Port Moresby Souths vs Popondetta Pati (Port Moresby)

Disebel spot pulim 8-pela senta

SAMTING olsem 8-pela senta i givim nem pinis long stap insait long 1999 Nesenel Disebel Spot long Nesenel Spot Institut long Goroka. Dispela sempionsip bilong ol trangu man bai kamap long Oktoba 24-30.

Meri i go pas long dispela tonamen, Sophie Kuasi bilong PNG Spots Komisin i tok olsem em i mas gat K25,000 long holim dispela sempionsip.

Oi senta i givim nem pinis em

Pot Mosbi, Lae, Rabaul, Alotau, Enga, Mendi, Hagen and Goroka. Kavieng i soim laik long stap long dispela resis we bai surikim namba bilong ol senta i go antap moa.

Las yia 5-pela senta tasol i bin stap long dispela resis bilong ol disebel.

Oi disebel bai resis long swimming, wilsia resis, resis na weiltlifting.

Mis Kuasi i tokaut olsem ol bai resis long divisen bilong ol olsem

ol wilsia bai ran ol yet, ol aipas na iaupas, ol lain nogat lek na ol lain i longlong liklik.

Dispela disebel spot em bilong strongim na bungim olgeta disebel spots man na meri insait long kantri. Bihain long dispela sempionsip, ol bai makim wanpela skwat long go pilai long Sidney, Australia, long neks yia.

Wanem ol asosiesen i laik givim nem i mas ringim Cecilia Bagore long Mt Sion Blind Senta long

Goroka, Samu Sasamu long NSI na Kuasi yet long PNG Spots Komisin.

Rejistresen fi em K100 long wanwan tim, K5 long ol memba na K10 long ol lain i no memba bilong disebel asosiesen.

Kuasi i laik tokaut stret olsem ol tim o senta yet bai lukautim balus tiket, haus slip na kaikai bilong ol PNG Spots Komisin o Nesenel Spots Institute bai i no inap helpim long dispela bikos nogat sponsa.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.